

मत्तिङ्ग साप्पहा

सुसमाचारमि साप्चिरा

## **The Scriptures:**

© Yamphu Translation Committee, August 2017.

# मत्तिडेऱ साप्पऱआ

सुसमाचारमि साप्चिरा

## साप्चिरामि चिनारि

इगो साप्चिरा मत्तिडेऱ साप्पऱआ सुसमाचारमि साप्चिरा लेये। इगो साप्चिराडेऱ याऱलोएबाड हेन्जुड हेम्बऱआ मुक्तिदाडबा येसुनोऱ लेये लुनुड लुनुडुए। उहिलोनोऱ निवाहाडडेऱ खोमि याऱमि यहुदि जातिजि इक्को मुक्तिदाडबा पाडबेनिम्ने लुःनुड हेन्जुड हेम्बऱआ लेटे। मो हेन्जुड चाहि निवाहाडडेऱ येसु इगो माकखम्डेमबेऱ पाडनुड पुरा लेट्टु। येसुमि जन्म यहुदि जातिबेऱ लिसा मोबा माहाजिमि रुम्बेऱ वाबुगानुड हिक्सा इगो सुसमाचार चाहि यहुदि जातिजिमि लागिरेऱ नेऱनि हाइखा चोप जातिजिमि लागिसो लिसा।

मत्तिडेऱ साप्पऱआ सुसमाचार नुरोऱ टोडनुड साप्पऱआ लेये। इगो साप्चिराबेऱ येसु टोक्पऱआ, खो सिबऱआनुड खो हिडबोक्पऱआ खा नुरोऱ लुबऱआ लेये। इगोबेऱ येसु टोक्पऱआ खा, बप्तिस्मा लाबऱआ खा, सैतानडेऱ खो जाच लेःऱपऱआ, खोसेऱ गालिलराजि लेःऱपऱआ प्रचार, खोसेऱ इःऱपऱआ सिक्छेनुड खाल खालहा टुक्खुबाजि नुबोक्पऱआ योम्बोकमि टुम्बेऱ इबऱआ लेहा। खो यरुसलेम खेऱपऱआ, मोबेऱ खोसेऱ एक्साडए साता पेम्बऱआ, काप्सिडबेऱ सिबऱआ मोबा खो सुम्याकपेऱ हिडबोक्पऱआ खा साप्पऱआ लेहा।

इगो सुसमाचारडेऱ येसु यहुदि धार्मिक नियमनुड थाडसिरि राज्यमि चोप खा लेखुबा महान गुरु लुःनुड लुबऱआ लेये। खोमि बेऱलो सिक्छे इघा मिऱमुहा खामि टुम्बेऱनोऱ टुहाः-

१. टेक्टोक्मामि उपदेस- थाडसिरि राज्यबेहहा यात्रमिजिबेह टुमा खेहा बानि बेहोरा (अध्याय ५-७)
२. येसुमि एप्पा चोडसाजि प्रचार लेःत्रमे आग्या पिबहआ (अध्याय १०)
३. थाडसिरि राज्यमि पारलेम (अध्याय १३)
४. चोडसाबेह टुमे आनिबानि (अध्याय १८)
५. आयुए युगमि टुडगोनुड ख्रिस्ट फेरि लेडइये याकमि टुम्बेहहा खा (अध्याय २४-२५)

### साप्चिरामि बिसय सुचि

१. येसु ख्रिस्टमि बंसामि टुम्बेहनुड खो टोक्पहआ खा (१:१-२:२३)
२. बप्तिस्मा पिघुबा युहन्नामि योम्बोक (३:१-१२)
३. येसुमि बप्तिस्मानुड जाच (३:१३-४:११)
४. येसुडेह गालिलबेह लेःत्रपहआ योम्बोक (४:१२-१८:३५)
५. गालिलबाड यरुसलेमठोक (१६:१-२०:३४)
६. यरुसलेमबेह येसुमि एक्साडे साता (२१:१-२७:६६)
७. येसु सिबहआबाड हिडबोक्पहआनुड खोमि चोडसाजिबेह खाडमुबहआ (२८:१-२०)

## येसु ख्रिस्टमि टुबालाबाजि

(लुका ३:२३-३८)

१ येसु ख्रिस्ट चाहि अब्राहामनुड दाउदमि बंसमि यात्रमि लेटा। मो येसु ख्रिस्टमि टुबालाबाजिमि निड सुचि इडोः लेहा- २ अब्राहाममि पसा इसहाक लेटा, इसहाकमि पसा याकुब, याकुबमि पसाजि यहुदानुड हाइखा वावानिसाजि टुसामि। ३ यहुदामि खिमदाडमा तामारबाडहा पसाजि फारेसनुड जाहेर, फारेसमि पसा हेसोन, हेसोनमि पसा अराम। ४ अराममि पसा अम्मिनादाब, अम्मिनादाबिमि पसा नहसोन, नहसोनमि पसा सल्मोन, ५ सल्मोनमि खिमदाडबा राहाबबाडए पसा बोअज, बोअजमि खिमदाडमा रुथबाडए पसा ओबेद, ओबेदमि पसा यिसै। ६ यिसैमि पसा हाडबा दाउद लेटे।

दाउदमि पसा सोलोमन। सोलोमनमि मामा चाहि उरियाहमि खिमदाडमा लेटे। ७ सोलोमनमि पसा रहबाम, रहबाममि पसा अबिया, अबियामि पसा असा, ८ आसामि पसा यहोसापात, यहोसापातमि पसा यहोराम, यहोराममि पसा उज्जियाह, ९ उज्जियाहमि पसा योताम, योताममि पसा आहाज, आहाजमि पसा हिजकिया, १० हिजकियामि पसा मनस्से, मनस्सेमि पसा आमोननुड आमोनमि पसा योसियाह लेटे। ११ योसियाहमि यकोनियासनुड हाइखा पसाजिसो टुसामे। माहाजि यहुदिजि बन्दि टोडनुड बेबिलोन देशबेः लाघेःमे बेलाराजि टोक्पःआ लेटामे।

१२ बेबिलोनबेः लाघेःएबाड यकोनियासमि पसा सालतिएल टोगा, सालतिएलमि पसा यरुबाबेल, १३ यरुबाबेलमि पसा अबिउद, अबिउदमि पसा एल्याकिम, एल्याकिममि पसा आजोर, १४ आजोरमि पसा सादोक, सादोकमि पसा आखिम, आखिमका पसा एलिउद, १५ एलिउदमि पसा एलाजार, एलाजारमि पसा मत्तान, मत्तानमि पसा याकुब, १६ मोबा याकुबमि पसा योसेफ लेटा। इगो योसेफ चाहि मरियममि खिमदाडबा लेटे। इगो मरियमबाड ख्रिस्ट टोगा।

<sup>१७</sup> इडोऱ अब्राहामबाड दाउदठोक् चौधो पुस्ता मोबा दाउदमि पालोबाड इस्राएलिजि बेबिलोन लुःमे ठाउबेऱ लाघेऱलोबेऱ चौधो पुस्ता लिये। मोबा मोबेलाबाड ख्रिस्ट टोक्मे बेलाठोक्पेऱ फेरि चौधो पुस्तानोऱ लिये।

### येसु ख्रिस्ट टोक्पऱआ

(लुका २:१-७)

<sup>१८</sup> येसु ख्रिस्ट इडोऱ टोगा खोमि मामा मरियममि योसेफनुड फुडसया लिमामि साक्खि राःप्पेबाऱअ लेटा। खोजिमि फुडसया लिमा याऱलोनोऱ मरियम पबित्र होडनिडाबाड उक्खाइसुम्मा लिबेबऱआ लेटे। <sup>१९</sup> योसेफ धर्मि याऱमि लेःटेन्सेऱ खोसेऱ याऱमिजिमि पोम्बेऱ मरियम बेजेत एऱलेऱमामि खुस्त्रिडमु लेप्पेमा योगु।

<sup>२०</sup> योसेफडेऱ निडाबेऱ इडोऱ लेऱमामि मिऱमेऱनिडसिडुए, तर परमप्रभुमि थाडसिरिदुतडेऱ खो सेम्माडबेऱ खाडमुनुड इडोऱ लुःसु, “होउ योसेफ, दाउदमि पसा, मरियम फुडसया लेऱमा एक्किसिने, इन्ढोडहोड खोमि रुडमाबेऱ टुये ओडेकको पबित्र होडनिडा मि सक्त्तबाड लिबऱआ लेये, <sup>२१</sup> हागो मरियमडेऱ इक्को पसा टोइन्डुये, मो ओडेक्मि निड हेनेऱ येसु युडमे, इन्ढोडहोड खोसेऱ खोमि याऱमिजि पापोबाड छुटकारा पिःन्डुजे”<sup>a</sup>।”

<sup>२२</sup> परमप्रभुडेऱ अगमबक्ताबाड याऱलोएम्बाड लुःबऱआ इघा चोप बचन पुरा लिमामि लागिनोऱ इघा चोप लिबऱआ लेये-

<sup>२३</sup> “खाक्सानुमे इक्को कन्या उक्खाइसुम्मा लिये।

खोसेऱ इक्को पसा टोइन्डुए,

खोमि ‘निड इम्मानुएल’ लिये

इगो लुःबऱआ चाहि ‘निवाहाड कानिडनुड’ टुये।”<sup>b</sup>

<sup>a</sup> १:२१ भजनसङ्ग्रह १३०:८

<sup>b</sup> १:२३ यसैया ७:१४

२४ मोबा योसेफ इम्माबाड हुम्बुकनुड खो सेम्माडबेण थाडसिरिदुत्डेण लुःबणआडोणनोण खोसेण मरियम फुडसया लेःणुड खोमि खिमबेण चिकखेण्टु। २५ मरियमडेण पसा मेन्टोक्लो योसेफ खोनुड सोरि मेइप्सा। मरियमडेण पसा टोगु मोबा मो ओडेक्मि निड योसेफडेण येसु युक्सु।

येसु सेवा मुसिण नामगेतबाड लेम्बेणआ जोतिसिजि

२ <sup>१</sup> यहुदिया ठाउमि बेथलेहेम खिमडेमबेण येसु टोगा। मोडोक्पेण हेरोद यहुदियाबेणए हाडबा लेटा। येसु टोक्नुड एक्साड खो योक्साड योक्साड नामगेतबाड जोतिसिजि यरुसलेमबेण लेस्सामि। <sup>२</sup> मोबा माहाजिडेण इडोण लुःनुड याणमिजि सिप्सुजि, “यहुदि जातिजिमि हाडबा लिनुड टोक्पणआ ओडेक हाम्बेण्टे टुये ? इन्ढोडहोड कानिडेण खो टोक्पणआ खामि चिडगा पिःघुबा साडगे नामगेतलाम खाडडोक्इटुडमा मोडोगेण खोमि दर्सन लेःणसिण कानिड इगोबेण लेडइटिडमे।”

<sup>३</sup> इगो खा हाडबा हेरोदडेण खेम्नुड खो किस्सिपोगानुड यरुसलेमबेणहा बेणलो याणमिजिमिसो किस्सिबोगामि। <sup>४</sup> मोबा हेरोदडेण एप्पा याडाडबाजिनुड यहुदि धार्मिक खा इःणखुबाजि केःणनुड इडोण लुःसाड सिप्सुजि, “ख्रिस्ट हाम्बेण टोक्मा खेये ?” <sup>५</sup> माहाजिडेण लुःसुजि, “यहुदिया ठाउमि बेथलेहेम खिमडेमबेण खो टोणइये। इन्ढोडहोड अगमबक्ताडेण इडोण साप्पणआ लेहा।

<sup>६</sup> ‘ए यहुदिया ठाउमि बेथलेहेमबेणआ याणमिजि

हाइखा सहरबेणहाजिबाड चैबानोण हेनिड इमाड खाबेणसो एडेणमा लेःणनिबा,

इन्ढोडहोड हेडबाड बेणए हाडबा लिये,

मो हाडबेणनोण काडमि इस्राएलबेणहा प्रजाजि रच्चे लेन्डुजे।”\*

\* २:६ मिका ५:२ बेण खाक्सानुमे

<sup>७</sup>मोबा हाडबा हेरोदडे? माहा जोतिसिजि खोरो चिक्खे?नुड साडगे इन्डो?पे? मोबा इन्डो?पे? खाडमुसे लु:नुड खोजिनुड नुरो? सिम्नुड लेडोक्टुजि। <sup>८</sup>मोबा हाडबा हेरोदडे? माहा जोतिसिजि इडो? लु:साड बेथलेहेमलाम पाक्सुजि, “लो खडानिडे मो ओडेक नुरो? योगानुमे। ओडे? योक्टोक्नुड एक्साड कासो लाम्बावा पि:माजे। कासो खो सेवा मुसि? खे?मा मिडइडे।

<sup>९</sup>मोडो? हाडबा हेरोदमि खा खेम्नुड एक्साड खोजि रामबोगामि। रामबे? खे?मे?निडसिमाबे? नामगेतलाम खाडमुब?आ साडगे फेरि खोजिडे? खाडडोक्टुजि। मो साडगे खोजिमि पोम्बे? पोम्बे? खडा मोबा ओडे? टुब?आ सिधा मिन्डु पेन्डुडखडा। <sup>१०</sup>मो साडगे खाडडोक्नुड माहा जोतिसिजि सारोनो? साप्थाक्सामि।

<sup>११</sup>मोबा खोजि मो खिमहोडसि?यु पे?न्नुड खाडबाबे? खोजिडे? आडेक खोमि मामा मरियमनुड खाडडोक्टुजि। खोजि उ:क्युनुड ओडे? सेवा मुसुजि। मोबा खोजिमि थैलि हेन्नुड सुना, बे?लो याड सिइये धुपानुड नाम्जानुबा केवाको भेटि चे?टिसुजि।

<sup>१२</sup>माहा जोतिसिजि सेम्माडबे? ‘हागो हेरोदबे? हेनिड एटेखडानिडे’ लु:ब?आसे? खोजि हाइको राम लिसाड टेखडामि।

### योसेफ खोम जहान चिक्मानुड मिस्र देस खे?प?आ

<sup>१३</sup>माहा जोतिसिजि खे?पेनुड एक्साड, प्रभु निवाहाडमि इक्को थाडसिरिदुत योसेफनुड सेम्माडबे? खाडमुनुड इडो? लु:सु, “पुके?नुड ओडेकनुड खोमि मामा चिक्मानुड चान्डो मिस्रदेसबे? खे?पेसे, हेड के? फेरि आबे मेलु:रे?लो मोबे?नो? पेने। इन्डोडहोड हाडबा हेरोदडे? इगो आडेक से?नेमामि योक्मे?निडसिन्डुए।”

<sup>१४</sup>मोडोगे? योसेफ येपोक्नुड सेन्डानो? ओडेक्नुड खोम्मा चिक्मानुड मिस्रदेसबे? खे?पेसा। <sup>१५</sup>मोबा हाडबा हेरोद मेसिघे?लो खोजि मोबे?नो?



पेनामि। अगमबक्ताडेऱ लुःबऱआ खा इडोऱ पुरा लिसा, “केऱ काडमि पसा मिस्र देसबाड केडुड।”<sup>१९</sup>

हाडबा हेरोदडेऱ बेथलेहेमबेऱहा डिनिडहा चोप वडाडपसाजि सेऱनेमेऱपऱआ

<sup>१६</sup>जोतिसिजिडेऱ खो रेम्मानुड खेऱपेटामि लुःमे खा हाडबा हेरोदडेऱ लेडोक्नुड खो सुरिगेऱ पुम्डिऱखडा। साडगे खाडमुबऱआ खा जोतिसिजिबाड लेडोक्पऱआ बेलाडोऱ खोसेऱ खोमि येरिडजि पाडनुड बेथलेहेमनुड मोमि किऱयुमिऱयु ठाउबेऱ टुबऱआ डिनिडनुड मोबाड पाक्लोऱहा वाडाडपसा ओडेकजि सेऱनेमेऱटुजि। इन्ढोडहोड निनिड याऱलो साडगे खाडमुबऱआ खा माहा जोतिसिजिबाड लेडोक्पऱआ लेटे ॥ <sup>१७</sup>इडोऱ यर्मिया अगमबक्ताडेऱ लेऱपऱआ अगमबानि पुरा लिसा।

<sup>१८</sup>“हाःप्मा यिक्मानुड बेऱए बिलौना लेऱऱनेऱनिडसिबऱआ

रामा ठाउबेऱ खेम्मुसा,

राहेल टाडबामि ओडेक्जिमि लागि हाःप्मेऱनिडसिये।

खो असेऱसो एहाःप्ने लुःनुड योड मेम्पेम्हेसुजि इन्ढोडहोड खोमि चोप पसाजि सिघेटामे।”<sup>\*</sup>

<sup>१९</sup>हाडबा हेरोद सिघेऱनुड एक्साड, निवाहाडमि इक्को परमप्रभुमि थाडसिरिदुत् मिस्र देसबेऱ सेम्माडबेऱ योसेफनुड खाडमुनुड इडोऱ लुःसु, <sup>२०</sup>“योसेफ पुकाडे, ओडेक्नुड खोम्मा सोरि चिक्मानुड इस्राएल देसबेऱ खाडे, ओडेक सेऱनेमा योक्खुबाजि हागो सिघेऱपेटे।” <sup>२१</sup>मोबा योसेफ पुकेऱनुड ओडेक्नुड खोम मामा चिक्मानुड इस्राएल देसबेऱ टेखडा।

<sup>२२</sup>तर यहुदिया ठाउबेऱ हाडबा हेरोदमि साटो खोमपसा अर्खिलाउस हाडबा लिटे लुःमे खा लेडोक्नुड योसेफ मोबेऱ खेऱमा किस्सिडा। मोबा फेरि सेम्माडबेऱ निवाहाडडेऱ एखेऱमानोऱ चुये लुःबऱआसेऱ गालिललाम खोजि

<sup>१९</sup> २:१५ होसे ११:१ बेऱ खाक्सानुमे

<sup>\*</sup> २:१८ - यर्मिया ३१:१५ बेऱ खाक्सानुमे

खडामि। <sup>२३</sup> मोबेफ खेऱनुड नासरत लुःमे खिमडेमबेफ पेम्बुगामि। इडोऱ अगमबक्ताडेऱ याऱलोएम्बाड “खो नासरि लुःनुड केये” लुःबऱआ खा पुरा लिसा।”

### बप्तिस्मा पिःघुबा युहन्नामि प्रचार

(मर्कुस १:१-८; लुका ३:१-१८; युहन्ना १:१६-२८)

३ <sup>१</sup> मोडोकपेऱनोऱ बप्तिस्मा पिःघुबा युहन्नाडेऱ यहुदिया ठाउमि रेऱरेक्मा ठाउबेऱ याऱमिजि इडोऱ लुःसाड प्रचार लेःऱपोगु, <sup>२</sup> “हागो पाप लेःऱमा लेप्पेसानुमे इन्ढोडहोड निवाहाडमि राज्य केक्पेऱ लेम्बेऱे।” <sup>३</sup> याऱलोनोऱ यसैया अगमबक्ताडेऱ खोमि टुम्बेऱ इडोऱ लुःबऱआ लेऱे, “खेप्सानुमे, रेऱरेक्मा ठाउबेऱ इक्को याऱमि बेऱए सेम्लेऱ इडोऱ काये,

‘निवाहाडमि राम पोरोगानुमे, खो रामइये रामयुऱवा सोभो टोकसानुमे।’<sup>४</sup>”

<sup>५</sup> मो युहन्ना लेये खोसेऱ उटमि भुत्लाबाड आक्पऱआ चेऱ चाक्सुए, सुम्मरिक्बेऱ साउक्मि ठोडमाइ हिःगुए मोबा खोसेऱ सिगिऱडोऱमा सलहनुड याऱवामामि खुदो चोसुए। <sup>५</sup> यरुसलेम सहरबाडनुड यहुदिया ठाउबेऱहा चोप खिमडेमबाड, यर्दन होडमामि किऱयु मिऱयुहा ठाउबाड याऱमिजि युहन्नाबेऱ लेस्सामि। <sup>६</sup> मोबा खोजिडेऱ पापबाड टेनुड यर्दन होडमाबेऱ खोबाड बप्तिस्मा लासुजि।

<sup>७</sup> तर फरिसिनुड सदुकिजिबाडसो बेऱलो याऱमिजि खोबाड बप्तिस्मा लासिऱ आप्पेऱनिडसिबऱआ खाडडोकनुड युहन्नाडेऱ लुःसुजि, “होउ, पुसेऱमि पसाजि, निवाहाडमि दण्डाबाड चिऱमा हेनिड असेऱटे इःडानिडे ? <sup>८</sup> हेनिड चैबानोऱ पाप लेःऱमा लेऱनुड चोड लिटानिडेहोड हेनिडेऱ नुबा योम्बोक लेःऱानुमे। <sup>९</sup> ‘कानिड अब्राहाममि पसाजि लेन्डिडमा’ लुःनुड न्यायबाड लेऱखेहेन्डिडमा एमिडानुमे। इन्ढोडहोड केऱ लुःनिम्ने, इघा रुडगोवाबाडसो निवाहाडडेऱको अब्राहाममि पसाजि टोडहेन्डुये।

<sup>४</sup> ३:३ यसैया ४०:३ बेऱ खाक्सानुमे

१० आयुनोऱ सिडभुमि राडाडबेऱ न्यायमि एन्दि सिप्पेटे। नुबा चा मेडकिडखुबा पुडाड चेम्बेनुड मिबेऱ राप्खेहा।”

११ “चैबानोऱ, हेनिड ताडबेऱ पाप लेऱऱमा लेडानुम लुःमे खामि लागि योडामि बप्तिस्मा पिःनिम्ने। तर काबाड एक्साड लेडखुबाडेऱ चाहि हेनिड पबित्र होडनिवानुड मिडेऱ बप्तिस्मा पिःये। खो काबाड सक्तिदाडबा लेये। कागो खोमि राडसुपमि तुना हेडखुबाडोऱमासो लेऱऱडानि। १२ खाक्सानुमे, खोसेऱ अन्न ठाःप्मामि ठाःपठाम नाडग्रो खोमि हुकपेऱ लाबेटुए, खोसेऱ खोमि खाला पुरै सेःन्डुए, हागो ठाःप्नुड अन्न चाहि भोगेम्बेऱ युडइन्डुहा तर भुसु चाहि इन्डोक्पेऱसो सिघेऱनिबा मिबेऱ हिऱटिन्डुहा।

### येसुडेऱ बप्तिस्मा लाबऱआ

(मर्कुस १:६-११; लुका ३:२१-२२; युहन्ना १:३२-३४)

१३ मोबा गालिलबाड येसु युहन्नमि हुकबाड बप्तिस्मा लामामि यर्दन होडमाबेऱ लेस्सा। १४ तर युहन्नाडेऱ खो इडोऱ लुःनुड सेक्मा योगु, “कारे हेनबाड बप्तिस्मा लामा खडिडे तर हेडरे काबेऱ लेडइटा!” १५ तर येसुडेऱ युहन्ना लुःसु, “आयु इडोऱनोऱ लिमेऱटे, इन्ढोडहोड इडोऱनोऱ निवाहाडडेऱ मिऱपऱआ खा कानिडेऱ पुरा लेऱऱखेऱमा खेहा।” इघा खा खेम्नुड युहन्नाडेऱ बप्तिस्मा पिःमा राजि लिसा।

१६ मोबा येसुडेऱ बप्तिस्मा लामासोरोऱनोऱ योडाबाड पाखेऱयु आबा, मोडोक्पेऱ थाडसिरि हेम्बोगा, येसुडेऱ निवाहाडमि पबित्र होडनिडा उखिऱवाडोऱ खोसोक्पेऱ उडमेऱनिडसिबऱआ खाडडोक्टु। १७ मोबा थाडसिरिऱटुरा इडोऱ लुःबऱआ सेम्ला खेम्मुसा, “इगो काडमि मानमान लेऱऱपऱआ पसा लेये, इगोनुड का साप्थाडइटिडे।”

### सैतानडेऱ येसु पापबेऱ रेमएम्मा योगु

(मर्कुस १:१२-१३; लुका ४:१-१३)

✂ <sup>१</sup> मोबा सैतानडेऱ जाच लेऱरो लुनुड पबित्र होडनिडाडेऱ येसु रेकरेक्मा ठाउबेऱ चिक्खेऱटु। <sup>२</sup> इडोऱ येसु रिबोड सेन्डा, लेन्डा इमाडसो मेन्चारेऱ पेम्बाऱआसेऱ खो सगेऱ सिऱसु। <sup>३</sup> मोडोक्पेऱनोऱ येसुबेऱ सैतान लेन्नुड लुःसु, “हेड चैबानोऱ निवाहाडमि पसा लेयेहोड लो इघा रुडगोऱवा ‘चरेपा लिबेसे’ लुःघाए।” <sup>४</sup> तर येसुडेऱ लुःसु, “धार्मिक साप्चिराबेऱ इडोऱ साप्पऱआ लेये ‘याऱमि चामायाडेऱरेऱ हिडनिबा, तर खो निवाहाडमि इक्को इक्को बचनडेऱ हिडइये।”

<sup>५</sup> मोबा सैतानडेऱ येसु पबित्र सहर यरुमलेममि मन्दिरमि धुरिऱटु चिक्खेऱनुड येप्पेऱनुड लुःसु। <sup>६</sup> “लो हेड चैबानोऱ निवाहाडमि पसानोऱ लेयेहोड इगोबाड मिम्मु आम्युघाए, इन्ढोडहोड धार्मिक साप्चिराबेऱ इडोऱ साप्पऱआ लेये-

‘निवाहाडडेऱ हेड जोगा लेऱसिऱ थाडसिरिदुतजि पाडइन्डुजे।

आम्मि सराड रुडगुवाबेऱ मेन्चेप्लो लुःनुड माहा दुतजिडेऱ हेड हुक हुक्पेऱनोऱ टाप्पिम्मे”।”

<sup>७</sup> फेरिसो येसुडेऱ मो सैतान लुःसु, “धार्मिक साप्चिराबेऱ इडोऱसोड साप्पऱआ लेये, ‘हेनेऱ परमप्रभु आम्मि निवाहाडमि जाच एलेऱमे”।”

<sup>८</sup> मोबा फेरि सैतानडेऱ येसु इक्को अगलोमा टोकटोकमाबेऱ चिक्खेऱनुड इगो माकखामडेमबेऱहा चोप राज्य सुखबिलासनुडहा थोक खाडमुसाड लुःसु, <sup>९</sup> “हेनेऱ उकयुनुड का सेवा मुडाहोड, इघा खाडमुहा चोप हेड पिन्ने।” <sup>१०</sup> मोबा येसुडेऱ मो लुःसु, “हेड सैतान, इगोबाड खेप्पेसे!

<sup>९</sup> ४:६ भजनसङ्ग्रह ६१: ११-१२

<sup>१०</sup> ४:७ ब्यवस्था ६: १६

इन्ढोडहोड धार्मिक साप्चिराबे इडो साप्परा आ लेये, 'हेने टाडबामि निवाहाडरे सेवा मुमे, मोबा खोमिरेनो सेवा लेःऱमे।'<sup>११</sup>

<sup>११</sup> सैतान येसु याःऱयानुड खेऱपेसा मोबा थाडसिरिदुत्तुजि लेन्नुड खोमि सेवा लेःऱुजि।

येसुडे गालिलबे टाडबामि योम्बोक तारिगु

(मर्कुस १:१४-१५; लुका ४:१४-१५)

<sup>१२</sup> युहन्ना तिलिडगा खिमबे सेऱइटुजे लुःमे खा खेम्नुड एक्साड येसु गालिलराजि खडा। <sup>१३</sup> मोबा खो नासरत सहर याःऱयानुड कर्फनहुमबेऱ पेम्बोगा। इगो सहर चाहि गालिल माहोडमामि केक्पेऱ नप्तालिनुड जबुलुन ठाउबेऱ सिऱटे। <sup>१४</sup> यसैया अगमबक्ताडेऱ लुःबऱआ बचन इडोऱ पुरा लिसा,

<sup>१५</sup> "जबुलुननुड नप्तालिमि मुलुकबेऱहा याऱमिजि,

यर्दन मेऱरेड वाबोकलालाम खेऱठाम माराम गालिल ठाउबेऱ पेडखुबा नेऱनिहा यहुदि याऱमिजि खेप्सानुमे!

<sup>१६</sup> सेन्जिगुप्पेऱ पेडखुबाजिडेऱ बेऱए उज्यालो खाडइटुजे।

सिमानुड सेन्जुगुप्पेऱ पेडखुबाजिबेऱ इक्को बेऱए उज्यालो लेडइटे।"<sup>१६</sup>

<sup>१७</sup> मोडोऱ बेलाबाडनोऱ प्रचार लेःऱसाड येसुडेऱ लुःबोगु, "पापबाड टेसानिडे, इन्ढोडहोड निवाहाडमि राज्य केक्पेऱनोऱ लेम्बेऱ।"

येसुडेऱ डा राःप्खुबाजि चोडसा टोडबऱआ

(मर्कुस १:१६-२०; लुका ५:१-११)

<sup>१८</sup> इऱयाक येसु गालिल माहोडमामि केक्पेऱ राम्पेऱनिडसिमाबेऱ निप्पाड डा सेऱखुबाजि याडखुवामा राम्पेऱनिडसिबऱआ खाडडोक्टु। मोजि पत्रुस लुःमे सिमोननुड खोमि निसा अन्द्रियास लेःऱाजे। <sup>१९</sup> येसुडेऱ मोजि लुःसुजि, "कानुड राप्साजे, केऱ हेन्जिड याऱमिजि काबेऱ लाआप्खु टोडइन्जिम्ने।"

<sup>११</sup> ४:१६ यसैया ६:१-२

<sup>२०</sup> मोबा मोजि मोडोक्पेनो खोजिमि याडखुवामा याःयानुड येसुनुड राम्बोगाजि।

<sup>२१</sup> मोबा एडे मेऱयोड खेऱमाबे जाब्दियामि निप्पाड पसाजि याकुबनुड खोमनिसा युहन्ना चुप्पुजि। खोजि योडाखोडबे खोम्बानुड याडखुवामा ठिमेऱनिडसिडाजि। येसुडे मोजिसो केडुजि। <sup>२२</sup> केऱमासोरोनो योडाखाडनुड खोम्बानो याःयानुड येसुनुड राम्बोगाजि।

येसुडे गालिलबे लेऱपऱआ योम्बोक

(लुका ६:१७-१९)

<sup>२३</sup> मोबा येसु यहुदिजि सुमढामि खिमराजि सिक्छे इऱसाड, निवाहाडमि राज्यमि टुम्बेऱहा खा खेम्मेऱटुजि। मोडोक्पे खाल खालहा टुक्खुबाजि नुबोक्साड गालिलबे वाइसा। <sup>२४</sup> मोडोगेऱ खोमि माहा खा सिरिया देसबेऱसो मुक्पोगा। याऱमिजिडे इडोऱ बेऱलो खालहा टुक्खुबाजि, दुःखबेऱ सिऱपऱआजि, माडेऱमा चाबेऱ राःप्पऱआजि, नामदेम्बेऱ राःप्पऱआजिनुड सोगुबाजि येसुमि पोम्बेऱ खिजेडुजि। येसुडे माहा चोप खालहा टुक्खुबाजि नुबोगुजि। <sup>२५</sup> मोबा गालिल छेऱ, डेकापोलिस छेऱ, यरुसलेम सहर, यहुदिया ठाउनुड यर्दन होडमामि मेऱयारेडहा छेऱबेऱहा बेऱलो याऱमिजि येसुमि एडगुवा एडगुवा खडामि।

येसुडे टोकटोक्मेऱटु अर्ति पिःबऱआ

(लुका ६:२०-२६)

**५** <sup>१</sup> मोबा बेऱलो याऱमिजि सुम्बऱआ खाडनुड येसु टोकटोक्मेऱटु साडनसड पेना मोबेऱनो खोमि चोडसाजिसो लेन्नुड पेनामि। <sup>२</sup> मोबा येसुडे माहा याऱमिजि सिक्छ पिःसाड इडोऱ लुःसुजि,

<sup>३</sup> “निवाहाडमि पोम्बेऱ टाडबा इमाडसो नेऱनि मिऱखुबाजि, आसिसित लेम्मे!

इन्ढोडहोड निवाहाडमि राज्य खोजिहानो लेये।

<sup>४</sup> सोक लेःरखुबाजि, आसिस चुप्पिन्दुजे!  
 इन्ढोडहोड निवाहाडडे? खोजि निडा बे? सान्त्वना पिःन्दुजे।  
<sup>५</sup> एडेम्मा लिघुबाजि, आसिस चुप्पिन्दुजे!  
 इन्ढोडहोड माक्खम्डेमनुड मोबे?हा चोप थोक खोजिमि लिहा।  
<sup>६</sup> धर्मि योम्बोक लेःरमामि सिमा मि?रखुबाजि, आसिसित लेम्मे!  
 इन्ढोडहोड खोजि के?लो चुप्पिन्दुजे।  
<sup>७</sup> नाम्नावा लेःरखुबाजि, आसिसित लेम्मे!  
 इन्ढोडहोड खोजिडे?सो नाम्नावा चुपइन्दुजे।  
<sup>८</sup> चोखो निडा खिघुबाजि, आसिसित लेम्मे  
 इन्ढोडहोड खोजिडे? निवाहाड खाडडोइन्दुजे।  
<sup>९</sup> काक्खुबा या?मिजिमि रुम्बे? लाडगाम टोडखुमे?बाजिडे?, आसिस  
 चुप्पिन्दुजे  
 इन्ढोडहोड खोजि निवाहाडमि पसाजि लुनुड या?मिजिडे? लेन्दुजे।  
<sup>१०</sup> निवाहाडमि आग्या पालना लेःरमाबे? या?मिजिबाड चुडजामा खे  
 आडखुबाजिडे?, आसिस चुप्पिन्दुजे,  
 इन्ढोडहोड थाडसिरिमि राज्य खोजिमिन्नो लेये।  
<sup>११</sup> “हेनिड या?मिजिडे? सिःक्चामिहोड, चुडजामिहोड, हेनिडे?  
 मेलेःरप?आ खामि दोस टिमिहोड साप्थाक्सानि। <sup>१२</sup> मोडोकपे? आनन्द  
 लेःटानिडे, बे?लो साप्थाक्सानि, इन्ढोडहोड थाडसिरि?टु हेनिडमि लागि  
 बे?ए इनाम टुहा। इन्ढोडहोड इडो?नो? हेनिडबाड या?लोहा  
 अगमबक्ताजिसो या?मिजिडे? चुडजोसुजे।

### युमनुड ज्योतिबाड सिक्के

(मर्कुस ६:५०; लुका १४:३४-३५; ११:३३)

<sup>१३</sup> “हेनिड माक्खम्डेमबे?हा युमडो? लेन्दानिडे, तर युममि युमलुये  
 मेखे?होड फेरि इन्डोक्टे युमलुये टोडमे ? मो युमगो रापखेयेनुड या?मिजिडे?  
 सिइन्दुजे।

<sup>१४</sup> “हेनिडगो इगो माक्खम्डेममि जोति लेन्डानिडे। टोकटोकमेऱटुए सहरगो कुम्हेनिबा। <sup>१५</sup> याऱमिजिडेऱ कुप्पि उःपनुड चुपसुजिनि, तर चोपमि लागि उज्यालो लिरो लुःनुड अग्लोमा ठाउबेऱ युडइन्डुजे। <sup>१६</sup> इडोऱ हेनिडमि उज्यालो चोपमि पोम्बेऱ खाडमुये मोबा हेनिडेऱ लेःऱपऱआ नुबा योम्बोक चोबेऱ खाडइन्डुजेनुड थाडसिरिबेऱ पेडखुबा निवाहाडमि ओहाड लेन्डुजे।

### यहुदि धार्मिक नियम टुम्बेऱ सिक्छे

(लुका १६:१७)

<sup>१७</sup> “यहुदि धार्मिक नियम बदर लेःऱसिऱ का लेम्बऱआ लुःनुड एऱमिडानुमे। का बदर लेःऱसिऱ नेऱनि, तर कागो माहा पुरा लेःऱसिऱगोरे लेडइटिडे। <sup>१८</sup> चैबानोऱ केऱ हेनिड लुःनिमने, माक्खम्डेमनुड थाडसिरि नासि लिमा याऱलो यहुदि धार्मिक नियमबेऱहा इक्को एडेम्मा खासो खा पुरा मेऱल्लिरेऱ लेडुनिबा। <sup>१९</sup> मोडोगेऱ असेऱ इघा आग्याबेऱ चोपबाड एडेऱमा इक्को आग्यासो पालना लेःऱटुने अथवा हाइखाजिसो लेःऱमा पाऱनि लुःनुड इःन्डुए मो याऱमि थाडसिरिमि राज्यबेऱ चोपबाड एडेऱमा लिये। तर असेऱ खोम ताडबेऱ मो आग्या पालना लेःन्डुए मोबा याऱमिजिसो लेःऱमा खेये लुनुड इःन्डुजे मो याऱमि थाडसिरिमि राज्यबेऱ चोपबाड बेऱए लिये। <sup>२०</sup> -मोडोगेऱ केऱ हेनिड लुःनिम्ने, यहुदि धार्मिक खा इःऱखुबा यहुदि धार्मिक नियम इःऱखुबानुड फरिसिबाड नुरोऱ आग्या पालना मेऱलेःऱटानुमहोड थाडसिरिमि राज्यबेऱ पेऱखेऱहेसानुम्नि।

### येसुडेऱ सुरिकमि टुम्बेऱ सिक्छे पिःबऱआ

<sup>२१</sup> “निवाहाडडेऱ पिबऱआ आग्या कानिडमि टुबालाबाजिडेऱ इडोऱ लुःसुजे, ‘याऱमि एऱसेडानुमे, सेडानुमहोड डन्डा चुप्पिन्डानुमे’। इगो खागो हेनिडेऱसो खेम्डटानुमे। <sup>२२</sup> तर केऱ हेनिड लुःनिम्ने, आसेऱ खोमि निसानुड सुर्केये मोसेऱ दन्डा चुपइन्डुये, असेऱ खोम निसा बेजेत लेःन्डुए मोसेऱ



यहुदिजिमि बेहए सभामि पोम्बेह येःप्मा खेये। असेह खोम निसा चापहिन्दुए, मो याहमि खेःलोकबेह सिइये।

<sup>२३</sup> मोडोगेह हेनिडेह निवाहाड भेति चेहटिमा याहलो हेनेए वावा, निसाजि हेन्नुड सुरकेहपहआ लेडोगुहोड, <sup>२४</sup> भेति एन्ढाममि केकपेह हेनेए भेति याःह्यासे मोबा याहलो टाडबामामि वावा निसानुड आमलाड डागे मोबारेह भेति चेहटिसे।

<sup>२५</sup> “हेननुड मुद्दा लेःरखुबानुड अदालत खेहमाबेह रामबेहनोह खोनुड खा टोडबेसे। इडोह लेःटुहोड मोसेह हेड न्यायधिसमि पोम्बेह येःपमेये, मोबा मोसेह हेड तिरिडगामि हुकपेह पिःयेनुड हेड तिरिडगा खिमबेह सिइये। <sup>२६</sup> चैबानोह हेनिडकेह लुनिमने, मोडोकपेह सिप्पहआ इक्को इक्को जरिमाना मेम्फोकसुरो हेड मो तिलिडगाखिमबाड लेक्खेहनिबा।

### व्यभिचार एलेहमे टुम्बेह सिक्छे

<sup>२७</sup> “निवाहाडमि आग्याबेह इडोह लुःबहआसो हेनिडेह खेम्इटानुमे, ‘हेनेह बेभिचार एलेःटे।’ <sup>२८</sup> तर केह लुःनिम्ने, इक्को याहमिडेह कोहि मेहनामि माडेहमा खाक्सुहोड मोसेह बेभिचार लेःहपेबहआडोह लिये। <sup>२९</sup> हेनेए चुपथिड मिगेह हेड पाप लेःहमारापहोड मो मिक चाडनुड राप्पेसे। मोसेह लेहमे हेनेए हिडा खेलोक सिहमा याहलोनोह इक्को मिक राप्पेमानोह चुये। <sup>३०</sup> मोडोहनोह हेनेए चुपथिड हुगेह हेड पाप लेःहमेयेहोड मो हुक चेन्नुड राप्पेसे। मोसेह लेहमे हेनेए हिडानोह खेलोकपेह खेहमा याहलो इक्को हुक राप्पेमानोह लिये।

### छोडपत्र लेःहमे टुम्बेह येसुमि सिक्छे

(मत्ति १६:६; मर्कुस १०:११-१२; लुका १६:१८)

<sup>३१</sup> “निवाहाडमि आग्याडेह इडोहसो लुःबहआ लेये, ‘खिमदाडमा लेहमाबेह छोडपत्र पिनुड लेहमा खेये’। <sup>३२</sup> तर केह लुःनिम्ने, बेभिचार लेःहपहआ दोसबाड हाइखा खाडेह लेःहमेह टाडबामि खिमदाडमा लेहखुबेह बेभिचार

लेःऱमेये मोबा लेऱपेबऱआ मेऱनाऱमि फुडसया लेःऱखुबेऱसो बेभिचार लेःऱन्दुए।

### किरिया हेक्मा फेन्निबा

<sup>३३</sup> “निवाहाडमि इडोऱमा आग्यासो उहिलेहा याऱमिजि लुःबऱआ हेनिडेऱ खेम्डटानुमे, ‘हेनेऱ रेमदेऱनुड किरिया एहेक्मे तर निवाहाडनुड लेःऱपऱआ हेन्जुड पुरा लेःऱमे।’ <sup>३४</sup> तर केऱ हेनिड लुःनिमने, किरिया हेक्मानोऱ फेन्निबा। थाडसिरिमि निडबेऱ किरिया एहेगानुमे, इन्ढोडहोड मोगो निवाहाडमि पेन्ढाम लेये। <sup>३५</sup> माक्खम्डेममि निडबेऱ किरिया एहेक्मे, इन्ढोडहोड निवाहाडमि सराड युडढाम लेये। यरुसलेममि निडबेऱसो किरिया एहेगानुमे इन्ढोडहोड मो सहर बेऱए हाडबामि सहर लेये। <sup>३६</sup> मोबा टाडबामि निन्डावा केक्नुडसो किरिया एहेगानुमे इन्ढोडहोड हेनिडेऱ इक्को टाड मक्खुइक्मा अथबा उथ्ऱिऱमा टोडहेसानुमनि। <sup>३७</sup> हेनिडेऱ लुःमे खा चाहि, ‘ऐ’ होड, ‘ऐ’ लुःसानुमे ‘नेऱनि’ होड ‘नेऱनि’ लुसानुमे। इगोबाड बेऱलो खा लुःमा चाहि माडेऱमा चापबाड लेडइये।

### साटो एऱलामे टुम्बेऱ सिक्छे

(लुका ६:२६-३०)

<sup>३८</sup> निवाहाडमि आग्याबेऱ इडोऱ लुबऱआसो हेनिडेऱ खेम्डटानुमे, मिक्कमि साटो मिक्क, केडमि साटो केड। <sup>३९</sup> तर केऱ हेनिड लुःनिम्ने, हेनिड माडेऱमा बेबहार लेःऱखु असा लेःऱहोसो हेनिडेऱ बदला एऱलामे। याऱमिडेऱ हेनेए इक्को याम्दाडबेऱ फेग्मिहोड, हाइको याम्दाडसो टापेऱमे। <sup>४०</sup> असेऱ हेडबेऱ लेःऱनुड हेनेए लाऱलिड लाघेऱमा योगुहोड, खो ओप्ताडसो पिःहाक्से। <sup>४१</sup> असेऱ हेड इक्को घन्टामि राम चिऱखेऱहोड निघन्टामि राम खेऱपिऱटे। <sup>४२</sup> मोडोऱनोऱ हेनिडनुड डाक्खुबा पिःसानुमे, सिडि रोक्मा डाक्खुबाजि सिडि पिःसानुमे।

सत्रुजिसो नाम्नाम लेःटानुमे

(लुका ६:२७-२८, ३२-३६)

४३ “हेनिडेः निवाहाडमि आग्याबेः इडोः लुःबःआसो खेम्डटानुमे, हेनेःए खिम केक्पेहा लाडगामजि नाम्नाम लेःटानुमे, मोबा सत्रुजि चाहि सिःचासानुमे। ४४ तर केः चाहि हेनिड इडोः लुःनिम्ने, टाडबामि सत्रुजि नाम्नाम लेःटानुमे, हेनिड चुडजाखुबामि लागि निवाहाडनुड प्रार्थना लेःटानुमे। ४५ इडोः लेःःटानुमहोड हेनिड थाडसिरिःटु पेडखुबा पाबामि पसा लिन्डानिडे। इन्ढोडहोड निवाहाडडेः नुबानुड माडेःना निःपाडनोः नाम पिःन्डुन्जे मोबा धर्मिनुड पापि निःपाडमि लागिनोः वारि पिःन्डुजे। ४६ इन्ढोडहोड हेनिड नाम्नाम लेःखुबारेः नाम्नाम लेःन्डानुमेहोडगो हेनिड इमाड इनाम चुपइन्डानुम ?, आक्टोको तिरो यिःक्खुबाजिडेःसो लेन्डुजे। ४७ हेनिडेः टाडबाडजिरेःनोः नुरोः सेवा मुन्डानुमेहोड, हाइखा याःमिजिडेः लेःःपःआबाड बेःए योम्बोक मेलेःःटानुम, मोडोक्को नेःनिहा यहुदिजिडेःसो लेःन्डुजि। ४८ मोडोगेः थाडसिरिबेः पेडखुबा हेनिडमि पाबा चोप थोकबेः परिपक्का लिडिडोः, हेनिडसो आक्टोःनोः लिसानिडे।”

येसुडेः धर्म-कर्ममि खा इःःपःआ

६ <sup>१</sup> येसुडेः लुःसुजि, “होसियार लेःटानिडे, हेनिडेः याःमिजि खाडमुमामि लागि धर्म कर्म एलेःटानिडे, मोडोः लेःटानुमहोडगो थाडसिरिबेः टुये निवाहाड पाबाबाड इमाडसो इनाम चुप्टानुम्नि।

<sup>२</sup> “हेनिडेः इमाड मेःनिडहा याःमिजि पिःबःआ खा हाइखाजिडेः लेसुजिरो लुनुड खाडमुसाड एःपिःसानुमे, मोडोःको याःमि खाडमुमामि धर्म लेःःखुबा याःमिजिडेःरेः यहुदिजि सुम्ढाम खिमबेःनुड रामराजि याःमिजिबाड ओहाड चुप्पामि लेःन्डुजे। चैबानोः केः लुःनिम्ने, माहाजिडेः टोकमे इनाम चुप्पेटुजे। <sup>३</sup> हेनेः चुपथिड हुगेः पिःबःआ एडसिड हुगेः मेलेसुरो। <sup>४</sup> इडोः हेनेः पिःमाबेः खुस्त्रिडमु पिःसे मोबा खुस्त्रिडमु पिःबःआ लेडोक्खुबा हेनेःए निवाहाड पाबेः हेड इनाम पिःये।

## येसुडेऱ प्रार्थनामि टुम्बेऱ इऱपऱआ

(लुका ११:२-४)

५ “हेनिडेऱ प्रार्थना लेऱऱमाबेऱ कऱप्टि याऱमिजिडेऱ लेऱऱटिडोऱ एलेऱऱटानुमे । खोजिगो हाइखा याऱमिजि खाडमुमामि लागि यहुदिजि सुम्ढाम खिमनुड रामकेकराजि येऱऱपुनुड बेऱए सेम्लाडेऱ वोमा मिडइन्मे । हेनिड लुऱनिम्ने, मोडोऱ लेऱऱखुबाजिडेऱ खोजिमि इनाम चुप्पेटुजे । ६ तर हेड चाहि प्रार्थना लेऱऱमाबेऱ कोठाहोडसिऱयु खेऱनुड रामडेम सेऱकुनुड खाडडोक्किन्बा निवाहाड पाबानुड प्रार्थना लेटे मोबा असेऱसो मेलेरेऱ लेऱऱपऱआ योम्बोक लेखुबा निवाहाड पाबेऱनोऱ हेड इनाम पिऱये ।

७ “प्रार्थना लेऱऱमाबेऱ नेऱनिहा यहुदिजिडोऱ योम्बोक मेऱनिडहा खा एमेडानुमे । माहाजिगो बेऱलो इमाबेऱरेऱ खोजिमि देबताजिडेऱ खेम्इन्डुये लुऱनुड मिडइम्मे । ८ तर हेनिड माहा याऱमिजिडेऱ लेऱऱटिडोऱ एलेऱऱटानुमे इन्ढोडहोड हेनिड इमाड खा पाप्टे लुऱनुड हेनिडमि निवाहाड पाबेऱ याऱलोनोऱ लेबेन्डुये । ९ हेनिड चाहि इडोऱ प्रार्थना लेऱऱटानुमे ।

‘हे कानिडमि पाबा, हेड थाडसिरिबेऱटु पेडइये,

हेनेऱ निड पबित्र लिरो ।

१० हेनेऱ राज्य लेडरो,

हेनेऱ निवेऱ मिऱपऱआडोऱ थाडसिरिऱटु पुरा लिडिडोऱ, इगो माक्खम्डेमबेऱसो पुरा लिरो ।

११ सानिडडोऱ आयुसो कानिड चामा पिऱमा,

१२ कानिडेऱ कानिडमि सऱत्रुजि आम्लाड पिडिडोऱ

कानिडसो कानिडेऱ लेऱऱपऱआ पापमि आम्लाड पिऱमायो ।

१३ कानिड पाप योम्बोकपेऱ एसिऱमेऱमा,

तर दुस्टमि जालबाड जोगा लेऱऱमा । [इन्ढोडहोड राज्य, बोलनुड महिमा हेनेऱनोऱ लेये] आमैन ।

१४ “इन्ढोडहोड हेनिडेऱ हेनिडमि बिरोधबेऱ पाप लेऱऱखुबा याऱमिजि आम्लाड पिऱसानुमहोड थाडसिरिऱटु टुघुबा निवाहाडडेऱसो हेनिडमि

आम्लाड पिःये। <sup>१५</sup> तर हेनिडेह हाइखाजि आम्लाड मेम्पिःसानुमहोड, निवाहाड पाबेहसो हेनिडमि आम्लाड पिःनिबा।

### साक्मेन्जा पेम्मेटुम्बेह खा

<sup>१६</sup> “हेनिड साक्मेन्जा पेम्माबेह कपटिजिडोह नजिक सुम्नुड एहपेनानिडे। कपटिजि साक्मेन्जा पेम्माबेह याहमिजि खाडमुमामि नजिक सुम्नुड पेडयम्मे। केह लुःनिम्ने, माहाजिडेहको खोजिमि इनाम चुप्पेटुजे। <sup>१७</sup> तर हेड चाहि साक्मेन्जा पेम्माबेह नजिक वासोगे, निडडावाबेह केवा सिहनुड पेने। <sup>१८</sup> इडोह हेनेह साक्मेन्जा पेम्बहआ खा याहमिजिडेह नेहन, तर मेखाडबहआ हेनेह निवाहाड पाबाडेह खाडडोकनुड हेड इनाम पिःये।

### थाडसिरिबेह सुमयुडमा खेये याडसरवा

(लुका १२:३३-३६; १६:१३)

<sup>१९</sup> “टाडबामि लागि इगो माक्खम्डेमबेह याडसरवा एहनोःक्युक्सानुमे, इगोबेह नोक्युडबहआ याडसरवागो पुजिकनुड खियाडेह चोबेन्डुहानुड खुसुबाडजिडेह खुन्दुजे। <sup>२०</sup> तर टाडबामि लागि याडसरवा थाडसिरिहटु नोक्युक्सानुमे, मोबेह पुजिगेह, खियाडेह नासि लेटुनिबानुड खुसुबाडेहसो खुसुजिनिबा। <sup>२१</sup> इन्डोडहोड हामबेह हेनेह याडसरवा टुहा, मोबेहनोह हेनेह निवासो पेडइये।

<sup>२२</sup> “मिक चाहि हिडामि लागि बत्तिडोह लेये। मिक चडगा लेःहोड चोप हिडाबेहनोह उज्यालो लिये। <sup>२३</sup> तर हेनेह मिक धोमिलो लेःहोड, हिडा चोपनोह सेन्जुगुप लिये। मोडोकनोह हेनेह निवाबेह टुये उज्यालो चाहि सेन्जुगुप लिहोड, मो भना इन्डोह बेहलो सेन्जुगुप लिइ होला!

<sup>२४</sup> “असेहसो निहचि मालिकमि सेवा लेःहेसुनि। इन्डोहनोह लेःहमा योगुसो इक्को बेहलो सिहचोन्डुए, हाइको चाहि बेहलो नेन्जोन्डुए लेःन्डुए। इक्को आदर लेन्डुए हाइको हेला लेन्डुए। मोडोगेह हेनिडेहसो निवाहाडनुड याडसरवामि सेवा इक्खेपपेह लेःहेसानुम्नि।

## सुर्ता एलेःऱ्मे

(लुका १२:२२-३१)

<sup>२५</sup> “मोडोगेऱ् केऱ् हेनिड लुःनिम्ने, ‘इमा चामे’, ‘इमा उडमे’, ‘इमा चाडमे’ लुःनुड टाडबामि हिडानुड सोःक्मामि लागि सुर्ता एलेःऱ्नुमे। इमा जिबन चामा, उडमाबाडनुड चाडमे चेऱ्बाड हिडा चुरोऱ् बेऱ्ए खा लेःऱ्निबाडे ? <sup>२६</sup> नान्द्रुडमेऱ्दु पेघुबा सोडाजि खाक्सानुमे, खोजि खेतिसो लेःऱ्मिनि, बालिसो हेक्मिनि, भकारिबेऱ्सो सुप्सुजिनि तर थाडसिरिऱ्दु पेडखुबा हेनिडमि निवाहाड पाबाडेऱ्नोऱ् माहाजि हिडइन्डुजे। इमा हेनिड माहा सोडाजिबाडगो बेऱ्लो मुल्यवान लेःऱ्न्डानिडे नेऱ्नेन्डे ? <sup>२७</sup> हेनिडबेऱ् असेऱ् चाहि सुर्ता लेःऱ्नुड टाडबामि आयुबेऱ् इक पाला येऱ्हेन्डुये ?

<sup>२८</sup> “मोबा चाडमे चेऱ्मि लागि हेनिड इन्ढोड सुर्ता लेःऱ्न्डानुमे ? नाम्भुडलाबेऱ् फेऱ्इये लिलि उड खाक्सानुमे, माहा इन्डोऱ् वाबोइहा। माहाजिडेऱ् ना योम्बोक् लेःऱ्न्डुजे, ना चेऱ् आइन्डुजे। <sup>२९</sup> तर केऱ् हेनिड लुःनिमने, हाडबा सोलोमन मोढेऱ्लो याडसारावा काप्टारोसो खो मो उडडोक मेन्चाक्हेसा। <sup>३०</sup> आयु मुकमुक लेहा मोबा वागियानोऱ् मिबेऱ् हिक्खेहा याऱ्वानोऱ्सो मोढेऱ्लो नुरोऱ् चाक्खुबा निवाहाडडेऱ्, होउ बिस्वास मेऱ्निडहा याऱ्मिजि, इमा हेनिड भना बेऱ्लो चाक्निबा ?

<sup>३१</sup> मोडोगेऱ् ‘इमा चामे’ ‘इमा उडमे’ ‘इमाड चाडमे?’ लुःनुड सुर्ता एलेःऱ्निडे। <sup>३२</sup> इन्ढोडहोड नेऱ्निहा यहुदिजिडेऱ्रेऱ् इडोऱ्हा थोक योऱ्इन्डुजे। तर थाडसिरिबेऱ् पेडखुबा पाबेऱ् हेनिड इमाड पाप्इये लुःनुड नुरोऱ् लेन्डुहा। <sup>३३</sup> तर याऱ्लो हेनिडमि जिबनबेऱ् निवाहाड राज्य लेःऱ्मेऱ्दुनुमेनुड खोमि आग्या पालना लेःऱ्नुमे मोबा हेनिड पाप्मिहा चोप थोक येऱ्नुहा। <sup>३४</sup> मोडोगेऱ् वागियामि लागि सुर्ता एलेःऱ्नुमे, इन्ढोडहोड वागियामि सुर्ता वागियाडेऱ्नोऱ् पुरा लेन्डुहा। आयुहा दुःख आयुमि लागि केऱ्लो टुहा।”

## हाइखाजि दोस एरटिमे

(लुका ६:३७-३८, ४१-४२)

७ <sup>१</sup> येसुडेह हागोसो लुघेहट्टु “यात्रमिजि दोस एरटिसानुमे मोबा हेनिडसो दोस टिनिबा। <sup>२</sup> इन्ढोडहोड इन्डोह हेनिडेह यात्रमिजि दोस टिन्डानुमे, मोडोहनोह हेनिडसो दोस टिये। हाम्बे सिःकठामडेह हाइखाजि सिःक्पेन्डानुमे, मो सिःकठामडेहनोह हेनिडसो सिःक्पेम्मे। <sup>३</sup> “इन्ढोड हेनेह टाडबामि निसामि मिकपेहए एडिहमा सेक्चिबा खाडडोकइन्डुए तर आम्टाडबामि मिकहोडसिहयुए बेहए सिडभु चाहि खाडडोकटुनिबा ? <sup>४</sup> टाडबामि मिकपेहए सिडभु मेडखाडडोकखुबेह, निसाजि इन्डोह लुहेन्डुए, ‘खोइ खोइ, हेनेहमि मिकमि सेक्चिबा चाडबेन्ने। <sup>५</sup> होउ कपटिजि! यात्रलो टाडबामि मिकपेहहा बेहए सिडभु चाडबेसानुमे, मोबारेह हाइखाजिमि मिकपेहहा सेक्चिबा छेडगै खाडडोकहेन्डानुमे।

६ “पबित्र थोक हुःहवाजि एरपिसानुमे, माहाजि टेडिघरिक हेनिडबेहनोह पेआपडम्मे। टाडबानुड टुहा मोति आक्माजि एराप्टिबेहटानुमे, आक्टोह लेःहटानुमहोड खोजिमि सराडेह माहा सिइन्डुजे।

## डाःगानुमे, योगानुमेनुड ढकढक रोगानुमे

(लुका ११:६-१३)

७ “डागानुमे मोबा चुप्पिन्डानुमे, योगानुमे मोबा योक्टोहइन्डानुमे, रामडेम ढकढक रोगानुमे मोबा हेनिडमि लागि मो हेम्बोक्इये। <sup>८</sup> इन्ढोडहोड डाःक्खुबेह चुप्पिन्डुए, योक्खुबेह योक्टोहइन्डुये मोबा रामडेम ढकढक रोःक्खुबामि लागि मो हेम्बोहइये। <sup>९</sup> “हेनिडबेह असेहटे, टाडबामि पसाडेह चरेपा डाःक्माबेह रुडगोवा पिःन्डुए ? <sup>१०</sup> अथबा डा डाःक्माबेह पुसेक पिःन्डुये ? <sup>११</sup> मोडोह हेनिड माडेहा पापि लेन्डानिडसो टाडबामि पसाजि नुबा खा पिलेन्डानुमेहोड, थाडसिरिबेह टुघुबा निवाहाड पाबाडेह खोनुड डाःक्खुबाजि नुबा खा पिमा बेहलो मिडइये।

चोपबाड नुबा आग्या, एडेण्मा रामडेमनुड एडेण्मा राम

(लुका ६:३१; १३:२४)

<sup>१२</sup> हाइखा यात्रमिजिडेण् हेनिडनुड इन्डोण्मा बेबहार लेटुजिरो मिइन्डानुमे, यात्रलो हेनिडेण्सो मोडोक्नो लेण्टानुमे, इगोनोण् निवाहाडडेण् मोसा पिःबण्आ आग्यानुड, अगमबक्ताजिडेण् पिःबण्आ सिक्छेमि सार लेये।

<sup>१३</sup> “नासि लिढामबेण् रुक्ठाम रामडेमनुड माराम बेण्ए लेये मोबेण् राम्मा नेःक्चा लेये, इगो रामबाड रामखुबा बेण्लो टुम्मे। एडेण्मा रामडेमबाड होडसिण्णु पेखडानिडे। <sup>१४</sup> इन्ढोडहोड जिबनबेण् रुक्ठाम रामडेम एडेण्मा लेये मोबेण् राम्मा छाण्णये। मो रामबेण् राम्धुजि एडेण्वारेण् टुम्मे।

यात्रमि खोमि योम्बोकबाड लेडोक्हेये

(लुका ६:४३-४६; १३:२५-२७)

<sup>१५</sup> “नेण्णोण्हा अगमबक्ताजिबाड होसियार लेःटानुमे। माहाजि सामुडोण् लिनुड लेडइम्मे, तर होडसिण्णु चाहि किण्सिमारोहा एःभाजिडोण् लेम्मे। <sup>१६</sup> हेनिडेण् माहाजि खोजिमि योम्बोकबाडनोण् लेहेन्डानुमा। इमा चिजिडमि डाडबेण् अडगुरनुड सिउडिमि डाडबेण् वेण्लाफुमि चा किडइये ? <sup>१७</sup> नुबा डाडबाड नुबानोण् चा किडइहा। तर माडेहा डाडबाड माडेहानोण् चा किडइहा। <sup>१८</sup> नुबा डाडबेण्, माडेहा चा किडहेनि, माडेहा डाडबेण् नुबा चा किडहेनि। <sup>१९</sup> नुबा चा मेडकिडखुबा चोप डाड टेःक्नुड मिबेण् राप्मानोण् खेये। <sup>२०</sup> इडोण्णोण् मेण्णोण्हा अगमबक्ताजि खोजिमि योम्बोकबाडनोण् लेन्डानुमे।

<sup>२१</sup> “का ‘प्रभु प्रभु’ लुःघुबाजि चोप यात्रमिजि थाडसिरिमि राज्यबेण् पेखेण्हेमिनि। थाडसिरिण्णु पेडखुबा केण् पाबाडेण् मिण्णण्आडोण् योम्बोक लेःण्खुबाजिरेण् निवाहाडमि राज्यबेण् पेखेण्हेम्मे। <sup>२२</sup> मो याक बेण्लो यात्रमिजिडेण् का इडोण् लुःम्मे, ‘प्रभु, प्रभु, इमा कानिडेण् हेणेण् निडबेण् अगमबानि मेइसुडमे ? हेणेण् निडबेण् माडेहा चापजि मेण्णिगुडमे ? इमा हेणेण् निडबेण् सक्तिनुडहा योम्बोक मेलेटुडमे ? <sup>२३</sup> मोडोक्पेण् माहाजि



लुःनुडहाजि, ‘निवाहाडमि नियमडेण लुडिडोण मेलेःरखुबा यात्रमिजि, केण हेनिड लेनिम्नानि काबाड ओ खेणपेसानिडे।’

निः खाल्या खिममि चार

(लुका ६:४७-४९)

<sup>२४</sup> “मोडोगेण असेण इघा केहा बचन खेम्नुड पालन लेःरखुबा यात्रमि चाहि रुडगुवासोक्पेण टाडबामि खिम टोडखुबा चेन्दुबा यात्रमिडोण लेये। <sup>२५</sup> मोबा फुइक्सुमा, वारिनुड वडुम लेन्नुड मो खिम रोःगु तर मो खिम मेयोघडा इन्ढोडहोड मो खिम रुडगोणवासोक्पेण आडबणआ लेटे। <sup>२६</sup> तर केहा इघा बचन खेम्नुडसो पालन मेलेःरखुबा यात्रमि चाहि बालुबासोक्पेण खिम आडखुबा उम्बरिड यात्रमिडोणमा लेये। <sup>२७</sup> खिम आडसेणनुड फुइक्सुमा, वारिनुड वडुम लेस्सा मोबा मोमि खिम चोप योघेणनुड नासि लिसा।”

<sup>२८</sup> येसुडेण इघा सिक्छे इःसेणनुड एक्साड, मोबेण सुम्बणआ यात्रमिजि खरि मिनामि। <sup>२९</sup> इन्ढोडहोड येसुडेण यहुदि धार्मिक नियम इःरखुबाजिडेण इःणटिडोण नेणन तर अधिकारनुड सिक्छे इःडुजे।

सुकटुबाडडेण चुप्पणआ यात्रमि नुबोक्पणआ

(मर्कुस १:४०-४५; लुका ५:१२-१६)

**८** <sup>१</sup> येसु टोक्टोक्माबाड मिम्मु उडनुड एक्साड खो बेणलो यात्रमिजिडेण एडगुवा एडगुवा टिक्सुजि। <sup>२</sup> मोडोक्पेण सुकटुबाडडेण चुप्पणआ इक्को यात्रमि येसुमि पोम्बेण टुम्रुक ठोक्नुड लुःसु, “हे प्रभु, हेनेण मिण्टुहोड का नुबोक्नुड सुद्ध टोडहेडे।” <sup>३</sup> मोबा येसुडेण खोसोक्पेण हुक युडनुड लुःसु, “हेड सुद्ध लिसे लुःनुड मिडन्ने।” मोडोक्पेणनोण सुकटुबाडडेण चुप्पणआ मो यात्रमि नुबुगा। <sup>४</sup> मोबा येसुडेण मो यात्रमि लुःसु, “खेप्से, इगो खा असासो एणलुःमे। तर याडाडबाजिबेण खेणनुड खाडजिममुसे। मोबा मोसाडेण लुःडिडोण भेण्टि चेटिनुड हेण सुद्ध लिबणआ खा चोप यात्रमिजि प्रमान पिःसाजे।

## रोमि कप्तानमि सेउते नुबुक्पणआ खा

(लुका ७:१-१०)

५ येसु कर्फनहुम सहरबेण पेण्माबेण इक्को रोमि कप्तान खोबेण लेन्नुड इडोण बिन्ति लेःणसाड लुःसु, ६ “हे प्रभु, केण सेउते सोगुबा लिनुड सारो पिणखेणनुड खिमबेण थलोबेण टुये।” ७ येसुडेण मो याणमि लुःसु, “का लेन्नुड खो नुबोक्डनुडे।” ८ तर मो कप्तानडेण लुःसु, “प्रभु, हेड काडमि खिमबेण चिणखेणमा लायकमा का लेःणडानि, हेनेण इगोबाडनोण नुबुगे लुःबेणमा केण सेउते नुबुइये। ९ इन्ढोडहोड काड टाडबासो बेणहाजिमि अधिनबेण टुडे, मोबा केण अधिनबेणसो येरिडजि टुम्मे। माहाजि केण इक्को ‘खडे’ लुनुडे खो खेये, हाडको ‘आबे’ लुनुडे खो आप्मिये। केहा सेउते ‘इडोण लेटे’ लुनुडे, मोबा मोसेण लेण्डुए।”

१० मो याणमिमि खा खेण्नुड येसु खरि मिना मोबा खो एडगुवा एडगुवा टिडघुबा याणमिजि लुःसुजि, “चैबानोण, केण हेनिड लुःनिमने, इडोण बेणए बिस्वास काण्खुबा याणमि इस्राएलिजिमि रुम्बेणसो मेण्चुण्टिण। ११ केण हेनिड लुःनिम्ने, नाम्मेतनुड नामथाराजिबाड बेणलो याणमि लेडइम्मेनुड अब्राहाम, इसहाक मोबा याकुबनुड थाडसिरि राज्यमि भतेरबेण सोरि पेडइम्मे। १२ तर निवाहाडमि राज्यबेण टुमा खेहा इस्राएलिजि चाहि पाखेण्यु सेण्गुण्पेण राण्खेण्मे। मोबेण याणमिजि हाःण्मिम्मेनुड केड यिइम्मे।”

१३ मोबा येसुडेण कप्तान लुःसु, “खडे, हेनेण बिस्वास लेःणणआडोणनोण लिये।” मोबा मो कप्तानमि सेउते मोडोक्पेणनोण नुबुगा।

## बेणलो याणमिजि नुबुक्पणआ

(मर्कुस १:२९-३४; लुका ४:३८-४१)

१४ मोबा येसु पत्रुसमि खिमबेण लेस्सा। मोबेण खोमि नाम्मा एण्चेण्मेण थलोबेण डेःबणआ चुण्टु। १५ येसुडेण पत्रुसमि नाम्मामि हुकपेण केण्गु, मोबा एण्चेण्मा नुघडा। मोबा खो पुकेण्नुड येसुमि सेवा सत्कार लेणोण्गु।

<sup>१६</sup> मोबा नाम आघेऱनुड एक्साड, याऱमिजिडेऱ माडेहा चाबेऱ राःप्पऱआ बेऱलो याऱमिजि येसुबेऱ लाजेडुजि। येसुडेऱ माडेहा चापजि आग्या लेऱऱनुड यिगुजि, मोबा चोप टुक्खुबाजि नुबोगुजि। <sup>१७</sup> इडोऱ यसैया अगमबक्ताडेऱ लुःबऱआ खा पुरा लिसा,

“खोसेऱ कानिडमि कमजोरिनुड कानिडमि टुक्माखे आक्सु।”

येसुमि चोडसा लिमा सारो छाऱडये

(लुका ६:५७-६२)

<sup>१८</sup> येसुडेऱ खोमि किऱयुमिऱयु बेऱलो याऱमिजि सुम्बऱआ खाडनुड खोसेऱ टोम्बोकलिवामि मेऱएरेड खेऱमे आग्या पिःसुजि। <sup>१९</sup> इक्को यहुदि धार्मिक नियम इऱऱखुबा येसुबेऱ लेस्सानुड खो लुःसु, “गुरुज्यु, हेड हाम्बेऱ हाम्बेऱ खेऱये, कासो हेऱनुडनोऱ खेऱडे।” <sup>२०</sup> येसुडेऱ मो लुःसु, “खेप्से, स्यालाजिमि रुम्डक टुहानुड नान्द्रुडमाबेऱ पेघुबा सोडाजिमि हाप् टुहा, तर याऱमिमि पसामिगो निन्डावा युडढाम ठाउसो माऱआये।”

<sup>२१</sup> येसुमि चोडसाजिबेऱ इक्कोसेऱ लुःसु, “प्रभु, याऱलो का खेऱनुड काडमि पाबामि सिगुयाक येऱमाबेऱ युडसिऱ खेऱमेऱमाना।” <sup>२२</sup> तर येसुडेऱ मो लुःसु, “कानुड राप्से, सिगुयाकजिडेऱनोऱ मो सिगुयाक येऱमाबेऱ युक्सुमिरो।

येसुडेऱ वाडुम योप्नुड योड उःक्मेपऱआ

(मर्कुस ४:३५-४१; लुका ८:२२-२५)

<sup>२३</sup> मोबा येसु योडा खोडबेऱ सक्सा खोनुड खोमि चोडसाजिसो खडामि। <sup>२४</sup> खेऱमेऱनिडसिमाबेऱ हाक्चोकटोऱ मो टोम्लिऱवाबेऱ किस्सिमारोमा वाडुमनुड खुइक्सुमा लेस्सा। योडा जहाज योडाडेऱ टिप्नुड हुम्बेऱसिऱ पोरोगा। मोडोक्पेऱ येसु चाहि इम्दिखेऱपऱआ लेटे। <sup>२५</sup> खोमि चोडसाजि येसुमि केक्पेऱ खेऱनुड इडोऱ लुःसाड हुम्बोगुजि, “प्रभु, कानिड जोगा लेऱऱमा! कानिड सिःसिऱ पोरोगिडमा।” <sup>२६</sup> येसुडेऱ माहाजि इडोऱ लुःसुजि,

“हेनिड इन्ढोड किस्सिन्डानिडे, खोइ हेनिडमि बिस्वास ?” मोबा येसु येपोक्नुड मो खुइक्सुमानुड फेडलेवा योबु। योप्मासोरोह खुइक्सुमानुड फेडलेवासो योड उगा।<sup>२७</sup> इडोह लिबहआ खाडनुड चोप खरि मिडसाड काबोगामि, ‘इगो याहमि इन्डोहमाडे ? इगोसेह योप्माबेहको वाडुमनुड खुइक्सुमेहसो खेमड्हु’।”

माडेहमा चाबेह राःप्पहआ निप्पाड याहमि नुबुकपहआ

(मर्कुस ५:१-२०; लुका ८:२६-३६)

<sup>२८</sup> येसु गदरिनिजिमि भेकबेह लेम्माबेह माडेहमा चाबेह राःप्पहआ निप्पाड याहमिजि येःहमाघामि रुम्मुकबाड आप्मेहनिडसिमाबेह र येसु चुप्पुजि। मोजि सारोनोह किस्सिमारो लेःटाजे मोडोगेह मो रामबाड असासो मेराम्हेसामि।

<sup>२९</sup> मोबा मोजि इडोह कासड वोबुगाजि, “हे निवाहाडमि पसा, हेनेए कानिड इमाड लेःहसिह लेडइटे ? कानिडमि न्याय लिमा बेला लेम्मा याहलोनोह हेड कानिड चुडजासिह इगोबेह लेडइटे ?”

<sup>३०</sup> माहाजिबाड एडेह मेहयोड आक्मामि इक्को हुल चरबा लिमेहनिडसिडामि। <sup>३१</sup> माडेहमा चापजिडेह येसु इडोह लुःसाड बिनिति लेःटुजि, “इगोबाड यिइयेहोड, कानिड आक्खा आक्माजिबेह पेखेहमेहमा।”

<sup>३२</sup> मोबा येसुडेह लुःसुजि, “खडानिडे।” मोबा माहाजिबाड पेआप्नुड आक्माजिबेह पेखडामि। माहा चोप आक्माजि याकटोडबाड नाडसाड खेहनुड टोम्लिहवाबेह हुम्सिघडामि।

<sup>३३</sup> मोबा माहा आक्मा गोठ्लाजिडेह सहरबेह पिडखेहनुड मोबेह लिबहआ चोप खानुड माडेहमा चाबेह राःप्पहआ निहपाड याहमिजिबेह लिबहआ खरिमा खासो लुःबेहटुजि। <sup>३४</sup> मोबा सहरबेहहा चोप याहमिजि येसु चुप्सिह सुम्जसामि। माहाजिडेह येसु खाडडोक्नुड एक्साड “कानिडमि भेकबाड खेहपेसे” लुसाड खो बिनिति लेःटुजि।

## सोगुबा यात्रमि नुबोकपफआ

(मर्कुस २:१-१२; लुका ५:१७-२६)

१ मोबा येसु योडा खोडबेफ साडनुड टोम्बोकलिफवाबाड मेफ्यरेड खो  
 ६ पेम्बफआ सहरबेफ टेघडा। २ मोबेफ यात्रमिजिडेफ इक्को सोगुबा यात्रमि  
 खोमि रुडघाकनुड येसुमि पोम्बेफ लाजेडुजि। माहा यात्रमिजिडेफ खोबेफ  
 बिस्वास लेःफपफआ खाडनुड टुक्खुबा यात्रमि लुःसु, “नानि, सहास लेटे,  
 हेनेहा पाप अम्लाड लिसा। ३ येसुडेफ इडोफ लुःबफआ खेम्नुड कोहि यहुदि  
 धार्मिक नियम इःफखुबाजिमि रुम्बेफ इडोफ खा इसामि, “इगोसेफको,  
 निवाहाडरे सिःक्चोन्डु।” ४ येसुडेफ माहा यहुदि धार्मिक नियम इःफखुबाजि  
 मि निडा बेफहा लेनुड लुःसुजि, “हेनिड इन्ढोड टाडबामि निडा बेफ माडेहा  
 खा मिइन्डानुमे ? ५ इगो सोगुबा यात्रमि ‘हेनेहा पाप अम्लाड लिसा’ लुःमा  
 नेक्चा लेःएन्डे ‘हेनेए रुडघाक खिमानुड राप्से’ लुःमा नेक्चा लेये लो  
 लुःघाक्सानुमे ?। ६ तर यात्रमिमि पसाडेफ माक्खमडेमबेफहा पाप अम्लाड  
 लेफमे हक काप्पिन्डुए लुःनुड हेनिडेफ लेसानुमे।” मोबा मो सोगुबा लुःसु,  
 “येपोक्नुड, हेनेहा इम्ढाम चेर, खाम्मा खिमानुड खिम खडे।” ७ मोबा मो  
 यात्रमि पुकेफनुड खोमि खिम खडा। ८ मोबेफहा यात्रमिजिडेफ मो खरिमा खा  
 खाडनुड खोजि किस्सिडामि। माहाजिडेफ मो यात्रमि इडोफमा सक्ति पिःघुबा  
 निवाहाडमि ओहाड लेःटुजि।

## येसुडेफ मत्ति केफपफआ

(मर्कुस २:१३-१७; लुका ५:२७-३२)

९ येसु मोबाड खेफमेफनिडसिमाबेफ मत्ति लुःमे यात्रमि तिरो यिक्ठाम ठाउबेफ  
 पेम्मेफनिडसिबफआ खाडडोक्टु। खोसेफ मो लुःसु, “कानुड रापसे।” मोबा  
 मत्ति येपोक्नुड येसुनुड खडा।

१० येसु खोम चोडसाजिनुड मत्तिमि खिमबेफ चामा चासिफ पेम्माबेफ बेफलो  
 तिरो यिक्खुबाजिनुड हाइखा पापिजिसो येसुनुड चासिफ पेनामि। ११ इगो खा

खाडडोक्नुड फरिसिजिडेह येसुमि चोडसाजि लुःसुजि, “इन्ढोड हेनिडमि गुरु चाहि तिरो यिःक्खुबा पापिजिनुड सोरि पेन्नुड चाये ?” <sup>१२</sup> माहाजिडेह लुःबहआ खा खेम्नुड येसुडेह लुःसुजि, “मेन्दुक्खुबाजि गो सिडा लेःहखुबा पाप्निबा, तर टुक्खुबाजिरेह पाप्मिये। <sup>१३</sup> तर इगोबाड खेहनुड इगो खाडेह लुःबहआ इमाडडे लुःमे खा धार्मिक साप्चिराबाड लेसानुमे। ‘भोग पिःबहआ नेहनि, हेनिडेह नाम्नावा लेःहपहआ केह नेन्जानुडे।’ इन्ढोडहोड का धर्मिजिमि लागि नेहनि, तर पापिजि केहसि लेडइटिडे।”

साक्मेन्जा पेम्मे टुम्बेह इःहपहआ  
(मर्कुस २:१८-२२; लुका ५:३३-३६)

<sup>१४</sup> मोबा युहन्नामि चोडसाजि येसुबेह लेन्नुड खो सिप्सुजि, “कानिडनुड फरिसिजि साक्मेन्जा पेडरइन्डिडमा, तर इन्ढोड हेनेहा चोडसाजि साक्मेन्जा पेम्मिने ?” <sup>१५</sup> येसुडेह माहाजि लुःसुजि, “नायोडबा जन्तिजिनुड सोरि टुमाबेह, इमाड खोजि सोक लेम्मे ? तर इडोहमा याक्सो लेडइये, इन्डोहपेह जन्तिजिनुड नायोडबा हाघेन्डुजे, मोडोक्पेहरेहनोह माहा जन्तिजि साक्मेन्जा पेडइम्मे।

<sup>१६</sup> “असेहसो पुरानो चेह चोड चेहटेह रेबुनि। इन्ढोडहोड रेबुहोडसो चोड टालो सुम्घेये मोबा पुरानो चेह भना नाःकपेन्डुये।

<sup>१७</sup> असेहसो पुरानो सउकमि सुपपेह चोड अडगुरमि खेवा युक्सुजिनिबा, युक्सुहोडसो सुप नाःक्खेयेनुड अडगुरमि खेवासो ओप्खेये। मोडोगेह चोड अडगुरमि खेवा चोड सउकमि सुपपेह युडमा खेये मोबा खेवानुड सुप जोगाबा लिये।”

यहुदि एप्पामि सम्समा पसानुड इक्को मेहनामि नुबुकपहआ  
(मर्कुस ५:२१-४३; लुका ८:४०-५६)

<sup>१८</sup> येसुडेह माहा याहमिजि इघा खा लुःमेहनिडसिमाबेह यहुदिजि सुम्ढामि खिमबेहए इक्को एप्पा लेस्सा। मोसेह येसु ढोग लेःहसाड बिन्ति लेट्टु, “गुरु,

केए पसा एडेन याग्लो सिघडा, तर हेड आप्नुड खो केकपेनहोड खो हिडबुइये।” १६ येसु येपोक्नुड खोम चोडसाजिनुड सोरि मो यागमिमि एडगुवा एडगुवा खडा।

२० मोडोकपेनो नो बारो निडबाड हरि खेमे रोगि मेननामिडेन येसुमि एडगुवालाम्बाड लेडनुड खोमि चेनमि छेउ केगु<sup>h</sup>। २१ इन्ढोडहोड खोमताडबेन निडा बेन मिडु, “केन खोमि चेनमि छेउ केगुडहोडसो का नुबोइडे।” २२ येसु एडगुवालाम हिडघेनमा मो मेननामि खाडडोकनुड लुःसु, “नानि, आट लेटे, हेनेए बिस्वासडेन हेड नुबोइटे।” मोबा मोडोकपेनो नो मो मेननामि नुबुगा। मो नेननामि मोडोकपेनो नो नुबुगा।

२३ मोबा एक्साड येसु मो यहुदि एप्पामि खिमबेन लेस्सा। मोबेन बासुरि टेडखुबाजिनुड बेनलो यागमिजि खायोक्मायोक् लेनमेनडिसिबनआ चुप्पुजि। २४ येसुडेन माहा यागमिजि लुःसुजि, “हेनिड चोप पाखेनयु खडानिडे, इन्ढोडहोड इगो नानि मेन्सिघेनटि इन्दिघेटे।” तर माहा यागमिजिडेन येसु यिटेगुजि। २५ मोबा येसुडेन माहा यागमिजि पाखेनयु पाडनुड खो चाहि होडसिनयु खेननुड मो नानिमि हुक राःबु, मोबा मो पिच्छा सुवाक्टो पुकडा। २६ इगो खा मो मुलुकबेनहा चोप यागमिजिबेन मुखाडा।

### निप्पाड मिक् मेएखुबानुड इक्को कुबा नुबोकपनआ

२७ येसु मो ठाउबाड खेनमेनडिसिमाबेन निप्पाड मिक् मेएखुजिडेन “हे दाउदमि पसा, कानिड नाम्नावा लेःनमा” कासाड खो टिडबोगुजि। २८ येसु खिमहोडसिनयु पेएन्नुड एक्साड मिक् मेएखु निनपाड यागमिजि खोबेन लेस्साजि। येसुडेन माहाजि लुःसुजि, “केन हेन्जिडमि मिक् एखु टोडहेये लुःनुड बिस्वास लेन्जुए ?” मोजिडेन खो लुःसुजि “ऐ प्रभु।” २९ मोबा येसुडेन मोजिमि मिक् केक्नुड लुःसुजि “हेन्जिडेन बिस्वास लेःनपनआसेन हेन्जिडमि मिक् नुबुकरो।” ३० खोजिमि मिक् एनपोगा। मोबा येसुडेन इडो नो लुःसुजि,

<sup>h</sup> ६:२० महिनावरी बिघेर रगत बग्ने बिमारी

“खेप्साजे, इघा खा अससो एइःमे।” <sup>३१</sup> तर खोजि खेऱनुड येसुमि टुम्बेऱ मो ठाउमि चोपराजि प्रचार लेःटुजि। <sup>३२</sup> येसु खोम चोडसाजिनुड मोठाउबाड खेऱमेऱनिडसिमाबेऱ, याऱमिजिडेऱ मोबेऱ माडेऱमा चाबेऱ कुबा टोडबऱआ इक्को याऱमि चिक्वेडुजि। <sup>३३</sup> येसुडेऱ माडेऱमा चाप यिक्सेऱमासोरोऱ मो याऱमि यामुबुगा। मो खाडनुड याऱमिज खरि मिन्साड कासामि, “इडोऱमा खरिगो कानिडेऱ उहिलेबाड आइरो इस्राएलबेऱ इन्डोक्पेऱसो मेऱखाडडिऱटुडमा।” <sup>३४</sup> तर फरिसिजि काबोगामि, “इगोसेऱको माडेऱमा चापमि हाडबामि सक्तिडेऱ माडेऱमा चापजि यिइन्डु।”

### चुक्लो खेतलाजि

(मर्कुस ६:३४; लुका १०:२)

<sup>३५</sup> येसु चोप सहरनुड खिमडेमराजिनुड यहुदि सुम्ढाम खिमराजि सिक्छे पिःसाड, निवाहाडमि राज्यमि सुसमाचारमि प्रचार लेःऱसाड मोबा चोप खालहा टुक्खुबाजि नुबोगुजि। <sup>३६</sup> तर मोबेऱ सुम्बऱआ बेऱलो याऱमिजि खाडनुड येसुमि निडा नामनावेऱ टिबु। इन्ढोडहोड माहाजि गोठला मेऱनिडहा सामुजिडोऱ मोबा फोडसिघेऱपऱआनुड असहाय लेऱमि। <sup>३७</sup> मोबा येसुडेऱ खोमि चोडसाजि लुःसु, “सुम्मा खेये बालि बेऱलो टुहा, तर खेतलाजि चुक्खेऱमे, <sup>३८</sup> मोडोगेऱ बालिमि मालिकनुड ‘बालि सुम्घु खेतलाजि पाडबेऱमाये’ लुनुड प्रार्थना लेःऱनुमे।”

### एप्पा चोडसाजिमि योम्बोक

(मर्कुस ३:१३-१६; ६:७-१३; लुका ६:१२-१६; ९:२-६)

**१०** <sup>१</sup> येसुडेऱ खोमि बारोजना चोडसाजि केऱनुड माडेऱमा चापजि यिक्मेनुड चोप खालहा योःक्सिघेऱपऱआनुड टुक्खुबाजि नुबुक्मे अधिकार पिःसुजि।

<sup>२</sup> बारो जना एप्पा चोडसाजिमि निड इघा लेहा- पत्रुस (याऱलो खो सिमोन लुःसुजे) खोम निसा आन्दिऱयस, जब्दियामि पसा याकुबनुड खोम निसा



युहन्ना, <sup>३</sup> फिलिप, बारथोलोमाई, थोमा, तिरो यिक्खुबा मत्ति, अल्फयसमि पसा याकुबनुड थेदियस, <sup>४</sup> देसभक्त समुहबाडए सिमोननुड यहुदा इस्करियोत, इगोसेऱनोऱ येसु धोका पिःसु।

<sup>५</sup> येसुडेऱ इघा बारो जना एप्पा चोडसाजि इडोऱ लुःनुड पाक्सुजि। “हाइखा जातिहा याऱमिजिबेऱ एऱखेऱमेनुड सामरिजिमि सहरबेऱ एऱेऱखडानिडे। <sup>६</sup> तर मेऱखेऱपऱआ सामुजिडोऱ लिबऱआ इस्राएलि जातिजिबेऱ खडानिडे। <sup>७</sup> खोजि ‘थाडसिरिमि राज्य केक्पेऱ लेम्बेदे’ लुःसाड प्रचार लेटानुमे। <sup>८</sup> टुक्खुबाजि नुबोगानुमे, सिघेऱपऱआजि हिडबोगानुमे, सुक्कुबाडेऱ सुःप्पऱआजि चोखो टोक्सानुमे, माडेहा चापजि यिगानुमे। हेनिडेऱ मोडोऱनोऱ चुप्टानुमे, हाइखाजिसो मोडोक्नोऱ पिःसानुमे। <sup>९</sup> हेनिडेऱ टाडबामि लागि थोडमाइबेऱ सुन, सिसेडनुड ताबोमि इक्को मुन्डासो एक्खिक्खेऱमे। <sup>१०</sup> रामबेऱ पाप्मिहा चाब्रा, फाल्टो चेऱ, फाल्टो राडसुपनुड डोडइरा इमाडसो एक्खिसानुमे। इन्ढोडहोड खेत्लाडेऱ खोमि चामा चुप्मानोऱ खेये।

<sup>११</sup> “हाम्बे हाटा अथबा खिमडेमबेऱ रुइन्डानुम मोबेऱ असेऱ हेनिड नुरोऱ लेःन्डानिड मो याऱमि योगानुमे मोबा बिदा मेऱलिरो खोबेऱनोऱ पेनानिडे। <sup>१२</sup> मो खिमहोडसिऱयु पेऱम्माबेऱ मो खिमबेऱहाजि सेवा मुसानुमे। <sup>१३</sup> मो खिमबेऱहा याऱमिजिडेऱ हेनिडेऱ सेवा मुमाबेऱ नुरोऱ टेसुजिहोड मो खिमबेऱ सान्ति लेडरो। तर मो खिमबेऱहाजिडेऱ नुरोऱ मेऱलेऱमिहोड हेनिडमि सान्ति हेनिडबेऱनोऱ टेआप्पो। <sup>१४</sup> असेऱसो हेनिड स्वागत मेऱलेऱमिहोड अथबा हेनिडमि बचन मेडखेप्सुजिहोड, मो खिम अथबा सहरबाड खेऱमाबेऱ सराडबेऱहा धुलो फाप्युडआसानुमे। <sup>१५</sup> चैबानोऱ, केऱ हेनिड लुःनिम्ने, न्यायमि याकपेऱ मो सहरमि दसागो सदोमनुड गमोरामि खेः बेऱलोनोऱ आडहेमारोमा लिये।

लेडसिऱपोरोक्पऱआ खेःमि टुम्बेऱहा खा

(मर्कुस १३:६-१३; लुका २१:१२-१७)

१६ “खाक्सानुमे, केऱ हेनिड एबाजिडोऱहा याऱमिजिमि रुम्बेऱ सामुडोऱ पाडमेऱनिसिनिम्ने। मोडोगेऱ हेनिड पुसेऱडोऱ चेन्दुबानुड उखिऱवाडोऱ सुधो लिमे। १७ तर याऱमिजिबाड आडिऱयौ, इन्ढोडहोड खोजिडेऱ हेनिड अदालतबेऱ लाघेम्मेनुड यहुदिजिमि सुम्ढाम खिमबेऱ हेनिड कोऱडेऱ साःपइम्मे। १८ केऱ लेऱमेऱ हेनिड बेऱहा हाकिमनुड सासकजि मोबा नेऱनिहा यहुदिजिमि पोम्बेऱ केऱ टुम्बेऱ लुन्डानुम। १९ इन्ढोडहोड इन्डोक्पेऱ हेनिड राःपनुड लाघेम्मे, मोडोक्पेऱ इमाड लुःमेनुड इन्डोऱ लुःमे मिऱनुड सुर्ता एलेऱटानुमे। तर हेनिडेऱ इमाड इःमा खेये मोडोक्पेऱनोऱ हेनिड लुये। २० इन्ढोडहोड मोडोक्पेऱ यामुघु हेनिड टाडबा नेऱनि, तर निवाहाड पाबामि होडनिवा हेनिडबाड यामुये।

२१ “वावाडेऱ निसा, निसाडेऱ वावा सेऱनेमामि सऱऱुजि राःप्मेन्डुजे, पाबा मामाडेऱ पसाजिनुड पसाजिडेऱ पाबामामामि बिरोध लेऱऱनुड सेऱनेमेन्डुजे। २२ काबेऱ बिस्वास लेऱऱपऱआसेऱ चोप याऱमिजिडेऱ हेनिड सिऱचाम्मे, तर एक्साडठोक असेऱ का बिस्वास लेऱऱटुडघेम्मे माहाजि हिडइम्मे। २३ इन्डोक्पेऱ याऱमिजिडेऱ हेनिड इक्को सहरबेऱ चुडजाम्मे, हेनिड हाइको सहरबेऱ चिऱखडानिडे। केऱ चैबानोऱमा खा हेनिड लुःनिम्ने, का याऱमिमि पसा लेम्मा याऱलो हेनिडेऱ इस्राएलबेऱहा चोप सहरबेऱ सुसमाचार खेम्मेऱसेडानुम्नि।

२४ “चोडसा टाडबामि गुरुबाडनुड सेउते खोमि मालिकबाड बेऱए लिनिबा। २५ चोडसा खोमि गुरुडोऱनुड सेउते खोमि मालिकडोऱ लिडोऱमाबेऱ सन्तोक् लेऱऱमिरो। हागो खिमदाडबानोऱ माडेऱमा चापजिमि हाडबा लुःघुजिडेऱ, मो खिमबेऱहा हाइखाजि भना इमाड लुःन्डुजे ?

## असाबाड किस्सिमे ?

(लुका १२:२-७)

<sup>२६</sup> “मोडोगे? यात्रमिजिनुड एक्किसिडानिडे। इन्ढोडहोड टेकयुडमाबे खाडमुनिहानुड चुमयुडमाबे लेडोक्निहा इमाड खासो मा?आहा। <sup>२७</sup> के? हेनिड सेन्जुगुपबे? लु:ब?आ खा हेनिडे? उज्यालोबे? चोपजि लु:मे, नेएकपे? खुसिड लु:ब?आ खा खिममि धुरिबाड प्रचार ले:र?मे। <sup>२८</sup> हेनिडमि होडनिवा मेन्से?हेघुबानुड एक्किसिडानिडे माहाजिडे?को हेनिडमि हिडारे? से?हेन्डुजे। बोरु हिडानुड होडनिडा निच्चिनो? नास ले:र?हेघुबा निवाहाडनुड किस्सिडानिडे। <sup>२९</sup> इमा इक्को मुन्डाबे? नि?चि ओ?वाजि हाप्पिनेन्डे ? तरसो माहाजिबे? इक्कोसो निवाहाड पाबे? मे?लुरे? भुइबे? हे?मिने। <sup>३०</sup> हेनिडमि निन्डावाबे?हा टाडसो इक्को इक्को निवाहाडडे? ने?युडइटुहा। <sup>३१</sup> मोडोगे? हेनिड एक्किसिडानिडे! हेनिडगो माहा आ?वाजिबाड भना महडगो लेन्डानिडे।

<sup>३२</sup> “खेप्सानुमे, असे? का यात्रमिजिमि पोम्बे? काडमि प्रभु लु:नुड लुये, मो यात्रमि के?सो थाडसिरिबे? टुये केए निवाहाड पाबामि पोम्बे? काडमि टाडबाड लु:नुड लु:नुडे। <sup>३३</sup> तर असे? का यात्रमिजिमि पोम्बे? का लेडानि लु:ये, के?सो खो थाडसिरिबे? पेडखुबा पाबामि पोम्बे? लेसुनिनो? लु:नुडे।

## चैबामा चोडसा

(लुका १२:५१-५३; १४:२६-२७)

<sup>३४</sup> “का इगो माक्खम्डेमबे? सान्ति ला:प्सि? लेडइटे लु:नुड एमिनानुमे। का सान्ति ला:प्सि? ने?नि तर खि:मावा पु:क्सि? लेडइटिडे। <sup>३५</sup> इन्ढोडहोड का गो पाबामि बिरोधबे? पसा, मामामि बिरोधबे? समसाम पसानुड नाम्मामि बिरोधबे? नाम्मि? काक्मे?सि? लेडइटिडे। <sup>३६</sup> यात्रमिजिमि सत्रुगो खोमि खिमबे?हा यात्रमिजिनो? लिम्मे। <sup>३७</sup> “असे? काबाडसो बे?लो खोमि पाबा अथबा मामा नाम्नाम लेन्डुए खो काडमि योग्य चोडसा लिनिबा। मोडो?नो? काबाडसो बे?लो खोम पसाजि नाम्नाम ले:र?टुजिहोड मो यात्रमि

काडमि लायक चोडसा लिहेनिबा। <sup>३८</sup>असा खोमि काप्सिड खिमानुड कानुड राम्निबा, खो काडमि लायक चोडसा लिहेनिबा। <sup>३९</sup>असेऱ खोमि जिवन जोगा लेन्दुए, मोसेऱ मो मेपेबेन्दुए तर असेऱ काडमि लागि टाडबामि जिवन पिन्दुए मोसेऱ मो चुप्मिन्दुए।

### चोडसा लागि इनाम

(मर्कुस ९:४१; लुका १०:१६)

<sup>४०</sup>“हेनिड स्वागत लेऱखुबेऱ कासो नुबा लेये। का नुबा लेऱखुबाडेऱ का पाडघुबासो नुबा लेन्दुए। <sup>४१</sup>असेऱ आगमबक्ता आगमबक्तनोऱ मिऱनुड स्वागत लेऱन्दुए मोसेऱ आगमबक्तमिनोऱ इनाम चुपइन्दुए। धर्मि याऱमिमि धर्मिनोऱ मिऱनुड नुबा लेऱखुबेऱ धर्मिमिनोऱ इनाम चुप्मिन्दुए। <sup>४२</sup>असेऱ इघा एडेम्मा याऱमिजिबेऱ इक्को केए चोडसा मिऱनुड इक्खोरिया येम्जुवा योडा उडमा पिऱन्दुए, मोसेऱ खोमि इनाम चैबानोऱ चुप्मिन्दुए।

### बप्तिस्मा पिऱघुबा युहन्नाडेऱ सिम्बऱआ

(लुका ७:१८-३५)

११ <sup>१</sup>येसुडेऱ खोमि बारो जना चोडसाजि इघा चोप आग्या पिऱसेऱनुड खो केक्पेऱहा खिमडेमराजि, सिक्छे इऱसिऱनुड प्रचार लेऱसिऱ खडा।

<sup>२</sup>युहन्नाडेऱ ख्रिस्टमि योम्बोकमि टुम्बेऱहा खा तिरिडगा खिमबेऱ खेमडोकनुड खोमि चोडसाजि येसुबेऱ खा सिम्सिऱ पाक्सुजि। <sup>३</sup>माहाजि येसुबेऱ रुक्नुड सिप्सुजि, “इमा लेडखुबा मुक्तिदाता हेडनोक्टे कि कानिडेऱ हाइकोमि राम खाडमे ?” <sup>४</sup>येसुडेऱ माहाजि लुऱसुजि “हेनिडेऱ खेम्बऱआनुड खाडबऱआ खा खेऱनुड युहन्ना लुऱबेऱटानुमे- <sup>५</sup>मिक मेएऱखुबाजि एऱपोगामि, सोक्लोडगेजि राम्बोगामि, सुक्कुबाडेऱ सुक्कपऱआजि चोखो लिनुड नुबोगामि, नेएक् मेडखेम्खुबाजि खेम्बोगामि, सिघेऱपऱआजि

हिडबोगामि, दुःखि गरिबजिडेः सुसमाचार खेमडोकइटुजे। <sup>६</sup> काबेः सडक मेलेःःलेः बिस्वास लेःःखु यात्रमिडेः चैबानोः आसिस चुप्मिन्डुए।”

<sup>७</sup> मोबा बप्तिस्मा पिघुबा युहन्नामि चोडसा खेःमेःःनिडसिमाबेः येसुडेः मोबेः सुम्बेःःआ यात्रमिजि युहन्नामि टुम्बेः खेम्मेःःपोगुजि, “हेनिड रेःकेःःःमा ठाउबेः इमाड खाडसिःः खडानिडे ? इमा हिःःबेः हिःःपःःआ इडभु खाडसिःःःटेः खडानिडे ? <sup>८</sup> हेनिड इमाड खाडसिःः खडानिडे ? नुबा चेः चाडघुबा यात्रमि खाडसिःःःटे ? नुबा नुबा चेः चाडघुबाजिगो हाडखिम्बेः पेडइम्मे। <sup>९</sup> हेनिड इमाड खाडसिःःःटे खडानिडे ? अगमबक्ता खाडसिःःःटे ? चैबानोः लुःमाहोड हेनिडेः अगमबक्ताबाडसो बेःएम्मा यात्रमि खाडइटानुमे। <sup>१०</sup> इगो यात्रमि मोनोः लेःये, खोमि टुम्बेः धार्मिक साप्चिराबेः इडोः सप्पःःआ लेःये, ‘खाक्सनुमे, केः काडमि दुत हेन्बाड पोम्बेः पोम्बेः पाडइनुडे, मोसेः हेनेःए लागि राम पोरोइन्डुए।’

<sup>११</sup> चैबानोः हेनिड लुःनिम्ने, मेःःनाःःमिजिबाड टोकपःःआ यात्रमिजिबेः युहन्नाबाड बेःएम्मा असासो माआम्मि। तरसो थाडसिरिमि राज्यबेः असा चोपपाड एडेम्मा लिघुबा, मो खोबाडसो महान लेःये। <sup>१२</sup> बप्तिस्समा पिःघुबा युहन्नामि पालोबाड आयुरो थाडसिरिमि राज्यमि योम्बोक नुरोक लिमेःःनिडसिये, मोबा भक्ति लेःःःखुबा यात्रमिजिडेः येःयेः इगोबेः पेःएम्मा योक्मेःःनिडसिम्मे। <sup>१३</sup> इन्ढोडहोड युहन्नामि पालोठोक मोसाबाड पिःबःःआ यहुदि नियमनुड खोरो खोरो अगमबक्ताजिडेः खोरो खोरो बेलाबेः आगमबानि इःसुजि। <sup>१४</sup> हेनिडेः बिस्वास लेन्डानुमहोड, हागो लेडइये लुःबःःआ एलिया चाहि युहन्नानोः लेःये। <sup>१५</sup> असामि खेम्ढाम नेःएक टुये, मोसेःः नुरोः खेप्सुरो।

<sup>१६</sup> “हागो केः इगो पुस्ताबेःहा यात्रमिजि असाडोः लेम्मे लुमे ? इघाजिगो हाटाबेः पवेःःखुबा पिछरेःःवाजिडोः लेम्मे, पिछरेःःवाजिडेः खोजिमि लाडगामजि केःःनुड लुःन्डुजे-

<sup>१७</sup> ‘कानिडेः हेनिडमि लागि बासुरि मिडुडमा, तर हेनिड मेःसिम्आसानिड। कानिडेः बिलौनामि सेम लुःसुडमा, तर हेनिड मेःहाःबानिड।’

१८ इन्ढोडहोड युहन्ना चामायाबेऱ निडा मेन्टिघुबानुड अडगुरमि खेडा मेउडखुबा लेस्सा, माहाजिडेऱ खो माडेऱमा चापडेऱ राःप्पिटुए लुसुजि।  
 १९ मोबा याऱमिमि पसा चासे, उक्से माहाजिडेऱ लुसुजि 'खाक्सानुमे, आक्को रोप्कि, ठोम्घुबा, तिरो यिःक्खुबाजिनुड पापिजिमि लाडगाम' लुःनुड दोस टिमेऱनिडसिन्डुजे। निवाहाडमि निवा नुबा लेये लुमे खामि परमान खोमि राम्बेऱ राम्घुजिमि योम्बोकबाडनोऱ खाडमुये।”

बिस्वास मेलेऱखु सहरबेऱहा याऱमिजि लुःबऱआ

(लुका १०:१३-१५)

२० हाम्बे हाम्बे हाटाबेऱ येसुडेऱ बेऱलो खरिहा योम्बोक लेऱऱपऱआ लेटे, मोबेऱहा याऱमिजि खोजिमि पापबाड मेन्टेबऱआसेऱ माहा हाटाबेऱहा याऱमिजि खोसेऱ इडोऱ वोप्पोगुजि,

२१ “इनामा हेड, खोराजिन! मोबा बेस्सेदाबेऱहा याऱमिजि! हेनिडमि ठाउबेऱ लेऱऱपऱआ खरिहा योम्बोक टुरोसनुड सिदोन सहरबेऱ लेऱऱपऱआहोड मोबेऱहा याऱमिजिडेऱ याऱलोनोऱ पापबाड टेनुड, भेडराडमि चेऱ चाडनुड खरानि सिडुजे। २२ तर केऱए हेनिड लुःनिम्ने, न्यायमि याक्पेऱ हेनिडमि दोसाबाड टुरोसनुड सिदोनबेऱहा याऱमिजिमि दोसा बेऱलो आडहेमारोमा लिये।

२३ होउ कफर्नहुमबेऱहा याऱमिजि, इमा हेनिडेऱ थाडसिरिऱटु आदर चुप्पिन्डानुमे ? हेनिड खेलोकपेऱ राप्खेन्डानिड। इन्ढोडहोड हेनिडबेऱ लेऱऱपऱआ खरिहा योम्बोक सदोमबेऱहा याऱमिजिमि रुम्बेऱ लेऱऱपऱआहोड मोहाजिमि सहर हागोरोसो टुसामे। २४ तर केऱ हेनिड लुःनिम्ने, न्यायमि याक्पेऱ हेनिडमि दोसाबाड सदोमबेऱहा याऱमिजिमि दोसा बेऱलोनोऱ आडहिये।”

याःक्चाघेऱपऱआजि नाजामे

(लुका १०:२१-२२)

<sup>२५</sup> मोडोकपेऱ येसुडेऱ लुःसु, “हे पाबा, थाडसिरिनुड माक्खमडेमबेऱए प्रभु, केऱ हेडबेऱ ओहाक पिःनुडे, इन्ढोडहोड इघा खा निडा दाडबानुड चेन्दुबाजिबाड चुमयुडबऱआ खा पिऱछाजिडोऱहा याऱमिजिमि पोम्बेऱ खाडमुसु। <sup>२६</sup> हे पाबा, हेनेऱ इडोऱ लेःऱमानोऱ नुबा मिऱटु।

<sup>२७</sup> “केऱ पाबाडेऱ चोप थोक का जिम्मा पिःटिडे। पाबाबाड हाइखा असेऱसो पसा लेसुजिनिनुड पसाबाड असेऱसो पाबा लेसुजिने मोबा पसेऱ पाबा असा खाडमुमा मिऱऱडुये माहाजिडेऱसो लेन्डुजे।

<sup>२८</sup> “होउ याःक्चाघेऱपऱआनुड खाल-खालहा कोकडेऱ टिप्पऱआ याऱमिजि, काबेऱ अबानिडे, केऱ हेनिड नाजाढाम पिःनिमने। <sup>२९</sup> केऱ जुवा खिःसानुमेनुड कानुड चिचानुमे, इन्ढोडहोड का नम्रनुड नाम्नावानुडबा लेडे, मोबा हेनिडमि होडनिवाडेऱ नाजाडोइन्डुए। <sup>३०</sup> इन्ढोडहोड केऱ जुवा खिमा नेःक्चा लेयेनुड केऱ कोक सोपइये।”

नाजामे याकमि मालिक्

(मर्कुस २:२३-२८; ३:१-६, लुका ६:१-११)

**१२** <sup>१</sup> नाजामे याक येसु इक्को रोपा रुम्बेऱए राम लिसाड खेऱमेऱनिडसिडा। मोडोकपेऱ खोमि चोडसाजि सगेऱ सिबऱआसेऱ मो रोपाबेऱहा गहुमि खाऱवा युप्नुड हुकपेऱ नुक्साड चोबुगुजि। <sup>२</sup> तर फरिसिजडेऱ मो खाडडोकनुड येसु लुःसुजि, “खाक्से, हेनेहा चोडसाजि नाजामे याकपेऱ एलेःऱमे लुःबऱआ योम्बोक लेःऱमेऱनिडसिन्डुजि।”

<sup>३</sup> तर येसुडेऱ खोजि लुःसुजि, “दाउदनुड खोमि लाडगामजि सगेऱ सिबऱआ बेलाबेऱ खोसेऱ इमाड लेटुए ? हेनिडेऱ मेनेडानुमे ? <sup>४</sup> खोसेऱ निवाहाडमि मन्दिर होडसिऱयु पेखेऱनुड खोमि लाडगामजिनुड निवाहाड चेऱट्टिबऱआ चारेपा चोसु। यहुदि धार्मिक नियमडेऱ लुःडिडोऱ याडाडबाबाड हाइखा

असेऱसो मो चारेपा चामा मेम्फेने नेऱने ?<sup>१</sup> ५ इमा इघा खा यहुदि धार्मिक नियमबेऱ मेनेडानुमे, याडाडबाजिडेऱ मन्दिरबेऱ नाजामे याकमि नियमबाड टेडिघरिक योम्बोक लेःन्दुजे तरसो खोजि दोस मेडनिडहाजिनोऱ लिम्मे ?<sup>६</sup> तर केऱ हेनिड लुःनिमने, इगो मन्दिरबाडसो एप्पा इगोबेऱ आढा टुये।<sup>७</sup> “पसुमि भोग पिबऱआ केऱ नेन्जासुडनि, तर हेनिडेऱ नाम्नावा लेःऱपऱआ नेन्जानुडे”<sup>७</sup> लुःनुड लेबऱआहोड हेनिडेऱ दोस मेऱनिडहा याऱमिजि दोस मेऱन्डिसानुम।<sup>८</sup> “याऱमिमि पसा नाजामे याकमिसो प्रभु लेये।”

<sup>९</sup> येसु मो ठाउबाड खेऱनुड माहा यहुदिजि सुम्ढाम खिमबेऱ पेऱना।<sup>१०</sup> मोबेऱ हुक हेघेऱपऱआ इक्को याऱमि टुसा। आढा फरिसिजिडेऱ येसु दोस टिमामि लागि सिप्सुजि, “नाजामे याकपेऱ कानिडमि धार्मिक नियमडोऱ टुक्खुबा नुबोकमा नुयेन्डे फेन्निबा ?”<sup>११</sup> येसुडेऱ माहाजिनोऱ सिप्सुजि, “हेनिडजिबेऱ इक्को सामु टुये, नाजामे यिडेऱ मो सामु खदोलोम्बाबेऱ हेऱयुघेऱहोड, इमा हेनिडेऱ मो पाखेऱयु चाडगेऱटानुमने ?<sup>१२</sup> मो सामुबाड याऱमि बेऱलो महगो लेम्मे। मोडोगेऱ नाजामे याकनोऱ सिऱहोडसो भलाइमि योम्बोक लेःऱमा नुये।”<sup>१३</sup> मोबा येसुडेऱ मो याऱमि लुःसु, “हेनेऱ हुक खिक्से” मोसेऱ हुक खिक्सु, खोमि हुक नुघेऱनुड हाइकेन्डोऱनोऱ लिसा।<sup>१४</sup> तर माहा फरिसिजिडेऱ पाखेऱयु खेऱनुड इगो येसु इन्डोऱटे सेऱनेमे लुःनुड खोमि बिरोधबेऱ मोत्ता इःबोगामि।

### निवाहाडडेऱ सेम्बऱआ सेउते

(मर्कुस ३:७-१२; लुका ६:१७-१९)

<sup>१५</sup> मोडोकमा खा येसुडेऱ लेडोक्नुड खो मो ठाउबाड खेप्पेसा। बेऱलो याऱमिजिडेऱ खो एडगुवा एडगुवा टिडेघेऱटुजि मोबा माहाजिमि रुम्बेऱ टुबऱआ चोप टुक्खुबाजि खोसेऱ नुबोगुजि।<sup>१६</sup> तर येसुडेऱ ‘का असा लेडे,

<sup>१</sup> १२:४ १ सामुएल २१: १-६

<sup>७</sup> १२:७ होसे ६:६



लु:मे खा हेनिडेऱ असासो इ:नोऱ एइ:मे' लु:नुड नुरोऱ लु:ओसुजि। <sup>१७</sup> इडोऱ यसेया अगमबक्ताडेऱ लु:बऱआ इगो खा पुरा लिसा-

<sup>१८</sup> “केऱ सेम्बऱआ, केऱ नाम्नाम ले:ऱपऱआ सेउते इगोनोऱ लेये।

इगोनुड का सप्थाडइटिडे, इगोबेऱ काडमि होडनिडा युडइनुडे मोबा खोसेऱनोऱ चोप जातिहा याऱमिजि न्यायमि टुम्बेऱ प्रचार ले:न्डुजे।

<sup>१९</sup> खो खिमासो योक्निबा, वोनिबा, खो काबऱआ मारामारजि असेऱसो खेप्सुजिने।

<sup>२०</sup> खोसेऱ न्यायमि याक मेलेनरो,

पोक्खेऱपऱआ इडभुसो एडुनिबा,

सिघेऱसिऱमा कुप्पिसो सेडुनिबा।

<sup>२१</sup> खोबेऱनोऱ जाति जातिजिडेऱ आस ले:न्डुजे।<sup>k</sup>

फरिसिजिडेऱ येसु सडक ले:ऱपऱआ

(मर्कुस ३:२०-३०; लुका ११:१४-२३)

<sup>२२</sup> मोबा याऱमिजिडेऱ माडेहा चाबेऱ ले:ऱमेऱ मिक् मेएऱखुबनुड कुबा लिबऱआ इक्को याऱमि येसुबेऱ चिक्चेडुजि। येसुडेऱ मो नुबोगु, मोडोगेऱ मो याऱमि चैबानोऱ यामुहेबुगानुड खेम्हेबुगा। <sup>२३</sup> मोबा चोप याऱमिजिडेऱ खरि मिन्साड लु:सुजि, “इमा इगो दाउदमिन्नोऱ पसा लेये ?” <sup>२४</sup> तर इगो खा खेम्नुड फरिसिजिडेऱ लु:सुजि “इगो याऱमिडेऱको माडेऱमा चापजिमि एप्पा बालजिबुलमि बोलडेऱरेऱ माडेहा चापजि यिइन्डुजे।”

<sup>२५</sup> तर येसुडेऱ माहा याऱमिजिमि निवामि खा लेडोक्नुड लु:सुजि, “खोजिदाडबानोऱ खिमाचुमा ले:ऱखुबा इडोऱहा राज्य नासि लिम्मे। मोडोऱनोऱ सहर अथवा खिमबेऱहा याऱमिजि खोजि टाडबा काक्मिहोड नासि लिघेम्मे। <sup>२६</sup> मोबा सैतानमि सक्तिडेऱ सैताननोऱ यिगुहोड, मोसेऱ टाडबामिनोऱ बिरोध ले:न्डुए, मोबा मोमि राज्य इन्डोऱटे एडइये ?

<sup>k</sup> १२:२१ यसेया ४२ :१-४

<sup>२७</sup> मोडोऱनोऱ माडेऱमा चापमि एप्पा बालजिबुलमि सक्तिडेऱ केऱ माडेहा चापजि यिऱइनुडहोड, हेनिडमि चोडसाजिडेऱ चाहि असामि सक्तिडेऱ यिऱइन्दुजे ? मोडोगेऱ माहाजिडेऱ लेऱऱपऱआ योम्बोगेऱनोऱ हेनिडेऱ माडेऱमा निवा खिन्डानिड लुमे खामि दोसि खाडमुये। <sup>२८</sup> तर केऱ निवाहाडमि सक्तिडेऱ माडेहा चापजि यिऱइनुडहोड निवाहाडमि राज्य हेनिडमि रुम्बेऱ लेम्बेऱे। <sup>२९</sup> मोबा छाऱइये याऱमिमि खिमहोडसिऱयु पेऱन्नुड याडसावा नाप्खेऱमामि लागि याऱलो मो याऱमि मेऱ्हिऱेऱ असेऱ मो खिमबेऱहा थोक नाप्खेऱहेन्दुए ? खो हिऱऱकुनुड एऱसाडरेऱ खिमबेऱहा चोप थोक नाप्खेऱहेये।

<sup>३०</sup> “कानुड सोरि मेऱाम्घुबा, काडमि बिरोधि लेये, असेऱ कानुड सुप्सुनिबा, मोसेऱ केऱ सुमबऱआसो टुप्मिन्दुहा। <sup>३१</sup> मोडोगेऱ केऱ हेनिड लुऱनिमने, याऱमिजिडेऱ लेऱऱपऱआ चोप पापनुड निवाहाड सिऱक्चाबऱआ पाप आम्लाड लिहा, तर पबिऱ होडनिडा सिऱक्चाबऱआ आम्लाड लनिबा। <sup>३२</sup> याऱमिजिडेऱ याऱमिमि पसामि बिरोध लेऱऱटुजिहोड मोमि आमलाड लिहा, तर पबिऱ निवाहाडमि बिरोध लेऱऱटुजिहोड इगो युगबेऱनुड लेडइये युगबेऱसो आमलाड लनिहा।

### डाड मोमि चाडेऱ लेहेये

(लुका ६:४३-४५)

<sup>३३</sup> “नुबा डाडबेऱ नुबा चा किडइये। माडेऱमा डाडबेऱ माडेहानोऱ चा किडइये। इन्ढोडहोड डाड मोमि चाबानोऱ लेडोक्इये। <sup>३४</sup> होउ पुसेऱमि पसाजि, हेनिड माडेहा निडा खिघुबाजि, इन्ढोऱटे नुबा खा लेऱऱहेन्दानुमे ? इन्ढोडहोड निडा इमाड खाडेऱ टिप्मिटुहा माहानोऱ याबुकबाड लेडइहा। <sup>३५</sup> नुबा निडा खिघुबा याऱमिडेऱ नुबानोऱ खा याबुकबाड यामुन्दुहा तर माडेऱमा निडा खिघुबा याऱमिडेऱ माडेहानोऱ खा याबुकबाड यामुन्दुहा। <sup>३६</sup> केऱ हेनिड लुऱनिम्ने, योम्बोक मेऱनिऱहा खा इऱघुबाजि चोबेऱ न्यायमि याकपेऱ मोमि लेखा पिऱमा खेये। <sup>३७</sup> मोडोक्पेऱ हेनेऱ यामुबऱआ खाडेऱनोऱ हेड दोसि अथबा निर्दोस टोडइये।

येसुनुड खरिमा चिडगा योक्पफआ  
(मर्कुस ८:११-१२; लुका ११:२६-३२)

३८ आढा फरिसिनुड यहुदि धार्मिक नियम इःखुबाजिडेः येसु लुःसुजि, “गुरु, हेडबाड इक्को खरिमा चिडगा कानिड खाडमुमा।” ३९ खोसेः माहाजि लुःसुजि, “दुस्टनुड निवाहाडबेः भरोसा मेःनिडहा पुस्ताडेः चिडगा योःइन्दुजे। तर इगो पुस्ताबेःहा याःमिजिडेः योना अगमबक्तामि चिडगाबाड हाइखा चिडगा खाडडोक्टुजिने। ४० इन्ढोडहोड योना सुम याकनुड सुमसेन्डा बेःए डामि रुडमाबेः पेना मोडोःनोः याःमिमि पसासो सुम याक सुम सेन्डा माक्खाम्डेमममि रुडमाबेः पेडइये। ४१ न्यायमि यिडेः निनवे सहरबेःहा याःमिजि इगो पुस्ताबेःहा याःमिजिनुड सोरि येःप्नुड दोस टिन्डुजे, इन्ढोडहोड योनाडेः निवाहाड बचन प्रचार लेःःमाबेः खोजिडेः पापबाड टेसामि, तर खाक्सानुमे योनाबाडसो बेःए आयु इगोबेः टुये। ४२ न्यायमि यिडेः लाडगोतमि सेबा देसबिःए हाडमा इगो पुस्ताबेःहा याःमिजिनुड सोरि येःप्नुड दोस टिन्डुजे। इन्ढोडहोड खो सोलोमानमि बुद्धि खा खेमिसिः बेःलो ओःबाड ठेःःसाड लेन्डे। तर खाक्सानुमे, सोलोमानबाडसो बेःए इगोबेः टुये।

माडेःमा चाप फेरि टेजाये

(लुका ११:२४-२६)

४३ “आढा याःमिबाड माडेःमा चाप पेआप्येम्बाड ओबानो ठाउबेः खेःनुड नाजामामि लागि होडनिवा योःइन्दुए तर हाम्बेःसो चुप्पुनिबा। ४४ मोसेः मिइन्दुए, “हागो याःलो का पेम्बःआ याःमिबेःनोः टेघेडेः”। मोबेः लेम्माबेः मो याःलोए ठाउ होःप्रेवा, वारिडवारि टोडबःआ चुप्पुइन्दुए। ४५ मोबा खोबाडसो चुरोक माडेहा हाइखा एःचि गोटा माडेहा चाप खोनुड चिक्मानुड मो याःमिबेः पेखेम्मे। मोबा मो याःमिमि दसा याःलोएबाडसो बेःलो माडेःमा लिये। इगो दुस्ट पुस्ताबेःहा याःमिजिमि दसासो मोडोःनोः लिये।

### येसुमि मामानुड निसाजि

(मर्कुस ३:३१-३५; लुका ८:१६-२१)

४६ येसु यात्रमिजिनुड यामुमेऱनिडसिमाबेऱ, खोमि मामानुड निसाजि पाखेऱयु लेस्सामि मोबा खोजि “येसुनुड यामुमे खा टुहा” लुःनुड खो हुडसाड पाखेऱयुनोऱ पेनामि। ४७ मोबा इक्को यात्रमिडेऱ येसु लुःसु, “हेनेए मामानुड निसाजि पाखेऱयु लेडइटामे खोजि हेनुड यामुमा योऱइम्मे।” ४८ तर येसुडेऱ मो यात्रमि लुःसु, “केहा मामानुड निसाजि असाजिडे ? ” ४९ मोबा खोम चोडसाजिलाम हुगेऱ सुक्साड लुःसु, “केहा मामानुड निसाजि इघाजिनोऱ लेम्मे। ५० इन्ढोडहोड असेऱ थाडसिरिऱटुए पाबामि खा खेम्नुड खोमि आग्या पानला लेःन्दुजे, माहाजिनोऱ काडमि मामा, निसानुड नानाजि लेम्मे।”

### चरि टुप्पुबामि खा

(मर्कुस ४:१-१२, २५; लुका ८:४-१०; १०:२३-२४)

## १३

१ मो याकनोऱ येसु खिमबाड खेऱनुड माहोडमामि केक्पेऱ पेना। २ मोबेऱ बेऱलोनोऱ यात्रमि सुमबऱआसेऱ येसु योडाखोडबेऱ पेऱएन्नुड पेना। मोबेऱ सुम्बऱआ यात्रमिजि चाहि माहोडमामि केक्पेऱ येःबामि। ३ येसुडेऱ माहा यात्रमिजि खानवाबाड बेऱलो खा लुःसुजि, “इक्को यात्रमि चरि टुप्सिऱ खडा। ४ मोसेऱ चरि टुप्पाबेऱ आढा चरि रामबेऱ सिऱटा मोबा माहा चरि सोडाजिडेऱ कुःप्चोबेसुजि। ५ आढा चरि रुडगोऱवा खाबेऱ सिऱटा। मोबेऱ बेऱलो गहिरो आक्खामा माऱआडेसेऱ, माहा रिड चान्डोनोऱ कडा। ६ तर नाम निमासोरोऱ माहा रिड वारामघडा, सामडेऱ बेऱलो आक्खामा मेऱन्चुप्पऱआसेऱ हेघडा। ७ मोडोऱनोऱ हाइखा चरि चाहि चिजिडघाबेऱ सिऱटा माहासो रिडगो कडा तर चिजिडमि डाड नाःपुक्येम्बाड माहा टोप्सिघडा। ८ तर आढा चरि चाहि मोलनुडमानुड गहिरो आक्खामा टुढामबेऱ सिऱपऱआसेऱ रिड केऱनुड मुक्मुक लिनुड सये गुना, साठि गुना, तिस गुना उब्जनि लिसा। ९ असामि नेएक टुहा मोसेऱ खेप्सुरो!”

<sup>१०</sup> चोडसाजि लेन्नुड येसु लुःसुजि, “इन्ढोड हेनेः याःमिजि इःःमाबेः खानवाबाड इःन्डुजे ?” <sup>११</sup> येसुडेः माहाजि लुःसुजि, “खाकसानुमे, हेनिडेः निवाहाडमि राज्यमि होडसिःयुहा खा लेमे निडा हेनिड पिःटानुमे, तर माहाजि मो खा लेमामि निडा मेम्पिःडिः। <sup>१२</sup> इन्ढोडहोड असानुड टुहा, मोसेः हाइखा चुप्पिन्डुए मोबा भना बेःलो लिये। तर असानुड माःआये खोनुड टुहा एडेःवासो खोबाड नाप्खेहा। <sup>१३</sup> मोडोगेः का खोजिनुड खानवाबेः यामुडे। इन्ढोडहोड माहाजिडेः खाडमागो खाडइन्डुजे तर खाडडोक्टुजिने, खेम्मागो खेम्इन्डुजे तर लेसुजिने। <sup>१४</sup> माहाजिनुड यसैया आगमबक्ताडेः लुःबःआ खा टोडइहा,

हेनिडेः खेम्मागो खेम्इन्डानुमे, तर लेनोः लेसानुम्नि,  
खाडमागो खडइन्डानुमे, तर इन्डोक्पेःसो खाडडोक्टानुम्नि।

<sup>१५</sup> ‘इन्ढोडहोड इघा याःमिजिमि निवानोः वारामघेःटे।

खोजिमि नेःकडेः खेम्हेसुजिने।

खोजिमि मिःक सुरुम लेःःएःटुजे।

आक्टोः मेःलेःटाहोड खोजिडेः खाडसुजि, खेप्सुजेनुड लेहेसुजे,

मोबा माहाजिमि निवा काबेः टेआप्टुजे,

मोबा केः खोजि नुबोगुडजि।’

<sup>१६</sup> “तर हेनिडेः चाहि बेःलो आसिस चुप्पिटानुमे, इन्ढोडहोड हेनिडमि मिगेः खाडडोक्हेन्डुहानुड नेःएगेः खेम्हेन्डुहा। <sup>१७</sup> चैबानोः हेनिड लुःनिम्ने, हेनिडेः आयु खाडबःआनुड खेम्बःआ इघा खा बेःलो अगमबक्ताजिनुड धर्मि याःमिजिडेः खाडमानुड खेम्मा मिडुजे तर माहाजिडेः मेःडखाडडोक्टुजिनुड मेःम्खेम्डोक्टुजि।

चरि टुप्पःआ खानवाडेः लुःमायोक्पःआ

(मर्कुस ४:१३-२०; लुका ८:११-१५)

<sup>१८</sup> “हागो चरि टुप्पःआ खानवाडेः लुःमायोक्पःआ खा खेप्सानुमे।

<sup>१९</sup> रामबेः सिःःपःआ चरि लुबःआ चाहि, इन्डोः याःमिजिडेः निवाहाडमि

राज्यमि टुम्बेहा खा खेम्इन्दुजे तर लेसुजिनि। मोबा सैतानडेह माहा खा निवाबाड कुप्फेन्दुए। <sup>२०</sup> मोबा यात्रमिजिडेह निवाहाडमि बचन खेम्मासोरोह साप्याकसाड चान्डोनोह बिस्वास लेःन्दुजे। रुडगोहवा सेडसेडमा ठाउबेह सित्रपत्रआ चरि लुःबत्रआ चाहि, <sup>२१</sup> तर माहा यात्रजिमि निवाहोडबाड बिस्वास मात्रआडेसेह माहाजिडेह निवाहाडमि बचनबेह बिस्वास लेःत्रपत्रआसेह खे आडमा सित्रमासोरोह माहाजिडेह बिस्वास लेप्पेन्दुजे। मो रिडमि साम माडिडोह लेये।। <sup>२२</sup> चिजिड खाबेह सित्रपत्रआ चरि लुःबत्रआ चाहि यात्रमिजिडेह निवाहाडमि बचनगो खेम्इन्दुजे तर इगो माक्खाम्डेम्बेहा खाल खालहा सुरतानुड साक्काडडेह रेम्नुड बचन टोप्सिघेये मोबा मोसेह चा पिःहेसुने। <sup>२३</sup> तर मोलनुडमानुड गहिरो आक्खामाबेह सित्रपत्रआ चरि चाहि असेह निवाहाडमि बचन खेम्इन्दुए, मोसेह बचन खेम्नुड, लेनुड नुरोह निडाबेह युडइन्दुहा खोमि जिवन चाहि तिस गुना, साठि गुनानुड सये गुना चा किडइये डाडडोह लिये।

### सामामि खनात्रवा

<sup>२४</sup> येसुडेह फेरि माहाजि हाइको इडोत्रमा खनात्रवा लुःबेहटुजि, “खाक्सानुमे, निवाहाडमि राज्य लुःबत्रआ इक्को किसानडोह लेये, मोसेह टाडबामि सोवराबेह नुबा चरि टुप्पिन्दुए। <sup>२५</sup> तर मो किसानमि खिमबेहहाजि चोप इम्दिघेहत्रपत्रआ बेलाबेह खोमि सत्रु लेन्नुड खोसेह नुबा चरि टुप्पत्रआ ठाउबेह सामामि चरि टुप्पम्बेटु। <sup>२६</sup> एक्साड रिड केहनुड वाबोक्माबेह सामासो खाडमुसा।

<sup>२७</sup> मोबा रोपाबेह योम्बोक लेःत्रखुबाजि लेन्नुड सोवरा मालिक लुःसुजि, ‘मालिक हेनेह रोपाबेह नुबा चरि टुबुहा नेहने, इघा सामा चाहि हाम्बाड लेन्डहा?’ <sup>२८</sup> “मो रोपामि मालिकडेह लुःसुजि, ‘सत्रुजिडेह इघा सामा टुप्पम्बेःटामि’ सेउतेजिडेह लुःसुजि, ‘इमा कानिड खेहनुड आक्खा सामा साक्पेमा?’

<sup>२६</sup> “तर रोपा मालिकडेह लुःसुजि, ‘नेहनि आयुनोह एहसगानुमे। आयुनोह साक्माबेह हेनिडेह सामानुड गहुसो साक्इन्डानुम। <sup>३०</sup> बालि हेक्मा बेलाठोक आक्खा गहुनुड सामा सोरि वाबोक्मेहमा, एक्साड बालि हेक्मा बेला लियेम्बाड सेउतेजि लुःनुडहाजि याहलो सामा साक्नुड मिबेह हिहमामि पुक्नुड युक्सानुमे, चाम चाहि केए भकारिबेह युक्सानुमे’।”

पारसाइमि चरिडनुड खमिरमि खनाहवा

(मर्कुस ४:३०-३४; लुका १३:१८-२१)

<sup>३१</sup> येसुडेह फेरि हाइको इक्को खनाहवा इःबेहटुजि, “थाडसिरिमि राज्य पारसाइमि चरिडोह लेये, इक्को याहमिडेह सोवराबेह खेहनुड पारसाइ टुबु। <sup>३२</sup> मो चरि हाइखा चोप बालिमि चरिबाड चोप्पाड एडेम्मा लेये, तर एक्साड डाड वाबोक्नुड चोप्पाड बेहएम्मा लिये। मोबा सोडाजि लेन्नुड मो डाडबेह हाप टिःन्दुजे।”

<sup>३३</sup> येसुडेह खोजि हाइको खनाहवा इःबेहटुजि, “थाडसिरिमि राज्य खमिरडोहमा लेये, इक्को मेहनामिडेह एडिहवा खमिर इक्पोड (१०)किलो गहुमि खाहमिबेह टुनुड चोःगु माहा होम्बोक्लो आरिबेह युक्सु।”

<sup>३४</sup> येसुडेह इघा चोप खा याहमिजि खनाहवाबाड इःबेहटुजि, खोसेह चोप् खालहा सिक्छे खनाहवाबाडनोह इःडुजि। <sup>३५</sup> अगमबक्ताजिडेह लुःबहआ खा पुरा लिजासा,

“केह हेनिड खनाहवामि राम्बाड खा इःबेहनिम्ने

मक्खाम्डेम सिरिस्टि लिबहआबाड चुम्बहआ खा इःनुडहा’।”

सामामि खनाऱवाडेऱ लुःबऱआ खा  
(मर्कुस ४:३०-३४; लुका १३:१८-२१)

३६ मोबा येसु मोबेऱ सुम्बऱआ याऱमिजि याऱयानुड खिमहोडसिऱयु पेखडा। मोडोक्पेऱ खोमि चोडसाजि लेन्नुड लुःसुजि, “सामामि खनाऱवाडेऱ लुःमा योक्पऱआ खा कानिड इःबेऱमाना।” ३७ खोसेऱ माहाजि लुःसुजि, “इगो खनाऱवाबेऱ नुबा चरि टुप्खुबा याऱमि चाहि याऱमिमि पसा लेये। ३८ रोपा चाहि इगो मक्खाम्डेम, नुबा चरि चाहि निवाहाडमि पसाजि, मोबा सामा चाहि सैतानमि पसाजि। ३९ चाम सोवराबेऱ सामा तुघुबा चाहि सैतान लेये। बालि हेक्मा बेला चाहि युगमि एक्साडए याक लेये, खेतलाजि चाहि थाडसिरि दुतजि लेम्मे। ४० “इडोऱ सामा चोप सुम्नुड मिबेऱ हिऱटिडोऱ माक्खाम्डेममि एक्साडए याकसो इडोऱनोेऱ लिये। ४१ याऱमिमि पसाडेऱ खोमि थाडसिरि दुतजि पाडइन्डुजे मोबा पाप लेऱऱमेऱखु चोप थोकनुड दुस्ट योम्बोक लेऱऱमेऱखुबाजि चोप खोमि राज्यबाड सुम्इन्डुजे, ४२ मोबा मिमि भट्टिबेऱ राप्हेडइन्डुजे। मोबेऱ माहाजि केड इःक्साड हाःप्डम्मे। ४३ निवाहाडमि पोम्बेऱ धर्मि लिघुबा चोप् पाबामि राज्यबेऱ नाम्डोऱ उज्यालो लिनुड पोऱइम्मे। नेएक काप्खुबा चोबेऱ खेप्सुमिरो।

गाडधननुड मोतिमि खनाऱवा

४४ “निवाहाडमि राज्य लुःबऱआ चाहि इक्को रोपाबेऱ हुमयुडबऱआ गाडधनडोऱ लेये। इगो इक्को याऱमिडेऱ चुप्नुड चुमयुइन्डुये मोबाड साप्थाक्साड खेऱनुड खोमि तुहा चोप थोक इन्जानुड मो गाडधन हुमयुडबऱआ रोपा इडइन्डुए।

४५ “फेरि थाडसिरिमि राज्यगो इक्को नुबा मोति इन्जाखुबा याऱमिडोऱ लेये। ४६ मो याऱमिडेऱ नुबा मोति चुप्नुयेम्बाड खोमि चोप थोक इन्जानुड मो नुबा मोति इडइन्डुये।



## याडखुवामामि खनाऱवा

<sup>४७</sup> “थाडसिरिमि राज्य लुःबऱआ इक्को याडखुवामा वाबोकलाबेऱ वेबऱआडोऱसो लेये। मोबेऱ खाल खालहा डाजि सिऱइम्मे। <sup>४८</sup> डाडेऱ याडखुवामा टिबुवेबाड जलाहारिजिडेऱ पाखाबेऱ सेऱआप्नुड नुबा डाजि थुदुप्पेऱ एडइन्डुजे माडेहा खालहा डाजि पाखेऱयु राप्पेन्डुजे। <sup>४९</sup> इगो युगमि एक्साडए याकपेऱ मोडोऱनोऱ लिये। थाडसिरि दुतजि लेन्नुड निवाहाडमि पोम्बेऱ धर्मि लिबऱआ याऱमिजिमि रुम्बाड दुस्टजि फाऱइन्डुजे। <sup>५०</sup> मोबा माहाजि मिमि भट्टिबेऱ राप्डइन्डुजे। मोबेऱ माहा दुस्टजि केड इःक्साड हाप्डम्मे।”

<sup>५१</sup> येसुडेऱ चोडसाजि सिप्सुजि, “इमा हेनिडेऱ इघा खा लेसानुमे ?” माहाजिडेऱ लुःसुजि, “लेसुडमा।” <sup>५२</sup> मोबा येसुडेऱ लुःसु, “मोडोगेऱ थाडिसिरिमि राज्यमि सिक्छे चिम्बऱआ चोप याऱजि खिमबेऱए मुलि याऱमिडोऱ लिये। खिमबेऱए मुलिडेऱ खोमि ढुकुटिबाड चोडनुड हेऱवा थोक चाडइन्डुहा।”

## नासरत सहरबेऱ येसु बिस्वास मेलेऱऱपऱआ

(मर्कुस ६:१-६; लुका ४:१६-३०)

<sup>५३</sup> इघा खनाऱवा इःसेऱनुड येसु मोठाउबाड खो वाबोकपऱआ खेप्पेसा। <sup>५४</sup> मोबेऱ येसुडेऱ यहुदिजि सुम्ढाम खिमबेऱ खेऱनुड सिक्छे पिःबोगुजि। खोमि सिक्छे खेम्खुबाजि खरि मिन्साड कासामि “इडोऱमा निवानुड खरिहा योम्बोक लेऱऱठाम सक्ति हाम्बाड चुप्टुहा ? <sup>५५</sup> इमा इगो मो सिकरमि योसेफनुड मरियाममि पसा नेऱने ? इगोमि निसाजि याकुब, योसेफ, सिमोननुड यहुदा नेऱनेन्डे ?। <sup>५६</sup> इगोमि समसमा निसाजिसो इगोबेऱनो टुम्मे नेऱनेन्डे ? इगोसेऱ हाम्बाड इघा चोप खा चुप्टुहा ?” <sup>५७</sup> मोबा माहा याऱमिजि खोनुड सुरकेऱपोगामि तर येसुडेऱ माहाजि लुःसुजि, “अगमबक्ताजि टाडबामि खिम्डेमबेऱहानुड टाडबाडजिडेऱ मान लेऱुजिनिबा तर हाइखा चोप

ठाउबेहा यात्रमिजिडेह चाहि मान लेन्दुजे।” ५८ मोबेहा यात्रमिजिडेह खोबेह बिस्वास मेलेःरपत्रआसेह येसुडेह खरिहा योम्बोक बेहलो मेलेटु।

बप्तिस्मा पिःघुबा युहन्ना सिम्बेहा

(मर्कुस ६:१४-२६; लुका ९:७-९)

१४ <sup>१</sup>मोडोकपेह गालिलबेह राज्य लेःरखुबा हाडबा हेरोदडेह येसुमि टुम्बेह खेप्सु। <sup>२</sup>मोबा खोमि येरिडजि लुःसुजि, “इगोगो बप्तिस्मा पिघुबा युहन्नानोह लेये! खोगो सेरनेबेहा लेटे। खो सिघेहपत्रआबाड फेरि हिडबोइटा। मोडोगेहोह खोसेह इघा खरिहा योम्बोक लेःरमेहनिडसिन्दुहा।”

<sup>३</sup>हेरोदडेह इन्ढोड इडोह मिहटुए यात्रलो लिबेहा खाडेह लेःरमेह हेरोदमि खिमदाडमा हेरोदियासमि लागि खोसेह युहन्ना राःप्नुड तिरोडगा खिमबेह सेक्युडबेहा लेटे। हेरोदमि खिमदाडबा यात्रलो हेरोदमि निसा फिलिपमि खिमदाडबा लेटे।” <sup>४</sup>युहन्नाडेह हेरोद बेहलोखेह इडोह लुःबेहा लेटे, “टाडबामि निसामि बानिमा हेनेह खिमदाडमा टोडनुड निवाहाडमि नियममि टेडिघरिक लेमा फेन्निबा।” <sup>५</sup>इगो खामि टुम्बेहोह हेरोदडेह युहन्ना सेरनेमा योक्पत्रआ लेटे। तर यात्रमिजिनुड खो किस्सिडे इन्ढोडहोड यात्रमिजिडेह युहन्ना अगमबक्ता मिडुजे।

<sup>६</sup>तर हेरोदमि जन्म याक लेन्डा बेहलो यात्रमिजि पोम्बेह हेरोदियासमि पसाडेह नुरोह सिम्आत्रबासेह हेरोद सारो सापथाडइटा। <sup>७</sup>मोबा हेरोदडेह हेन्जुड हेन्साड मो पिच्छा “हेनेह इमाड डाःगुहोडसो पिःन्ने’ लुःनुड लुःसु।” <sup>८</sup>खोम्मेह इःरपत्रआ खानोह इडोह लुःनुड डाःगु, “का हागोनोह बप्तिस्मा पिःघुबा युहन्नामि निन्डावा थालाबेह युडनुड पिःमा।” <sup>९</sup>मोडोहमा खा खेम्नुड हेरोदमि निवा टुगा। तर खोसेह मोदेहलोहा चाबाडजिमि पोम्बेह हेन्जुड हुप्पत्रआसेह खोसेह मो पिच्छेह लुःबेहाडोहोह लेःरमे हुकुम पिःसुजि। <sup>१०</sup>मोडोगेह हेरोदडेह तिरोडगा खिमबेह युहन्नामि निन्डावा चेम्मेहटुजि। <sup>११</sup>मो युहन्नामि निन्डावा थालाबेह युडनुड लाआप्नुड मो पिच्छा पिःसु। मोसेह मो खोम्मा पिःसु। <sup>१२</sup>मोबा एकसाड युहन्नामि

चोडसाजिडे? सिगुयाक चाहि लाघे?नुड ये:रमाबे? युक्सुजि। मोबा खे?नुड इगो खा येसु इ:बे?टुजि।

येसुडे? डाउम हजार यात्रमिजि चरेपा हिडब?आ

(मर्कुस ६:३०-४४; लुका ९:१०-१७; युहन्ना ६:१-१४)

<sup>१३</sup> येसुडे? मो लाम्बावा खे?नुड एक्सड नाउबे? साडनुड सडगसुमा ठाउबे? खडा। तर यात्रमिजिडे? येसु खे?प?आ खा लेनुड सहर सहरबाड राम्साड खो एडगुवा एडगुवा टिडघे?टुजि। <sup>१४</sup> येसु नाउबाड पाखाबे? आप्माबे?को बे?लो यात्रमिजि खाडडोक्?टुजि, माहाजि खाडनुड खोसे? नाम्नावा ले?टुजि मोबा मोबे? टुघुबा टुक्खुबाजि नुबोगुजि।

<sup>१५</sup> मोबा युडा लिमे?निडसिडे? चोडसाजि येसुबे? लेन्नुड इडो? लु:सुजि, “हे प्रभु, इगो सडगसुमा ठाउ ले?ए, नाम किकखेटे, इघा यात्रमिजि बिदा पि:साजे, खोजि टाडबा लागि कि?यु मि?युहा खिमडेमराजि खे?नुड चामाया इन्जामिरो।” <sup>१६</sup> तर येसुडे? माहाजि लु:सुजि, “आक्खाजि खे?मा पाप्नि, हेनिडे?नो? इघाजि चामा पि:सानुमे।” <sup>१७</sup> चोडसाजिडे? येसु लु:सुजि, “कानिडनुडगो डाउम चरेपानुड निच्चि डारे?नो? टुहा।” <sup>१८</sup> येसुडे? लु:सुजि, “खोइ अक्खा चरेपानुड डा काबे? लाप्टानुमे।”

<sup>१९</sup> येसुडे? माहा यात्रमिजि चउरबे? पेम्मे आग्या पि:नुड खोसे? माहा डाउम चरेपानुड निच्चि डा ठे?नुड थाडसिरि?टु खाडसाड निवाहाड ओहाक पि:सु। मोबा माहा चरेपा ए?नुड चोडसाजि पि:सुजि, खोजिडे? यात्रमिजि हामबे?टुजि। <sup>२०</sup> माहाजिडे? उक्खारो चासे?नुड एम्ब?आ टुकरा सुम्माबे? बारो ओखेडमा इ:गुजि। <sup>२१</sup> मोबे? चाघुबाजिबे? मे?नामिनुड पिच्छाजि मेने?ले? वाडाडबसाजिरे? डाउम हजारडोक टुसामि।

## येसु योडासोक्पेऱ् राम्बऱ्आ

(मर्कुस ६:४५-५६; युहन्ना ६:१५-२१)

<sup>२२</sup> मोबा एकसाड येसुडेऱ् खोमि चोडसाजि योडा जहाजबाड खोबाड याऱलो मेऱ्एरेड पाक्सुजि। खो चाहि सुम्बऱ्आ याऱमिजि बिदा पिमामि मोबेऱ् पेना। <sup>२३</sup> माहा याऱमिजि बिदा पिःसेऱ्नुड येसु खोम्दाडबा चाहि पारथाना लेऱ्मामि टोक्टोक्मेऱ्टु सक्सा। युडा सेन्जुगुप लिघेऱलो खोरे मोबेऱ् टुसा। <sup>२४</sup> मोडोक्रोबेऱ् नाउ चाहि वाबोक्लामि केक्बाड बेऱ्लोनोऱ् ओः रुक्खेऱ्पऱ्आ लेटा। मोबा बेऱ्ए फुइक्सुमाडेऱ् नाउ किऱ्यु मिऱ्यु ठेऱ्मेऱ्निडसिडुएसेऱ् पोम्बेऱ् मेडखेऱ्हेसमि। <sup>२५</sup> माक्मि सुम्बोड राजि येसु वाबोक्लामि योडासोक्पेऱ् राम्साड चोडसाजिबेऱ् अबा। <sup>२६</sup> येसु योडासोक्पेऱ् राम्साड आप्मेऱ्निडसिबऱ्आ खाडनुड खोमि चोडसाजि किस्सिमेऱ् “इगोगो माडेऱ्मा चापरे ले!” लुःसाड वोबोगामि। <sup>२७</sup> तर मोडोक्पेऱ्नोऱ् येसुडेऱ् माहाजि लुःसुजि, “एक्किस्सिडानिडे, का लेडे, आट लेटानुमे।”

<sup>२८</sup> पत्रुसडेऱ् येसु लुःसु, “प्रभु, हेन्नोऱ् लेयेहोड, का योडासोक्पेऱ् आप्मा आग्या पिःमाना।” <sup>२९</sup> येसुडेऱ् लुःसु, “लो आबे!” पत्रुस नाउबाड पाखेऱ्यु आप्नुड योडासोक्पेऱ् राम्साड येसुबेऱ् आप्पोगा। <sup>३०</sup> तर बेऱ्ए फुइक्सुमा खाडनुड पत्रुस किस्सिडा मोबा खो हुम्घेऱ्सिऱ् पोरोकपऱ्आसेऱ् वोसाड कासा, “हे प्रभु, का राःप्माना।” <sup>३१</sup> येसुडेऱ् चान्डो राःप्नुड लुःसु, “खोइ हेनेऱ् बिस्वास, इन्ढोड सडका लेटुए?” <sup>३२</sup> मोबा येसुनुड पत्रुस नाउबेऱ् साक्साजि मोबा एकसाड फुइक्सुमासो एऱ्युसा। <sup>३३</sup> मोबा नाउबेऱ्हा चोडसाजिडेऱ् सेवा लेऱ्साड लुःसुजि, “चैबानोऱ् हेड निवाहाडमिनोऱ् पसा लेये लेः!”

<sup>३४</sup> येसु चोडसाजिनुड माहोडमामि मेऱ्एरेड रुक्नुड गनेसरेत ठाउबेऱ् लेस्सामि। <sup>३५</sup> मोबेऱ्हा याऱमिजिडेऱ् येसु लुःनुड लेडोक्टुजि मोबा माहाजिडेऱ् मो छेऱ्मि किऱ्यु मिऱ्युहा खिमडेमबेऱ् लाम्बावा पाक्सुजि। मोबा याऱमिजिडेऱ् चोप खालहा टुक्खुबाजि येसुबेऱ् लाजेडुजि। <sup>३६</sup> माहाजिडेऱ्

येसुमि चेरमि फुकरिरनोर होडसो केक्मा पिःमा लुःनुड बिन्ति लेटुजि। मोबा केक्खु यारमिजि चोप नुबोगामि।

रितिथिति लेःरमे टुम्बेर सिक्छे

(मर्कुस ७:१-१३)

१५ <sup>१</sup>यरुसलेमबाड लेम्बेरआ आढा फरिसिजिनुड यहुदि धार्मिक नियम इःरखुबाजि येसुबेर लेन्नुड सिप्सुजि, <sup>२</sup>“हेनेहा चोडसाजिडेः टुबा लाबाजिबाड लेःचेरपरआ रितिथिति इन्ढोड लेःटुजिने ? इन्ढोडहोड खोजिडेः चामा यारलो हुक वासोक्मे चालनसो लेःटुजिनि।” <sup>३</sup>येसुडेः माहाजि लुःसुजि, “हेनिडेःसो इन्ढोड टाडबामि रितिथितिमि लेःरमे निहुबेर निवाहाडमि आग्या पालना चाहि लेःटानुम्निबा ? <sup>४</sup>खेप्सानुमे, निवाहाडडेः इडोर लुःटे, ‘टाडबामि पाबानुड मामामि आदर लेःटानुमे, पाबा मामामि बिरोधबेर असेःर माडेःरमा खा इःन्दुए मो चाहि सेःरमानोर खेये।’ <sup>५</sup>तर हेनिड असेःरसो टाडबामि पाबा मामाजि “खेप्सानुमे, केःर हेनिडमि लागि इमाड इमाड लेःरमा अथबा पिःमा खडे, माहा चोपगो केःर निवाहाड पिबेसुड” लुःन्डानुमहोडगो, <sup>६</sup>खोसेःर चाहि टाडबामि पाबा मामामि आदर लेःरमा पाप्निबा। इडोर हेनिडेःर रितिथिति लेःरमाबेर निवाहाडमि बचन योम्बोक मेःरनिडमा टोक्सानुम। <sup>७</sup>होउ माडेःरमा निडा खिघुबाजि! यसैया अगमबक्ताडेःर हेनिडमि टुम्बेर ठिकैनोर लुःटुए।

<sup>८</sup>‘इघा जातिजिडेःर का याबुगेःर चाहि सारो आदर लेःडामे, तर खोजिमि निडा चाहि काबाड बेःरलो ओः टुये।

<sup>९</sup>इघाजिडेःर मेःरनोरसो काडमि ओहाड लेःरखाडइन्दुजे इन्ढोडहोड यारमिजिडेःर टोडबेरआ नियमरेःर इघाजिडेःर इःन्दुजे<sup>म</sup>।”

<sup>म</sup> १५:६ यसैया २६: १३

### यात्रमिजि असुध्द टोडघु खा

(मर्कुस ७:१४-२३)

<sup>१०</sup> येसुडेऱ मोबेऱहा बेऱलो यात्रमिजि वोःप्नुड लुःसुजि, “केहा खा नुरोऱ निडा टिनुड खेप्सानुमेनुड लेसानुमे। <sup>११</sup> याबुकबाड होडसिऱयु खेऱपऱआ खाडेऱ यात्रमि असुध्द टोकसुनिबा। तर याबुकबाड पाखेऱयु आप्मिहा माडेहा खाडेऱ यात्रमि असुध्द टोडइये।”

<sup>१२</sup> मोबा ँकसाड चोडसाजि लेन्नुड येसु लुःसुजि, “हेनेऱ लुःबऱआ खा खेम्नुड फरिसिजि सुरकेटामे लुनुड हेनेऱ लेडोकटुए ?” <sup>१३</sup> तर येसुडेऱ लुःसु, “थाडसिरिबेऱ पेडघुबा केऱ पाबाडेऱ मेऱिऱपऱआ चोप डाड साम्नुडनोऱ साक्पेमा खेहा। <sup>१४</sup> आक्खाजिमि लेऱखोनोऱ ँलेऱऱटानुमे, आक्खाजिगो मिक मेऱऱखुजिमि मिक मेऱऱखुबा डायोडबा लेम्मे। मिक मेऱऱखुबा यात्रमिडेऱ हाइको मिक मेऱऱखुबा यात्रमि कोघेऱटुहोड, मोजि निप्पाडनोऱ खोदोलम्बाबेऱ सिऱइन्जे।”

<sup>१५</sup> पत्रुसडेऱ येसु लुःसु, “इगो खनाऱवाडेऱ लुःमा योकपऱआ खा कानिड इःबेऱमाना।” <sup>१६</sup> येसुडेऱ लुःसु, “इमा हेनिडेऱ हागोरोसो लेसानुम्ने ? <sup>१७</sup> इमा हेनिडेऱ लेसानुम्ने ? यात्रमिमि याबुकबाड होडसिऱयु खेऱपऱआ खागो रुडमाबेऱ रुइन्डुए मोबा ँकसाड पाखेऱयु खेप्पेहा। <sup>१८</sup> तर यात्रमिमि याबुकबाड पाखेऱयु लेडइहा खा चाहि निडाबाड आप्मिइहा मोसेऱ यात्रमि असुध्द टोडइये। <sup>१९</sup> इन्ढोडहोड दुस्ट निवा खिमा, यात्रमि सेऱमा, खाल-खालहा बेभिचार लेऱऱमा, खुमा, मेऱनोऱहा साक्छि पिमानुड यात्रमिजि इःजामा इघा चोप माडेहा खा यात्रमिमि निडाबाडनोऱ लेडइहा। <sup>२०</sup> इडोऱहा खाडेऱ चाहि यात्रमिजि असुध्द टोडइये। तर हुक मेऱवासोक्लेऱ चामाबेऱ यात्रमि असुध्द लिनिबा।

## कनानि मेरुनामिमि बिस्वास

(मर्कुस ७:२४-३०)

२१ येसु मो ठाउबाड रामबोगा मोबा टुरोसनुड सिदोनमि इलाकाराजि खडा। २२ मो ठाउबेरए इक्को कनानि जातिमि मेरुनामि येसुबेर लेन्नुड बेरए सेम्लाडेर लु:सु, “हे प्रभु, दाउदमि पसा, का नाम्नावा ले:रमाना, केए समसाम पसा माडेरमा चाबेर सारोनोर दुख पि:टुए।” २३ तर येसुडेर मो इमाडसो मेलु:सु, खोमि चोडसाजिडेर खो बिन्ति लेटुजि, “इगो बिदा पि:बेसे, इन्ढोडहोड आक्को कासाड कानिड टिडमेरनिडसिये।” २४ येसुडेर लु:सु, “कागो मेखेरपरआ सामुजिडोरहा इस्राएलजि सहायोग ले:रमामिरेर पाडबरआ लेडे। २५ तर मो मेरुनामि येसुमि पोम्बेर लेन्नुड टुमरुगेर ये:प्नुड लु:सु, “हे प्रभु, का सहायता ले:रमा।” २६ येसुडेर लु:सु, “ओडेकजिमि चामा नाप्नुड हु:रवाजि पि:मा नुबा लिनिबा।” २७ मेरुनामिडेर लु:सु, “ऐ प्रभु, तर हु:रवाजिडेरसो खोमि मालिकजिडेर चामाबेर टेबलबाड सु:क्परआ चामासिरवागो चोन्डुजिगो।” २८ मोबा येसुडेर मेरुनामि लु:सु, “होउ नानि, हेनेए बिस्वास बेरए लेये ले:। हेनेर लु:बरआडोरनोर हेड लिरो।” खोमि समसाम पसा मोडोक्पेरनोर नुबोगा।

## येसुडेर रिउम हजार यात्रमिजि हिडबरआ

(मर्कुस ७:३१-८:१०)

२९ येसु मो ठाउबाड गालिल वाबोक्लामि केक्बाड रामसाड खेरनुड टोक्टोक्मेरटु साडनुड पेना। ३० मोबा बेरलो बेरलो यात्रमिजि सुम्नुड येसुबेर लेस्सामि। माहा यात्रमिजिडेर चिक्चेरपरआ सप्या, मिक् मेएखुबा, सोक्लोडगेनुड कुबाजि मोबा हाइखा बेरलो टुक्खुबाजि येसुमि पोम्बेर युडबेरटुजि मोबा येसुडेर माहाजि नुबोगुजि। ३१ इडोर कुबाजि यामुबरआ, सोरलोडगेजि नुबोक्परआ, सप्याजि राम्बरआनुड मिक् मेएरखुबाजिमि मिक् एरपुक्परआ खाडनुड यात्रमिजि खरि मिनामि मोबा माहाजिडेर इस्राएलमि निवाहाडमि ओहाड लेटुजि।

<sup>३२</sup> मोबा येसुडेण खोमि चोडसाजि केःणुड लुःसुजि, “इघा यात्रमिजि खाडबाबेण नाम्नाम मिण्डनुडजि। इघाजि कानुड पेम्बणआ सुमयाक याक्खेटामे। हागो इघाजिमि चामायासो रुक्खेटहा। इघाजि केण साक्मेन्जा पाडमा मिण्डनुडनि इन्ढोडहोड इघाजि रामबेणोण सागेण टेन्डिण खेम्मे न।”

<sup>३३</sup> चोडसाजिडेण येसु लुःसुजि, “इढेणलो यात्रमिजि हिडमामि लागि चामाया इगो सडगसुमा ठाउबेण हाम्बाड कानिडेण लाजेणमे ?” <sup>३४</sup> येसुडेण माहाजि लुःसुजि, “हेनिडनुड इन्डोण गोटा चरेपा टुहा ?” माहाजिडेण लुःसुजि, “एच्चि गोटा चरेपानुड एद्रिहा डा एडेणवा टुहा।”

<sup>३५</sup> येसुडेण माहा बेणलो यात्रमिजि भुइबेण पेम्मेणटुजि। <sup>३६</sup> येसुडेण माहा एच्चि गोटा चरेपानुड डा हुकपेण याडनुड निवाहाड ओहाक पिःसु। मोबा चरेपा एणुड खोम चोडसाजि यात्रमिजि हाबेणटानुमे लुःनुड पिःसुजि।” <sup>३७</sup> माहा चोप यात्रमिजिडेण उक्खारो चोसेणनुड एम्बणआ टुक्र सुम्माबेण एच्चि डालो टिबु। <sup>३८</sup> मोबेण चाघुबाजिबेण यात्रमिजि पिच्छानुड मेणनात्रमिजि मेणेणलेण वाडाडपसाजिरेणोण रिउम हजार टुसामे। <sup>३९</sup> मोबा माहा यात्रमिजि बिदा पिःसेणनुड येसु चाहि नाउबाड मगादानमि इलाकालबेण रुकटु।

खरिमा योम्बोक खाडमा योक्कणआ

(मर्कुस ८:११-१३; लुका १२:५४-५६)

१६

<sup>१</sup> येसु रेम्म्मामि फरिसिनुड सदुकिजि येसुबेण लेन्नुड लुःसुजि, “हेड निवाहाडबाडनोण लेडइटेहोड, थाडसिरिबाडए इक्को खरिमा योम्बोक लेःणुड खाडमुमा।” <sup>२</sup> तर येसुडेण लुःसुजि, “नाम टेःणसिणपोरोक्काबेण हेनिडेण लुःन्डानुमे, ‘नान्द्रुडमा हररा लेण, वागिया नाम निये। <sup>३</sup> माक्किण चाहि लुःन्डानुमे, ‘नान्द्रुडमा हररा लेयेणुड खिमिणवाडेणसो टेणइटु, आयु फुइक्सुमा लेडइये चारा।’ हेनिडेण नान्द्रुडमा खाडनुड याक इन्डोण लिये लुःनुड लुःहेन्डानुमे, तर लिसिणपोक्कणआ खामि चिडगा खाडनुडसो लेसानुम्मे। <sup>४</sup> आयुहा दुस्टनुड निवाहाडबेण भरोसा मेणनिडहा पुस्ताजिडेण खरिहा चिडगा खाडमा योण्डनुडे, तर योनामि जिबनबेण



लिब्रआ खरिमा चिडगाबाड हाइखा चिडगा खाडडोक्टुजिनिबा।” मोबा माहाजि याःन्यानुड येसु खेप्पेसा।

फरिसिनुड सदुकिजिमि सिक्छेमि टुम्बेहा खा

(मर्कुस ८:१४-२१)

५ येसुमि चोडसाजिडेह वाबोकलामि मेहएरेड रुक्नुड लेडोक्टुजि, खोमिडेह चरेपा लाःप्पा मिन्डेटुजि। ६ येसुडेह चोडसाजि लुःसुजि, “हेनिड फरिसिनुड सदुकिजिमि खमिरबाड होसियार लेटानिडे। ७ येसुमि चोडसाजि खोजिदाडबा काबोगामि, “कानिडेह चरेपा मेडखिबहआसेह होला इडोह लुःये।” ८ येसुडेह खोमि चोडसाजि इडोह काडिडबहआ लेडोक्नुड लुःसुजि, “खोइ हेनिडमि बिस्वासि! हेनिडनुड चरेपा माहआ लुःनुड हेनिड टाडबा इन्ढोड कान्डानिडे ? ९ इमा हेनिडेह हागोसो मेलेडिहटानुमे ? डाउम चरेपाडेह डाउम हजार याहमिजि हिडमाबेह एम्बहआ टुक्रा सुम्माबेह चरेपा इन्डोह डालो इःगानुमे मिन्डेडानुमे ? १० मोबा रिउम हजार याहमिजि एच्छि गोटा चरेपा हिडमाबेह हेनिडेह इन्डोह डालो इगानुमे ? माहासो मिन्डेडानुमे ? ११ इन्ढोड हेनिडेह मेलेसानुमे, केह हेनिडनुड चरेपामि टुम्बेह खा इःबहआ नेहनिबा। केहको फरिसिनुड सदुकिजिमि खमिर डोहमा खाबाड होसियार लेटानिडे गोरे लुःबहआ।” १२ मोबाले चोडसाजिडेह लेसुजि, येसुडेह चरेपाबेह एम्मे खमिरबाड होसियार लेःहमे लुःबहआ नेहनि ले, तर फरिसिनुड सदुकिजिमि सिक्छेबाड चाहि होसियार पेम्मे खा लुःबहआ ले।

येसु असाडे ?

(मर्कुस ८:२७-३०; लुका ६:१८-२१)

१३ येसु कैसरिया,फिलिप्पिमि मुलुकबेह रुक्नुड खोमि खोडसाजि सिप्सुजि, “याहमिजिडेह याहमिमि पसा असा लुःनुड लेम्मे ?” १४ माहाजिडेह लुःसुजि, “आढाजिडेह बप्तिस्मा पिघुबा युहन्ना, आढाजिडेह एलिया, आढाजिडेह चाहि यर्मिया अथवा अगमबक्ताजिबेहए इक्को लेये लुम्मे।”

<sup>१५</sup> येसुडेऱ माहाजि सिप्सुजि, “हेनिडेऱ चाहि का असा लुःन्डानिडे ?”  
<sup>१६</sup> सिमोन पत्रुसडेऱ लुःसु, “हेड हिडरिक् निवाहाडमि पसा मुक्ति पिघुबा ख्रिस्ट लेये।”  
<sup>१७</sup> येसुडेऱ मो लुःसु, “योनामि पसा सिमोन, हेनेऱ आसिस चुप्पिन्टुए! इन्डोडहोड यात्रमिबाड इगो खा हेनेऱ चुप्पऱआ नेऱनिबा, इगो खागो थाडसिरिबेऱ टुघुबा केए निवाहाड पाबाडेऱ हेड लेमेटे।  
<sup>१८</sup> केऱ हेड लुःन्ने, हेड पत्रुस लेये (पत्रुस लुःबऱआ रुडगोवा लेये)। केऱ काडमि सेवा खिम इगो रुडगुवासोक्पेऱ टोडइनुडे। मोबा केए सेवा खिम सिमे सक्तिडेऱ हेजोहेसुनिबा।  
<sup>१९</sup> केऱ हेड थाडसिरिमि राज्य हेन्ढाम साचो पिन्ने। हेनेऱ इगो माक्खाम्डेमबेऱ इमाड इमाड हिःकइन्डुए मो थाडसिरिऱटुसो हिःकइये, मोबा इमाड इमाड इगो माक्खाम्डेमबेऱ हेडइन्डुए मो थाडसिरिऱटुसो हेडइये।”  
<sup>२०</sup> मोबा येसुडेऱ चोडसाजि लुःसुजि, ‘का मुक्ति पिघुबा ख्रिस्ट लेडे लुःमे खा असासो एऱलुमे’ लुःनुड बेऱए आग्या पिःसुजि।

येसुडेऱ टाडबामि सिमे खा इःबऱआ

(मर्कुस ८:३१-३३; लुका ९:२२)

<sup>२१</sup> खो यरुसलेमबेऱ खेऱमा खेये मोबा डायोडजि, यहुदि धार्मिक नियम इःऱखुबाजिनुड एप्पा याडाडबाजिबाड बेऱलो खे आडमा खेये, लुःनुड इघा खा मो बेलाबाड टाडबामि चोडसाजि लुःबुगुजि। मोबा सिमा खेयेनुड सुमयाकपेऱ हिडबोक्मा खेये लुनुडसो लुसुजि।

<sup>२२</sup> पत्रुसडेऱ येसु एडेऱ मेऱयोड चिक्खेऱनुड वोःप्साड लुःसु, “निवाहाडडेऱ इडोऱ एलेटुरो, प्रभु, हेडसोक्पेऱ इडोऱमा इन्डोऱपेऱसो लिनिबा।”  
<sup>२३</sup> मोबा येसु पत्रुसलाम हिडघेऱनुड लुःसु, “हेड सैतान, काडमि केक्बाड खेप्पेसे, हेनेऱ का सेक्मा योऱइये! हेनेऱ इगो निडा निवाहाडबाडए नेऱनि तर यात्रमिबाडए लेये।”

## चोडसाडेः लेःऱमा खेये योम्बोक

(मर्कुस ८:३४-६:१; लुका ६:२३-२७)

<sup>२४</sup> मोबा एक्साड येसुडेः टाडबामि चोडसाजि लुःसुजि, “काडमि चोडसा लिमा मिडघुबेः, मोसेः टाडबा मिन्डेःऱमा खेयेनुड टाडबामि काप्सिड खिमानुड का टिडमा खेये। <sup>२५</sup> असेः खोमि जिबन जोगबा लेःऱमा योःइन्डुए, खोसेः मो मेचोबेन्डुए तर असेः खोमि जिबन काडमि लागि पिन्डुए, मोसेः मो चुप्मिन्डुए। <sup>२६</sup> याःमिडेः मक्खाम्डेमनोः टाडबामि टोक्सुसो खोमि जिबन मेचोबेसुहोड, खो इमाड फाइदा लिये ? खोसेः मेपेबःआ जिबन इमाडेःटे टेजेःमे। <sup>२७</sup> इन्ढोडहोड याःमिमि पसा टाडबामि पाबामि महिमानुड टाडबामि थाडसिरि दुतजिनुड लेडइये। मोडोक्पेः खोसेः चोप याःमिजि खोजिडेः लेःऱपःआ योम्बोक्डोःहा इनाम पिन्डुजे। <sup>२८</sup> चैबानोः केः हेनिड लुःनिम्ने, इगोबेः टुघुखुबाजिबेः इन्डोः याःमिजिडेः याःमिमि पसा खोमि राज्यबेः उडमेःनिडसिबःआ मेडखाःडोक्लो सिघेःमिने।”

## येसुमि डाजिकनुड चेः फेम्बःआ

(मर्कुस ६:२-१३; लुका ६:२८-३६)

१७

<sup>१</sup> इगोमि चुक्चि याक एक्साड येसुडेः पत्रुस, याकुबनुड खोमि निसा युहन्ना सोरि चिक्मानुड इक्को अगलो डुम्बुरासोक्पेः खडामि। <sup>२</sup> मिन्डु रुक्नुड एक्साड चोडसिजिडेः खाडमारोनोः येसु नरिड फेडखडानुड नजिक नामडोक उज्यालो लिसा। <sup>३</sup> खोमि चेः उज्यालो जोतिडोः उथ्रिमा लिसा। मोडोक्पेःनोः मोसानुड एलिया अगमबक्ता येसुनुड यामुमेःनिडसिबःआ खाडमुसामि। <sup>४</sup> पत्रुसडेः येसु लुःसु, “प्रभु, कानिड इगोबेः लेम्बःआ सारो नुबा लिसा, हेनेः निडा टुहोड इक्को हेनेःए लागि, इक्को मोसामि लागिनुड इक्को एलियामि लागि इगोबेः केः सुम्जि पुडसुःवा टोडइनुडे।”

<sup>५</sup> पत्रुस इडोः कामेःनिडसिमाबेः उथिरेःमा खिमिःवाडेः माहाजि टेगुजि, मोबाड इक्को इडोः काबःआ खेम्मुसा, “इगो काडमि नाम्नाम लेःऱपःआ

पसा लेये, इगोनुड का सारोनोः साप्थाडइटिडे, इगोमि खा नुरोः खेप्सानुमे।  
<sup>६</sup> चोडसाजिडेः इडोःमा सेम्ला खेम्नुड सारोनोः किस्सिमेः भुइबेः  
 पोप्युसामि। <sup>७</sup> तर येसुडेः खोजिबेः लेन्नुड माहाजि केक्सड लुःसुजि,  
 “पुकडानिडे, एक्किसिडानिडे।” <sup>८</sup> मोबा खोजिडेः मिक् हेन्नुड  
 खाडमाबेःको मोबेः येसुबाड हाइखा असासो माडामि।

<sup>९</sup> मो डुम्बुराबाड चोडसाजिनुड येसु मुःमु उडमेःनिडसिमाबेः खोसेः  
 चोडसाजि लुःसुजि, “खाक्सानुमे, याःमिमि पसा सिबःआबाड  
 मेहिडबोक्लोरो हेनिडेः आयु इगोबेः खाडबःआ खा असासो  
 एःलुःमाहाजि।”

<sup>१०</sup> मोबा चोडसाजिडेः येसु सिप्सुजि, “इन्ढोड धार्मिक नियम  
 इःःखुबाजिडेः एलिया याःलो लेम्मा खेये ?” <sup>११</sup> खोसेः चोडसाजि लुःसुजि,  
 “एलिया चैबानोः लेडइये मोबा खोसेः चोप खा पोरोःइन्डुए। <sup>१२</sup> खेप्सानुमे,  
 केः हेनिड लुःनिम्ने, “एलिया याःलोनोः लेम्बेटे, तर याःमिजिडेः मेलेसुजि  
 खोजिडेः खो इमाड लेःःमा मिःटुजि मोडोःनोः लेःटुजि, मोबा याःमिमि  
 पसाडेःसो माहाजिमि हुकबाड खे आडमा खेये। <sup>१३</sup> मोबा येसुडेः बप्तिस्मा  
 पिघुबा युहन्नामि टुम्बेः लुबःआ लुःनुड चोडसाजिडेः लेसुजि।

माडेःमा चाबेः राःप्पःआ इक्को पिःछा येसुडेः नुबोक्पःआ

(मर्कुस ६:१४-२६; लुका ६:३७-४३)

<sup>१४</sup> मोबा येसुनुड चोडसाजि बेःलो याःमिजि टुढामबेः टेजायेम्बाड, खोमि  
 पोम्बेः टुम्रुक ठोःक्नुड इक्को याःमिडेः लुःसु, <sup>१५</sup> “प्रभु, केः पसा नाम्नावा  
 लेःःपेःमना, आक्को नामटेम्बाडेः राःपडुए, मोबा बेःए कस्ट  
 आडमेःनिडसिन्डुए। खो फोरेन फोरेन टेन्डिःखेयेनुड इन्डोःपेः मिबेः,  
 इन्डोःपेः योडाबेः सिःइये। <sup>१६</sup> केः खो हेनेहा चोडसाजिबेः लाजेःटुड, तर  
 खोजिडेःको मो मेनुबोक्हेसुजि।” <sup>१७</sup> मोबा येसुडेः लुःसु, “होउ बिस्वास  
 मेःनिडहानुड दुस्ट पुस्ताबेःहा याःमिजि हेनिडनुड का इन्डोः याकटे सोरि  
 पेडइडे ? इन्डोः याकलो हेनिड केः आडमे ? खोइ आक्को पिःछा इगिःर्यु

चिआप्टानुमे।” १८ येसुडेऱ मो याऱमिबेऱ टुसे माडेऱमा चाप वोःपुड यिहाकसु, मोबा मोडोक्पेऱनोऱ मो पिच्छा नुबोक्पेसा।

१९ मोबा चोडसाजिडेऱ येसुबेऱ लेन्नुड खुस्त्रिड इडोऱ सिप्सुजि, “कानिडेऱ इन्डोड आक्को याऱमिबाड माडेऱमा मेयिक्हेसुडमे ?” २० येसुडेऱ माहाजि लुःसुजि, “हेनिडबेऱ बिस्वास माऱआये। चैबानोऱ केऱ हेनिड लुःनिम्ने, हेनिडनुड इक्को पारसाइमि चरिडोक्मारेऱ बिस्वास टुहोडसो, इगो सुडलखा इगोबाड सेम्बेसे लुःमाबेऱ सेडघेये, मोबा हेनिडेऱ लेऱऱहेसानुम्ने योम्बोक योम्बोक इमाडसो माऱआहा। २१ [तर इडोऱमा माडेऱमा चाप चाहि साक्मेन्जा पेन्नुड प्रार्थना लेऱऱनुडरेऱनोऱ यिक्हेये।”]

येसुडेऱ टाडबा सिमे खामि टुम्बेऱ इःबऱआ

(मर्कुस ६:३०-३२; लुका ६:४३-४५)

२२ येसुनुड खोमि चोडसाजि गालिल छेत्रबेऱ सुम्माबेऱ खोजि लुःसुजि, “हागो याऱमिमि पसा राःपुड याऱमिजिमि हुक्पेऱ जिम्मा टिन्डुजे। २३ मोबा खोजिडेऱ खो सेऱनेन्डुजे, तर सुम याकपेऱ हिडबोइये।” इडोऱमा खा खेम्नुड खोमि चोडसाजि बेऱलो दुःखि लिसामि।

येसुडेऱ मन्दिरमि तिरो फोडबऱआ

२४ येसुनुड खोमि चोडसाजि कफरनहुमबेऱ लेन्माबेऱ मन्दिरमि तिरो यिःक्खुबाजि लेन्नुड पत्रुस सिप्सु, “इमा हेनिडमि गुरुडेऱ मन्दिरमि तिरो फोक्सुनिहा ?” २५ पत्रुसडेऱ लुःसु, “फोडइन्डुहा।” पत्रुस खिमबेऱ पेखेऱनुड एक्साड येसुडेऱ याऱलो खो लुःसु, “होउ सिमोन, हेनेऱ इमा मिइन्डुए ? इगो मक्खाम्डेमबेऱहा हाडबाजिडेऱ तिरो असाबाड लान्डुजे ? टाडबामि पसाजिबाडडे हाइखा याऱमिजिबाड लान्डुजे ?”

२६ “पत्रुसडेऱ लुःसु, “हाइखा याऱमिजिबाड” मोबा येसुडेऱ खो लुःसु, “मोडोऱहोडगो खोमि पसाजिडेऱ चाहि फोडमा पाऱनिबा ले। २७ तर इघा याऱमिजि कानिडनुड सुरिक मेम्उक्मेऱमामि वाबोक्लाबेऱ खेऱनुड खेऱवा

एन्डे। चोप्पाड यात्रलो सित्रपत्रआ डामि याबुक हेन्नुड खाक्से। मोबेर चादिमि इक्को ढेक चुप्मिन्डुए, मो लाघेऱनुड काजिडमि तिरो माहाजि फोडआसे।”

बेरएम्मा असाडे ?

(मर्कुस ६:३३-३७; लुका ६:४६-४८)

१८ <sup>१</sup>मोडोकपेऱनो चोडसाजि येसुबेर लेन्नुड सिप्सुजि, “निवाहाडमि राज्यबेर चोप्पाड एप्पा असाडे ?” <sup>२</sup>येसुडेऱ इक्को पिच्छा केऱनुड खोमि चोडसाजिमि पोम्बेर येऱप्मेऱनुड लुःसु, <sup>३</sup>“चैबानोऱ हेनिड लुःनिम्ने, टाडबामि निवा फेन्नुड हेनिड इगो पिच्छाडोऱ एडेम्मा मेलिसानिडहोड इन्डोऱ लेऱनुडसो थाडसिरिमि राज्यबेर पेऱखेऱहेसानिडनि। <sup>४</sup>असेऱ इगो एडेऱमा पिच्छाडोऱ टाडबा एडेऱमा टोडइन्डुए, मोनोऱ थाडसिरिमि राज्यबेर चोप्पाड बेऱए लेये। <sup>५</sup>असेऱ काडमि लागि” इक्को एडेम्मा यात्रमि नुरोऱ लेन्डुए, मोसेऱ कानोऱ लेऱऱपत्रआ लिये।

पापबेर रेम्एडघु खा

(मर्कुस ६:४२-४८; लुका १७:१-२)

<sup>६</sup>“तर असेऱ कासोकपेऱ बिस्वास लेऱऱखुबा इघा पिच्छाजिबेर इक्को पिच्छा पाप लेऱऱमेन्डुहोड, मो यात्रमि निवाहाडमि दन्डाबेर सित्रमाबाड नुबा खोमि बेऱलाबेर लघे हिःक्नुड माहोडमाबेर राप्पेम्मा चुरोक नुबा लिये। <sup>७</sup>“इनामा इगो मक्खाम्डेमबेऱहा यात्रमिजि! इन्डोडहोड पापबेर रेम्एडघु थोकगो इगोबेर बेऱलो टुहा। इडोऱहा खागो यात्रमिमि जिबनबेर लेडइहानोऱ, तर इनामा मो यात्रमि, असेऱ हाइखा यात्रमिजि पाप लेऱऱमेन्डुजे!

<sup>८</sup>हेनेए हुगेऱ अथवा सराडेऱ हेड पाप लेऱऱमेयेहोड मो हुकनुड सराड चेन्नुड राप्पेसे। निच्चि हुक सराडनुड खेलोकबेर खेऱमा सित्रहोडगो बोरु

” १८:५ काडमि लागि इगोमि सब्दिक खा 'काडमि निडबेऱ' लेये

निच्चि हुक सराडनोऱ मेऱनिड थाडसिरि खेऱमानोऱ चुये। ६ हेनेए मिगेऱ हेड पाप लेऱऱमाराप्पियेहोड मो रिक्नुड राप्पेसे। निच्चि मिक्नुड खेलोकबेऱ खेऱमा सिऱहोडगो बोरु इक्को मिक् मेऱनिड थाडसिरिबेऱ खेऱमानोऱ चुये।

### मेखेऱपऱआ सामु

(लुका १५:३-७)

१० “एडिऱयौ, हेनिडेऱ इघा एऱेहाजिबेऱ, इक्कोसो हेला एलेऱानुमे। केऱ हेनिड लुऱनिम्ने, माहाजि खाडखुबा थाडसिरिदुतजि सानिड थाडसिरिबेऱ पेडखुबा निवाहाड पाबामिन्नोऱ पोम्बेऱ टुम्मे। ११ [इन्ढोडहोड याऱमिमि पसा मेऱखेऱपऱआजि हिडमेऱसिऱ लेडइटे।]०

१२ “हेनिड इमाड मिडइन्डानिडे ? इक्को याऱमिमि सये गोटा सामुजि टुसाम्मे, इक्को चाहि सामु मेखडाहोड खोसेऱ उनान्सय सामुजि चरनबेऱनोऱ याऱऱयानुड मो इक्को सामु योक्सिऱ खेऱनिन्डे ? १३ चैबानोऱ हेनिड लुऱनिम्ने, मोसेऱ मो सामु चुप्नुड एक्साड माहा उनान्सय सामुजिमि लागिबाडसो, बेऱलो मो इक्कोमि लागि साप्थाडइये। १४ इडोऱनोऱ थाडसिरिबेऱ पेडघुबा काडमि पाबेऱसो इघा एऱेहाजिबेऱ इक्कोसो नासि एलिमिरो मिऱइन्डुहा।

### अपराध लेऱऱखुबा निसा

(लुका १७:३)

१५ “इक्को बिस्वासि निसाडेऱ हेनेए बिरोधबेऱ पाप लेऱऱटुहोड हेन्जिडरेऱनोऱ पेन्नुड मो निसामि दोस इऱबेऱमे। खोसेऱ हेनेए खा खेप्सुहोड, हेनेऱ मो निसामि निवा टेआप्पिन्डुये। १६ तर मो निसाडेऱ हेनेऱ लुऱबऱआ खा मेडखेप्सुहोड, हाइखा इक्को निप्पाड याऱमिजि युडनुड मो निसा नुरोऱ लुऱमे। इन्ढोडहोड धार्मिक साप्चिराडेऱ लुऱये खिमाचुमामि खा टोडमाबेऱ निप्पाड अथबा सुम्बाड याऱमिमि साक्छिमि पोम्बेऱ लेऱऱपऱआ खा पक्का

० १८:११ इगो खा याऱलोए ग्रिक बाइबलबेऱ माऱआये

लिये। <sup>१७</sup>मो निसाडेऱ माहाजिमि खासो मेडखेप्सुहोड, मन्डलिबेऱहा याऱमिजिमि रुम्बेऱ लुःसे। मोसेऱ मन्डलिमिसो खा मेडखेप्सुहोड, खो नेऱनिबा यहुदिनुड तिरो लाघुबा पापि याऱमिडोऱ मिऱनुड योडमिऱटे।

<sup>१८</sup>“चैबानोऱ, केऱ हेनिड लुःनिम्ने, हेनिडेऱ इगो माक्खाम्डेम्बेऱ इमाड हिःक्इन्डानुमे, मो थाडसिरिबेऱसो हिःक्इये। मोबा हेनिडेऱ इगो माक्खाम्डेम्बेऱ इमाड हेडइन्डानुमे, मो थाडसिरिबेऱसो हेडइये। <sup>१९</sup>मोबा केऱ हेनिड लुःनिम्ने, माक्खाम्डेम्बेऱ निप्पाडेऱ इक्को निडा टोडनुड इमाड थोक डागानुमहोडसो, मो खा थाडसिरिबेऱ पेडघुबा केऱ पाबाडेऱ हेनिड पिःये, <sup>२०</sup>इन्डोडहोड हाम्बेऱ निप्पाड अथवा सुम्बाड केऱ निडबेऱ सुम्इम्मे, मोबेऱ का टुडे।”

### अम्लाड मेम्पिघुबा सेउते

(लुका १७:४)

<sup>२१</sup>मोबा पत्रुस येसुबेऱ लेन्नुड सिप्सु, “प्रभु, काडमि बिरोधबेऱ पाप लेःटुडघेऱखु निसा केऱ इन्डोकखेऱ आम्लाड पिमे ? इमाड एच्छि खेऱटोऱ ?”

<sup>२२</sup>येसुडेऱ खो लुःसु, “हेड केऱ लुःन्ने, एच्चि खेऱरेऱ नेऱनि, तर सत्तरि गुना एच्चि खेऱटोक। <sup>२३</sup>“मोडोगेऱ थाडसिरिमि राज्य लुबऱआ इक्को हाडबाडोऱ लेये। मो हाडबेऱ टाडबामि सेउतेजिनुड हिसाब लामा मिऱटु। <sup>२४</sup>मोबा खोसेऱ हिसाब लासिऱ पोरोकमाबेऱ, इक्पोड हजार सुनामि सिक्का सिडि लाघुबा इक्को याऱमि खोमि पोम्बेऱ चिक्चेडुजि। <sup>२५</sup>तर मो याऱमिनुड सिडि फोडमे केऱलो याड माऱआडे। मोडोगेऱ मालिकडेऱ आग्या पिसु, ‘हेनेऱ आम्टाडबा, खिमदाडमानुड पसाजि मोबा हेनेहा चोप थोक इन्जानुड सिडि फोक्से।’ <sup>२६</sup>“मोबा मो सेउतेडेऱ मालिकमि सराडबेऱ उःक्युसाड लुःसु, ‘मालिक, का इऱयाक, नियाक एक्साड इन्डोऱहोडसो हेनेहा चोप सिडि फोडइनुडे हुडबेऱमाना।’ <sup>२७</sup>मोबा मो मालिकडेऱ नाम्नावा लेःऱनुड मो सेउते लेऱहाक्सु मोबा सिडिसो फोडमा पाप्पि लुःनुड आम्लाड पिसु।



<sup>२८</sup> “तर मो सेउते मोबाड खेऱ्माबेऱ् खोनुड सोरि योम्बोक लेऱ्खुबा इक्को लाडगाम चुप्टु, मो लाडगामडेऱ् खोनुड इक्को सये चादिमि सिक्का सिडि लाबऱ्आ लेटे। मो लाडगाममि बेऱ्लाबेऱ् राऱ्पुड मोसेऱ् लुःसु, ‘हेनेऱ् काबाड लाबऱ्आ सिडि फोडबेसे।’ <sup>२९</sup> “तर मोमि लाडगामडेऱ् खो साराडबेऱ् ढोक लेऱ्ऱसाड बिनित्ति लेऱ्ऱनुड लुःसु, ‘इऱ्याक नियाक हुडबेऱ्मना, केऱ् फोडइनुडे।’ <sup>३०</sup> तर मो मेडखसिडा, मोबा खेऱ्नुड खोमि लाडगामडेऱ् सिडि मेम्फोडलो तिरोडगा खिमबेऱ् सेगु।

<sup>३१</sup> “खोसेऱ् लेऱ्ऱपऱ्आ खा खाडनुड मोमि लाडगामजिमि निडा सारो टुकमेऱ्टुजि। मोबा माहाजि चोप खा टाडबामि मालिक लुःबेऱ्टुजि। <sup>३२</sup> मोबा मालिकडेऱ् मो सेउते केऱ्नुड लुःसु, ‘होउ दुस्ट सेउते, हेनेऱ् कानुड बिनित्ति लेटु, केऱ् हेनेहा चोप सिडि आम्लाड पिःसुड। <sup>३३</sup> केऱ् हेड सोक्पेऱ् नाम्नावा लेऱ्ऱडोऱ्नोऱ् हेनेऱ्सो लाडगाम लेऱ्ऱमा खडे नेऱ्नेन्डे?’ <sup>३४</sup> मोबा मोमि मालिक सुरिकेऱ्नुड मो सेउते खोमि सिडि मेम्फोडलेऱ्लो तिरोडगा खिमबेऱ् सेक्मे आग्या पिसु।”

<sup>३५</sup> मोबा एक्साड येसुडेऱ् टाडबामि चोडसाजि लुःसुजि, “हेनिडमि बिस्वासि निसाजि निवाबाडनोऱ् आम्लाड पिसानुम्निहोड, थाडसिरिऱ्टु पेडखुबा केए पाबाडेऱ्सो हेनिड मोडोऱ्नोऱ् लेये।”

### छोडपत्रमि टुम्बेऱ्ए खा

(मर्कुस १०:१-१२)

**१६** <sup>१</sup> येसुडेऱ् इघा खा इःसेऱ्नुड खो गालिल ठाउ याऱ्ऱयानुड यर्दन यिवामि मेऱ्एरेड यहुदिया ठाउराजि खडा। <sup>२</sup> बेऱ्लो याऱ्मिजिडेऱ् येसु टिडबोगुजिनुड खोसेऱ् मोबेऱ् माहा याऱ्मिजि नुबोगुजि।

<sup>३</sup> आढा फरिसिजिडेऱ् येसु रेम्मेमामि खोबेऱ् लेन्नुड इडोऱ् सिप्सुजि, “टाडबामि खिमदाडमा इमाडहोडसो इक्को दोसबेऱ् लेऱ्पेमा नुये नुनिबा ?” <sup>४</sup> येसुडेऱ् माहाजि लुःसुजि, “इमाड हेनिडेऱ् धार्मिक साप्चिरा मेनेडानुमे ? सिरिस्टिदाडबाडेऱ् याऱ्लो टोडमाबेऱ्नोऱ् वडाडपसानुड मेऱ्नाऱ्मि टोडनुड

<sup>५</sup> लुःसु, ‘मोडोगेऱ वाडाडपसाडेऱ टाडबामि पाबा मामा याःऱ्यानुड खोमि खिमदाडमानुड पेडइयेनुड मोजि निप्पाड इक्को हिडा लिन्जे।’<sup>५</sup> <sup>६</sup> मोडोगेऱ खोजि हागो निप्पाड नेऱनि तर इक्को हिडा लेन्जे। मोडोगेऱ निवाहाडडेऱ इक्को टोडबऱआजि असेऱसो एऱफाक्मे।”

<sup>७</sup> माहा फरिसिजिडेऱ येसु लुःसुजि, “मोडोऱहोड इन्ढोड छोडपत्र पिनुड खिमदाडमा लेप्पेमे आग्या मोसाडेऱ पिसे ?” <sup>८</sup> येसुडेऱ माहाजि लुःसुजि, “मोसाडेऱ हेनिडमि अटेरि निडा लेनुडनोऱ खिमदाडमा छोडपत्र पिनुड लेऱमे लुःबऱआ लेऱे। तर याऱलोनोऱ इडोऱमा चलन माऱआडे। <sup>९</sup> केऱ हेनिड लुःनिम्ने, असेऱ बेभिचारमि दोसबाड हाइखा दोसबेऱ टाडबामि खिमदाडमा छोडपत्र पिःनुड हाइके फुडसया लेःटुहोड मोसेऱ बेभिचार लेन्डुए।

<sup>१०</sup> चोडसाजिडेऱ इघा खा खेम्नुड लुःसुजि, “खिमदाडबानुड खिमदाडमामि रुम्बेऱ इडोऱमा लियेहोडगो, फुडसया एलेऱमानोऱ चुये लेए।” <sup>११</sup> येसुडेऱ माहाजि लुःसुजि, “इगो खाडेऱ लुःबऱआडोऱ माहाजिडेऱरेऱ लेऱऱहेन्डुजे, असेऱ मोडोऱमा निवा चुप्मिटुए। <sup>१२</sup> इन्ढोडहोड आढाजि खोजिमि मामामि रुडमाबाडनोऱ मेऱसेऱवा लेम्मे, इन्डोक जना चाहि याऱमिजिडेऱ टोडबऱआ मेऱसेऱवा टुम्मे। इन्डोक जनाजि चाहि खोजिदाडबेऱनोऱ थाडसिरिमि राज्यमि लागि मेऱसेऱवा लिटामे। लेऱमा मिऱखुबाडेऱ, इगो खाडेऱ लुःडिडोऱ लेटुरो।

### ओडेकजि आसिस पिबऱआ

(मर्कुस १०:१३-१६; लुका १८:१५-१७)

<sup>१३</sup> येसुडेऱ खोमि हुक ओडेकजि सोक्पेऱ युडनुड प्रार्थना लेऱऱपिऱरो मिऱनुड याऱमिजिडेऱ खोजिमि ओडेकजि खोबेऱ चिक्चेडुजि। इडोऱमा खाडनुड येसुमि चोडसाजिडेऱ माहाजि वोःबुजि। <sup>१४</sup> तर येसुडेऱ लुःसुजि,

“ओडेकजि काबे आप्मेऱटाजे, खोजि एऱसेगानुमे, इन्ढोडहोड निवाहाडमि राज्यगो इडोऱहाजिमि लागिनोऱ लेये।”

<sup>१५</sup> मोबा माहा ओडेकजिसोक्पेऱ हुक युडनुड एक्साड येसु मोबाड खडा।

### इक्को टाडायोडबा याऱमि

(मर्कुस १०:१७-३१; लुका १८:१८-३०)

<sup>१६</sup> इक्को वेन्जा याऱमि येसुबेऱ लेन्नुड लुःसु, “हे गुरु, एऱसिघेऱमे जिवन चुप्पामि लागि केऱ इमाड नुबा योम्बोक लेऱमा खेये ?”

<sup>१७</sup> खोसेऱ मो याऱमि लुःसु, “नुबा खामि टुम्बेऱ का इन्ढोड सिम्डडे ? नुबागो निवाहाडरेऱ इक्को टुये। तर हेनेऱ एऱस्सिघेऱमे जिवन चुप्पा मिडइयेहोड, चोप आग्या पालन लेटे।”

<sup>१८</sup> मो याऱमिडेऱ लुःसु, “हाम्बहा आग्या चाहि ?” येसुडेऱ लुःसु, “हेनेऱ याऱमि एसेऱमे, बेभिचार एलेऱमे, एक्खुमे, मेऱनोऱमा साक्छि एऱपिमे। <sup>१९</sup> टाडबामि पाबा मामामि आदर लेऱमे, टाडबामि बेम्फाखिमबेऱहाजि टाडबाडोऱनोऱ नाम्नाम लेऱमे।”

<sup>२०</sup> मो वेन्जा याऱमिडेऱ येसु लुःसु, “इघा चोप खागो केऱ लेऱएटुडे। हागो केऱ लेऱमे हाम्बे खा एडइटे ?”

<sup>२१</sup> येसुडेऱ मो लुःसु, “हेड चैबानोऱ धर्मि याऱमि लिमा मिडइयेहोड, खेऱनुड हेनेहा याडसरावा इन्जानुड इमाडसो मेडकाप्खुजि हाबेऱटाजेनुड हेनेऱ थाडसिरिबेऱ याडसरावा चुप्डन्डुए मोबा हेड कानुड राप्से।”

<sup>२२</sup> मो वेन्जा याऱमिडेऱ इडोऱमा खा खेम्नुड एक्साड, खो निडा दुखि लिनुड खेप्पेसा, इन्ढोडहोड खोमि बेऱलो याडसरावा काप्टुहा।

<sup>२३</sup> मोबा येसुडेऱ खोमि चोडसाजि लुःसुजि, “चैबानोऱ, हेनिड लुःनिम्ने, थाडसिरि राज्यबेऱ टाडायोडबा याऱमिजि खेऱमा सारो छाऱइये। <sup>२४</sup> फेरि केऱ हेनिड लुःनिम्ने, टाडायोडबा याऱमिजि निवाहाडमि राज्यबेऱ पेऱम्माबाड गो, उट समिकमि होवयाबाड पेऱम्मा नेऱक्का लेये।” <sup>२५</sup> इगो खा खेम्नुड चोडसाजि बेऱलो खरि मिन्साड येसु सिप्सुजि, “मोडोऱहोडगो असेऱ चाहि

मुक्ति चुप्मिन्डुए ?” <sup>२६</sup> येसुडेह माहाजि खाडसाड लुःसुजि, “यात्रमिबाड इगो खा लिहेनिबा, तर निवाहाडबाड चाहि चोप खा लिहेये।”

<sup>२७</sup> मोबा पत्रुसडेह येसु लुःसु, “खाक्से, कानिडेहको चोप थोक याःयानुड हेन्नुड राम्इटिडमे। कानिडेह चाहि इमाड चुप्इन्डुडमे ?” <sup>२८</sup> येसुडेह माहाजि लुःसुजि, “चैबानोह, हेनिड लुःनिम्ने, असा कानुड राम्इटानिडे, यात्रमिमि पसा चोड राज्यबेह महिमामि सिडहासानबेह पेडइये, मोडोकपेह हेनिडसो बारो सिडहासनबेह पेडइन्डानिडे मोबा इस्राएलमि बारो कुलमि न्याय लेन्डानुमे। <sup>२९</sup> असा असेह केए लागि खोमि खिम, वावा निसाजि, नानाजि, पाबा मामाजि, पसाजि, जग्गा सोवरा याःयोटुजे, मोसेह मोमि सये गुना चुप्इन्डुएनुड एहसिमे जिबनमि हक चुप्इन्डुए। <sup>३०</sup> तर यात्रलो बेहए रेडघु बेहलो यात्रमिजि, मोडोकपेह एक्साड सिहइम्मे, यात्रलो एडेम्मा रेडघु यात्रमिजि मोडोकपेह पोम्बेह सिहइम्मे।

### खेत्लाजिमि खानहवा

२० <sup>१</sup> येसुडेह इक्को खनाहवा लुःघेटु, “थाडसिरिमि राज्य इक्को सोवरादाडबाडोह लेये। खो माक्मिहसेल्लाम खोमि अडगुर सोवराबेह योम्बोक लेःहमेहमामि खेत्ला योक्सिह खडा। <sup>२</sup> मोबा ‘इहयाकमि निम्याक सिसेडमि इक्को मुन्डा पिःन्ने’ लुःनुड खेत्लाजि सोवराबेह योम्बोक लेःहसिह पाक्सुजि। <sup>३</sup> “खो नोक्चिबोड राजि हाटाबेह खडा, खोसेह हाइखा यात्रमिजि योम्बोक मेहनिड येःप्टिडबहआ चुप्टुजि। <sup>४</sup> मोबा खोसेह माहाजि लुःसुजि, ‘हेनिडसो केए सोवराबेह योम्बोक लेःहसिह खडानिडे, हेनिडेह चुप्मा खेये निम्याक पिनिम्ने। मोबा खोजि योम्बोक लेःहसिह खडामि।’ <sup>५</sup> “फेरि मो यात्रमि बारोबोडराजिनुड सुमबोडराजिसो खडा मोडोकपेहसो चुप्पहआ खेत्लाजि योम्बोकपेह टिसुजि। <sup>६</sup> मोबा फेरिसो खो मोडोहनोह डाउम बोडराजिसो हाताबेह खेहनुड हाइखा यात्रमिजि योम्बोक मेहनिड येःप्टिडबहआ चुप्नुड खोजि लुःसुजि, ‘हेनिड इन्ढोड योम्बोक मेहनिड इगोबेह लेल्ले येःप्टिन्डानिडे ?’ <sup>७</sup> “माहा यात्रमिजिडेह खो लुःसुजि,

‘कानिड असेऱसो खेत्ला मेन्टिसामि।’ मोबा खोसेऱ लुःसुजि, ‘मोडोऱहोड हेनिडसो काडमि अडगुर सोवराबेऱ योम्बोक लेःऱसि खडानिडे।’

<sup>८</sup> “युडा लिसा, मोबा अडगुर सोवरादाडबाडेऱ खोमि बैदर केऱनुड लुःसु, ‘याऱलो चोप्पा एक्साड लेडखुबाजि निम्याक पिसाजे मोबा एक्साड याऱलो लेडखुबाजि निमयाक पिसाजे।’ <sup>९</sup> “डाउम बोडबेऱ योम्बोक लेःऱसि लेडखुबा खेत्लाजि लेस्सामि, खोजिडेऱ इऱयाकमि नाम्याक चुप्टुजि। <sup>१०</sup> याऱलो लेडखुबा खेत्लाजि लेस्सामि, खोजिडेऱ बेऱलोनोऱ निम्याक चुप्डन्डुडमा लुःनुड मिप्पऱआ लेटे, तर खोजिडेऱसो इऱयाकमिरेऱनोऱ निम्याक चुप्टुजि। <sup>११</sup> माहा याऱलो लेडखुबा खेत्लाजि निम्याक टाःप्नुड, अडगुर सोवरादाडबामि बिरोधबेऱ कुनुऱकुन काबोगामि। <sup>१२</sup> माहा खेत्लाजि सोवरादाडबाबेऱ लेन्नुड काबोगामि, ‘इघा एक्साड लेडघुबा खेत्लाजिडेऱको इक्को घन्टारेऱ योम्बोक लेःटुजि। तर हेनेऱको कानिड माक्मिएबाड युडाठोक, मोबा नाम राःक्माबेऱसो योम्बोक लेःऱखुबाजि पिबऱआडोकनोऱ निम्याक पिसुजि। <sup>१३</sup> “तर मो सोवरादाडबाडेऱ माहाजिबेऱ इक्को लुःसु, “लाडगाम, केऱ हेड इमाडसो अन्याय मेलेऱटिऱ। इमा हेड इऱयाकमि निम्याक सिसेडमि इक्को मुन्डाबेऱ लेःऱमा राजि लिबऱआ नेऱनेन्डे ? <sup>१४</sup> हेनेऱ चुप्मे निम्याक लाजाघडे, केऱ इघा एक्साड लेडघुबाजिसो हेनेऱडोकनोऱ निम्याक पिमा मिऱडनुडहाजि। <sup>१५</sup> कानुड टुहा माहा काडमि खुसि लेःऱटोकटुडनिहा ? केऱ इघाजि भलो लेःऱमाबेऱ हेड इन्ढोड सुरकेये ?”

<sup>१६</sup> “इडोऱनोऱ एक्साडहाजि पोम्बेऱ सिऱइम्मे, पोम्बेऱहाजि एक्साड सिऱइम्मे।”

येसुडेऱ सुमखेऱ टाडबा सिमे खा इःबऱआ

(मर्कुस १०:३२-३४; लुका १८:३१-३४)

<sup>१७</sup> यरुसलेम खेऱमेऱनिडसिमाबेऱ येसुडेऱ बारो चोडसाजिरेऱनोऱ इक्केडबेऱ चिक्खेऱनुड लुःसुजि, <sup>१८</sup> “कानिड यरुसलेमलाम खेऱमेऱनिडसिन्डिडमे, हागो

यात्रमिमि पसा एप्पा याडाडबाजिनुड धार्मिक नियम इःरखुबाजिडेः  
राःण्डन्डुजे, खोजिडेः खो सेःनेमारो ठहरबा लेन्डुजे। <sup>१६</sup> खो सिःक्चामामि,  
कोरडेः साःप्पामिनुड काप्सिडबेः किडनेमा हाइखा जातिजिमि हुकपेः  
जिम्मा टिन्डुजे मोबा सुमयाकपेः येःःमाबाड खो हिडबोइये।”

### इक्को मामामि बिनिति

(मर्कुस १०:३५-४५; लुका २२:२४-२७)

<sup>२०</sup> मोबा जब्दियामि खिमदाडमाडेः खोमि निप्पाड पसाजि सोरि चिक्नुड  
येसुबेः खडा मोबा खोमि पोम्बेः टुम्रुगेः ठोःक्नुड बिनिति लेटु। <sup>२१</sup> येसुडेः  
खो सिप्सु, “हेड इमाड लेःःपिःमे ?” मोसेः लुःसु, “बिनिति लेन्ने, “हेनेए  
राज्यबेः, केहा इघा निप्पाड पसाजि इक्को हेनेए चुप्थिडलाम हाइको हेनेए  
एडसिडलाम पेम्मेःमा।” <sup>२२</sup> तर येसुडेः लुःसु, “हेजिडे इमाड डाक्मेः  
निडसिडसिन्जुए मो लेसाजुनि। केः उडसिः पोरोकपःआ खेमि खोरियाबाड,  
इमा हेन्जिडेः उडहेन्जुए ?” मोजिडेः लुःसाजु, “उडहेन्जुडे।” <sup>२३</sup> येसुडेः  
लुःसु, “केः उडबःआ खोरियाबाड उडहेन्जुए तर केए चुप्थिडलामनुड  
एडसिडलाम पेम्मेःमे अधिकार केए हुकपेः माःआये। इघा ठाउगो काडमि  
पाबाडेः असा असामि लागि पोरुइटुये माहाजिमि लिहा।”

<sup>२४</sup> इगो खा खेम्नुड हाइखा इक्पोड चोडसाजि चाहि मोजिनुड बेःलो  
सुर्कडामि। <sup>२५</sup> तर येसुडेः खोजि केःःनुड लुःसुजि, “हेनिडेः लेस्सानुम,  
हाइखा जातिजिमि सासकजिडेः माहाजि सोक्पेः नाम्नाम मेःनिड सासन  
लेन्डुजेनुड बेःहा डायोडजिडेः माहाजि अधिन लेन्डुजे। <sup>२६</sup> हेनिडमि रुम्बेः  
इडोः लिनिबा, तर हेनिडबेः असा एप्पा लिमा मिडइये, मो हेनिडमि सेउते  
लिमा खेये। <sup>२७</sup> हेनिडबाड असा याःलो लिमा मिडइये, मो हेनिडमि सेउते  
लिमा खेये। <sup>२८</sup> इःडोःनोः यात्रमिमि पसासो हाइखाजिबाड सेवा टाःप्सिः  
नेःनि, तर हाइखाजि सेवा लेःःसिःनुड बेःलो यात्रमिजि छुटकारा लेःःमामि  
टाडबामि सोःक्मा पिसिः लेस्सा।”

येसुडेङ्ग मिक मेएङ्गखुबा निप्पाड नुबोक्पङ्गा

(मर्कुस १०:४६-५२; लुका १८:३५-४३)

२६ येसुनुड खोमि चोडसाजि यरिहोबाड खेङ्गमेङ्ग निडसिमाबेङ्ग, बेङ्गलो याङ्गमिजिडेङ्ग एङ्गगुवा एङ्गगुवा टिक्सुजि। ३० राममि केक्पेङ्ग पेडघुबा निप्पाड मिक मेएङ्गखुबा याङ्गमिजिडेङ्ग येसु मो राम लिसाड खेङ्गमेङ्गनिडसिये लु:मे खा खेम्नुड बेङ्गलो वोसाड लु:साजु, “हे प्रभु, दाउदमि पसा, काजिडबेङ्ग नाम्नावा ले:ङ्गमा ना।” ३१ माहा बेङ्गलो याङ्गमिजिडेङ्ग मोजि एक्कासाजे लु:नुड योबुजि, तर खोजि भना इडोङ्ग कासाड वोसाजि, “हे प्रभु, दाउदमि पसा, काजिडबेङ्ग नाम्नावा ले:ङ्गमा ना।” ३२ येसु ये:प्नुड मोजि केङ्गडुजि मोबा लु:सुजि, “हेङ्गिडमि लागि केङ्ग इमाड ले:ङ्गपिङ्गमे ?” ३३ मोजिडेङ्ग येसु लु:साजु, “हे प्रभु, काजिडिम मिक एङ्गपुरो।” ३४ येसुमि निडाबाड मोजि नाम्नाम मिङ्गनुड खोजिमि मिक केक्पेङ्गटुजि, केक्मासोरोकनोङ्ग मोजिमि मिङ्गेङ्ग खाडहेसाजु मोबा मोजि येसुनुड राम्बोगाजि।

यरुसलेमबेङ्ग येसु आदर ले:ङ्गपङ्गा

(मर्कुस ११:१-११; लुका १९:२८-४०; युहन्ना १२:१२-१९)

२१

१ येसुनुड खोमि चोडसाजि यरुसलेम खेङ्गमेङ्गनिडसिडामे यरुसलेममि केक्पेङ्गए जैतुन डुम्खुरामि बेथफागेबेङ्ग लेस्सामि। मोबा येसुडेङ्ग खोमि निप्पाड चोडसाजि इडोङ्ग लु:नुड पाक्सुजि, २ “हेङ्गिड उ आक्को खिङ्गडेम्बेङ्ग खडाजे, मोबेङ्ग रुक्मासोरोङ्ग हेङ्गिडेङ्ग गधामि इक्को पसा माडाडनुड हि:क्पङ्गा चुङ्गिङ्गडाजुए, मो हेङ्गआप्टाजे। ३ मो हेङ्गआप्पाबेङ्ग याङ्गमिडेङ्ग हेङ्गिड इमाडसो लु:मिहोड, ‘प्रभुमि लागि इगो गधाजि पाङ्गडे’ लु:मे मोबा मोसेङ्ग हेङ्गिड लेप्पेये।”

४ आगमबक्ताडेङ्ग याङ्गलोएम्बाड इ:बङ्गा इघा बचन पुरा लिमामि लागिनोङ्ग इडोङ्ग लिबङ्गा लेये, मो बचन अगमबक्ताडेङ्ग इडोङ्ग लुटुए-

५ “सियोनबेङ्ग पेडघुबाजि लु:साजे, ‘खाक्से, हेनेए हाडबा हेनेएम्बेङ्ग आप्पेङ्गनिडसिये, एङ्गम्मा लिनुड गधा पसाबेङ्ग साडनुड

आप्मेऱनिडसिये, खो गधामि पसासोकपेऱनोऱ साडनुड सवारि लिमेऱनिडसिये<sup>११</sup>।”

<sup>६</sup> मोबा मो निप्पाड चोडसाजि खेऱनुड येसुडेऱ लुःबऱआडोऱनोऱ लेटुजि।  
<sup>७</sup> चोडसाजिडेऱ मो गधा माडाडनुड पसा सोरि लाजेऱटुजिनुड मोजिसोकपेऱ खोजिमि ओप्ताड रिऱम्बेऱटुजि मोबा मो सोकपेऱ येसु पेना। <sup>८</sup> मोबेऱ सुम्बऱआ याऱमिजिडेऱ येसु आदर पिमामि टाडबामि ओप्ताड राम्बेऱ रिऱम्बेऱटुजि। मोबा आढाजिडेऱ चाहि सिडबुमि सेउला चेन्नुड राम्बेऱ रिऱन्डुजि। <sup>९</sup> येसुमि पोम्बेऱनुड एडगुवाबेऱ राम्बुबा याऱमिजि इडोऱ वोसाड ओहाड लेऱऱपोगामि,

“दाउदमि पसामि ओहाड लिरो,

परमप्रभुमि निडबेऱ लेडघुबा आसिस चुप्खुबा लेय,

चोप्पाड मिन्डु थाडसिरिबेऱ पेडघुबा परमप्रभुमि ओहाड लिरो!”

<sup>१०</sup> येसु यरुसलेम सहरबेऱ पेऱनामि, चोप सहरबेऱ इगो खा मुगा। याऱमिजि सिम्बोगुमि, “इगो असाडे ?” <sup>११</sup> माहा बेऱलोहा याऱमिजिडेऱ लुःसुजि, “इगो गालिलबेऱए नासरतबाड लेम्बऱआ आगमबक्ता, येसु लेये।”

येसु यरुसलेम मन्दिरबेऱ खडा

(मर्कुस ११:१५-१६; लुका १६:४५-४८; युहन्ना २:१३-२२)

<sup>१२</sup> येसु निवाहाडमि मन्दिरबेऱ पेखडा। मोबा मन्दिरमि सोऱलुडबेऱ पेन्नुड इन्जाघुबाजि चोप यिक्सेडुजि, याड लेडघुबाजिमि टेबुलनुड सिरिऱवा इन्जाघुबाजि पेन्ढाम काडएम्बेऱटुजि। <sup>१३</sup> येसुडेऱ माहाजि लुःसुजि, “इडोऱ धार्मिक साप्चिराबेऱ इडोऱ सप्पऱआ लेये, ‘काडमि खिम प्रार्थना लेऱऱठाम खिम लिमा खेये, तर हेनिडेऱको इगो डाकुजि पेन्ढाम रुम्एक टोडइतानुम।”

<sup>१</sup> २१:५ जकरिया ६:६

<sup>८</sup> २१:६ भजनसङ्ग्रह ११८: २६



<sup>१४</sup> मिक मेएखुबानुड सोऱलोडगेजि मन्दिरबेऱ येसु टुढाम्बेऱ लेस्सामि। खोसेऱ माहाजि नुबोगुजि। <sup>१५</sup> तर एप्पा याडाडबाजिनुड यहुदि धार्मिक नियम इऱखुबाजिडेऱ चाहि येसुडेऱ लेऱऱपऱआ खरिहा योम्बोक खाक्सुजि, पिच्छाजिडेऱ मन्दिरबेऱ “दाउदिमि पसा ओहाड” कासाड वोबऱआ खेप्सुजि, मोबा खोजि सुरिडेऱ सिसामि। <sup>१६</sup> मोबा माहाजिडेऱ येसु लुःसुजि, “खेप्सुवे, इघाजिडेऱ इमाड लुःमेऱनिडसिम्मे ?” मोबा येसुडेऱ माहाजि लुःसु, “इहिऱ खेम्डटुडे। इमाड हेनिडेऱ मेऱनेडानुमे, ‘ओडेकजिनुड, पिच्छाजिमि याबुकबाड हेनेऱ ओहाड लेऱऱमेटुजे ?’” <sup>१७</sup> मोबा माहाजि याऱऱयानुड येसु मो सहरबाड बेथानिया खिमडेमबेऱ खेऱनुड सेन्डा मोबेऱनोऱ पेना।

### चा मेऱनिडमा वेऱलाभुमि डाड

(मर्कुस ११:१२-१४, २०-२४)

<sup>१८</sup> येसु वागियाराम माक्किऱ बेथानियाबाड सहर टेमाबेऱ सगेऱ सिसु। <sup>१९</sup> राम केक्पेऱ इक्को वेऱलाभुमि डाड खाडडोक्नुड चा किडइटाहाडे लुःनुड वाबु, तर मोबेऱ आऱवाबाड हाइखा इमाडसो माऱआडा। मोबा येसुडेऱ मो डाड चापहिससाड इडोऱ लुःसु, “आयुएबाड हेडबेऱ इन्डोऱपेऱसो चा मेडकिडरो” मोडोऱ लुःमासोरोऱ मो वेऱलाभुमि डाड हेघडा।

<sup>२०</sup> इगो खा खाडनुड येसुमि चोडसाजि खरि मिन्साड कासामि, “इगो वेऱलाभुमि डाड इडोऱटे इडोऱ चान्डोनोऱ ओइलबा लिबेसे ?” <sup>२१</sup> येसुडेऱ माहाजि लुःसुजि, “चैबानोऱ हेनिड लुःनिम्ने, हेनिडेऱ एडेऱवासो सडक मेऱलेऱलेऱ बिस्वास लेऱऱटानुमहोड, केऱ इगो वेऱलाभुमि डाड लेऱऱटिडोऱरेऱ नेऱनि, इगो डुम्खुरानोऱ सो ‘रोडघेऱनुड वाबोक्लाबेऱ हेऱयुसे’ लुःसानुमहोडसो मोडोऱनो लिये। <sup>२२</sup> बिस्वास लेऱऱनुड प्रार्थनाबेऱ इमाड डाइन्डानुमे, मो हेनिडेऱ चुण्डन्डानुमे।”

### येसुमि अधिकारबे सडक

(मर्कुस ११:२७-३३; लुका २०:१-८)

२३ येसु मन्दिरबे पखेनुड यात्रमिजि सिक्छे पिःसुजि, एप्पा याडाडबाजिनुड यहुदि डायोडजि मोबे लेन्नुड येसु सिप्सुजि, “हाम्बे अधिकारडे हेने इघा योम्बोक लेःन्दुहानुड असे इगो अधिकार हेड पिसे ?” २४ येसुडे माहाजि लुःसुजि, “केसो हेनिड इक्को खा सिम्डनिम्ने, मो खा लुःसानुम्होड, के हाम्बाड अधिकार चुप्नुड इघा योम्बोक लेःऱमेऱनिडिसिनुडे मो हेनिड लुःनिम्ने। २५ लो का लुःमाजे, युहन्नाडे बप्तिस्मा पिःमे अधिकार हाम्बाड चुप्नुए ? निवाहाडबाडडे यात्रमिजिबाड ?” इगो खा खेम्नुड खोजिदाडबा इडो काबोगामि, हागो कानिडे ‘निवाहाडबाड’ लुःमाहोड, हेनिडे इन्ढोड बिस्वास मेलेःटानुम” लुःनुड खोसे सिम्डये। २६ ‘यात्रमिजिबाड’ लुःमाहोड, कानिड यात्रमिजिडे सेएम्मे, इन्ढोडहोड चोप यात्रमिजिडे युहन्ना अगमबक्ता मिडन्डुजे।”

२७ मोडोगे माहाजिडे येसु लुःसुजि, “खोइ, कानिडे लेसुडमानि।” मोबा येसुडेसो माहाजि लुःसुजि, “मोडोहोड केसो हाम्बाड इगो अधिकार चुप्नुड इघा योम्बोक लेःऱमेऱनिडिसिनुडे, हेनिड लुःनिम्नानि।”

### निप्पाड पसामि पारलेन

२८ “हेनिड इमाड मिडइन्डानिडे ? इक्को यात्रमिमि निप्पाड पसाजि टुसाजे। मोसे खेनुड टुम्मि पसा लुःसु, ‘नानि, खेनुड आयु रोपाबे योम्बोक लेःऱपेमा।’ २९ मो पसे लुःसु, ‘का खेडानि, तर इच्छोए एक्साड हेक्हेक मिन्नुड योम्बोकपे खडा। ३० “मोबा हाइको पसाबे खेनुड मोडोऱनो लुःसु, मो पसे लुःसु, ‘नुड का खेएडे, तर खो मेडखडा। ३१ “हागो इगो निप्पाड पसाजिबे हाम्बेसे चाहि खोम्बामि खा खेप्सुए ?” माहाजिडे लुःसुजि, “यात्रलोए चाहिडे।” येसुडे माहाजि लुःसुजि, “चैबानो, के हेनिड लुःनिम्ने, तिरो लाघुबाजिनुड बेस्याजि हेनिडबाडसो यात्रलो निवाहाडमि राज्यबे रुइन्डुजे। ३२ इन्ढोडहोड युहन्ना हेनिडबे

धार्मिक राम लेमाराप्सिह लेम्बहआ लेटे, तर हेनिडेह खोमि खाबेह बिस्वास मेलेटानुम। तर तिरो लाघुबाजिनुड बेस्याजिडेह खोबेह बिस्वास लेटुजि। हेनिडेह इडोहहा खा खाडनुडसो निवाहाडबेह मेन्टेसानिनुड मोबा खोमि खाबेह बिस्वास मेलेटानुम।

### अडगुर सोवरानुड मोहिजि

(मर्कुस १२:१-१२; लुका २०:६-१६)

<sup>३३</sup> “हाइको इक्को खनाहवा खेप्सानुमे, याहलो इक्को जिमिन्दार टुया। मोसेह इक्को अडगुर सोवरा टिसु, मो सोवरामि खिरिखिरि बार इसु, अडगुर यिम्हाम कोल टोक्सु, इक्को याक्ससो टोक्सु, मोबा मोहिजि ठेक्काबेह पिआनुड खो परदेस खडा। <sup>३४</sup> अडगुर इक्का बेला लिनुड एक्साड खोमि सेउतेजि माहा मोहिजिबेह टाडबामि भागा लासिह पाक्सुजि। <sup>३५</sup> “तर माहा मोहिजिडेह खोमि सेउतेजि राःप्नुड आढा मोगुजि, आढाजि चाहि सेहनेसुजि, आढाजि रुडगुवाडेह फेक्सुजि। <sup>३६</sup> फेरि मो सोवरा मालिकडेह याहलोहाबाडसो बेहलो सेउतेजि पाक्सुजि, माहा मोहिजिडेह माहाजिनुडसो याहलोहाजि लेःटिडोहनोह लेःटुजि।

<sup>३७</sup> “चोप्पा एक्साड जिमिनदाडबेह, केए पसागो खोजिडेह आदर लेःन्दुजि होला’ मिहनुड, खोमिनोह पसा माहा मोहिजिबेह खोमि भागा लासिह पाक्सु। <sup>३८</sup> तर माहा मोहिजिडेह मो सोवरादाडबामि पसा खाडडोक्नुड कासामि, ‘इगोगो हकदार लेये। आबानिडे, आक्को सेहनेमा मोबा आक्कोमि हक कानिडमि टोडमा।’ <sup>३९</sup> मोबा माहा मोहिजिडेह खो राःप्नुड सोवराबाड पाखेहयु लाघेहनुड मो सेहनेसुजि।

<sup>४०</sup> येसुडेह सिप्सुजि, “लो लुःसानुमे, मो सोवरादाडबा लेन्नुड, माहा मोहिजि इमाड लेन्दुजे ?” <sup>४१</sup> माहाजिडेह येसु लुःसुजि, “खोसेह माहा दुस्ट मोहिजि सेहनेन्दुजे मोबा असेह खोमि भागा नुरोह हाःबेहखुबा हाइखा मोहिजिनोह अडगुरमि सोवरा पिन्दुजे।” <sup>४२</sup> येसुडेह माहाजि लुःसुजि, “इमा हेनिडेह इन्डोहपेहसो धार्मिक साप्चिराबेह साप्पहआ इगो खा मेनेडानुमे ?

खिम आडखुबाजिडेऱ फेन्निबा लुःनुड राप्पेबऱआ रुडगुवानोऱ, सुर युडमे रुडगुवा लिसा। इगो प्रभु निवाहाडबाड लिबऱआ लेये मोबा कानिडमि लागि इगो खरिमा योम्बोक लिटे।

<sup>४३</sup> “मोडोगेऱ हेनिड लुःनिम्ने, निवाहाडमि राज्य हेनिडबाड नाप्खेनुड इक्को इडोकमा जातिजि पिन्डुए, मोसेऱ मोमि चा किडमेन्डुये। <sup>४४</sup> मो रुडगवासोकपेऱ हेक्खुबा टुक्रा टुक्रा लिम्मे, मोबा असा सोक्पेऱ मो रुडगुवा हेएये, मोसेऱ मो पिजिकटोऱ लिये।”

<sup>४५</sup> येसुडेऱ लुःबऱआ खनाऱवा एप्पा याडाडबाजिनुड फरिसिजि खेम्नुड इगो खा चाहि कानिडमि टुम्बेऱनोऱ लुःबऱआ लुःनुड लेसुजि। <sup>४६</sup> माहाजिडेऱ येसु राःप्पा योगुजि, तर हाइखा याऱमिजिनुड किस्सिडामि, इन्ढोडहोड माहाजिडेऱ येसु अगमबक्ता मिडुजे।

### फुडसयामि भत्तेर

(लुका १४:१५-२४)

२२

<sup>१</sup> मोबा येसुडेऱ माहाजि हाइको इडोऱमा खनाऱवा इःबेऱटुजि, <sup>२</sup> “निवाहाडमि राज्यगो इक्को हाडबाडोऱ मिऱहेये, खोसेऱ खोमि पसामि फरुडसयामि भत्तेर लेऱमामि पोरोइन्डुए। <sup>३</sup> मो हाडबाडेऱ भत्तेरमि लागि ला लेऱपऱआजि केऱसिऱ खोमि सेउतेजि पाक्सु। तर याऱमिजि आप्पा मेडखासिडामि। <sup>४</sup> “फेरि खोसेऱ हाइखा सेउतेजि माहा ला लेप्पऱआ याऱमिजि इडोऱ लुःसानुमे लुःनुड पाक्सुजि, “खेप्सानुमे, ‘केऱ भत्तेरबेऱ पोरोइटुडे, चायुडइहा पसुजि सेएटुडहाजि, चोप थोक उघेटहा भत्तेर चासिऱ आबानिडे’।” <sup>५</sup> “तर माहाजिडेऱ मो खा मेडम्डिडोऱ लेऱनुड आढाजि खोमि रोपाबेऱ खडा, आढाजि खोमि बेपारबेऱ खडा। <sup>६</sup> आढाजिडेऱको खोमि सेउतेजि राःप्नुड माहाजि मोगुजि मोबा एक्साड खोजि सेऱनेसुजि। <sup>७</sup> मो हाडबा सारोनोऱ सुरकडा मोबा खोमि येरिडजि पाडनुड माहा याऱमि सेऱनेखुजि सेऱनेमेऱनुड खोजिमि सहरसो हिप्पेबेऱटुजि।

८ “मोबा खोमि सेउतेजि फेरि लुःसुजि, फुडसयामि भत्तेरबे चोप थोक उघेटहा तर निम्तेरिजि भत्तेर चामारोहाजि माऱ्आम्मि। ६ मोडोगे हेनिड रामराजि खेऱनुड चुप्पऱआजि चोप फुडसयामि भत्तेरबे केआप्टानुमे। १० मोबा माहा सेउतेजि रामराजि खडामि मोबे चुप्पऱआ दुस्टनुड नुबा चोप याऱमिजि सुम्नुड फुडसया खिम इऱठुप चाबाडजि लिसामि।

११ “तर हाडबा चाबाडजि खाडसिऱ होडसिऱयु आबा, मोडोकपेऱ खोसेऱ फुडसयामि चेऱ मेऱचाडबेऱआ इक्को याऱमि खाडडोकटु। १२ मो हाडबेऱ, मो याऱमि इडोऱ सिप्सु, ‘लाडगाम, फुडसयामि चेऱ मेऱचाडरेऱ हेड इन्डोऱटे इगो होडसिऱयु पेअाबे?’ तर मोसेऱ इमाडसो मेऱलुःहेसु। १३ मोबा हाडबाडेऱ खोमि सेउतेजि लुःसुजि, ‘इगोमि हुक सराड हिःक्नुड पाखेऱयु सेन्जिगुप्पेऱ राप्हेक्सानुमे, मोबेऱ याऱमिजि हाःप्डम्मेनुड केड यिडम्मे।’

१४ “इन्डोडहोड केऱपऱआजि बेऱलो टुम्मे, तर सेम्बऱआजि एडेऱवा टुम्मे।”

तिरो फोडमा नुयेन्डे फेन्निबा लुःमे टुम्बेऱ खा

(मर्कुस १२:१३-१७; लुका २०:२०-२६)

१५ मोबा फरिसिजि खेऱनुड येसु इन्डोऱ फाडएम्मे लुःनुड मोत्ता इःसुजि। १६ माहाजिडेऱ टाडबामि चोडसाजि हेरोदि हुलमि याऱमिजिनुड येसुबेऱ पाक्सुजि। माहाजिडेऱ लुःसुजि, “हे गुरु, कानिडेऱ लेन्डुडमे हेड सत्यमा लेयेनुड निवाहाडमि सत्य राम नुरोऱ इःये हेड असानुडसो किस्सिनिबा। इन्डोडहोड हेनेऱ याऱमिजिमि याबुक खाडनुड योम्बोक लेःटुनिबा। १७ मोडोगेऱ लुःमाना, कानिडेऱ बेऱए हाडबा कैसर तिरो फोडमा नुयेन्डे फेन्निबा?” १८ तर येसुडेऱ माहाजिमि माडेऱमा निवा लेडोक्नुड लुःसुजि, “कपटिजि, का इन्डोड फाडएम्मा योऱइन्डानिडे ? १९ खोइ खोइ तिरो फोडढाम मुन्डा लाप्टानुमे।” मोबा माहाजिडेऱ इक्को मुन्डा पिसुजि। २० येसुडेऱ माहाजि सिप्सुजि, “इगो मुन्डाबेऱ असामि छापनुड निड टुये ?” २१ माहाजिडेऱ येसु लुःसुजि, “इगोबेऱको कैसरमि छापनुड निड टुये” मोबा माहाजि येसुडेऱ लुःसुजि, “मोडोगेऱ इमाड कैसरमि लेहा, माहा खोनोऱ

पिसानुमे, इमाड निवाहाडमि लेहा माहा निवाहाडनो? पिसानुमे।” <sup>२२</sup> इडो?मा खा खेम्नुड खोजि खरि मिन्नुड मोबाड खेप्पेसामि।

### सिब?आबाड हिडमे टुम्बे? खा

(मर्कुस १२:१८-२७; लुका २०:२७-४०)

<sup>२३</sup> या?मि सिब?आबाड हिडमिने लु:खुबा सदुकिजि, मो याकनो? येसुबे? लेन्नुड इडो?मा खा सिप्सुजि, <sup>२४</sup> “गुरु, मोसाडे? लु:ब?आ लेये, इक्को या?मिजि पसाजि मेलिरे? सिघे?होड खोमि निसाडे? मो कि?ना फुडसया ले:रनुड वावामि लागि पसा टोडबे?मा खेये। <sup>२५</sup> कानिडमि समाजबे? एच्छि जना सानुडउ टुसामि। टुम्मिडे? फुडसया ले:टु खोमि पसा मेलिरे? सिघडा, मोबा मो कि?ना सरुम्बा निसाडे? वावामि लागि पसा टोडमामि फुडसया ले?टु। <sup>२६</sup> इडो?नो? माहा चोप सानुडजिडे? पालै पालो फुडसया ले:टुजि तर इक्को पसा मेलिरे? सिघडामि। <sup>२७</sup> माहाजि चोप सिघे?रनुड एक्साड मो मे?नामिसो सिघडा। <sup>२८</sup> मोडोगे? माहा सिघे?प?आजि हिडबोकमाबे? माहा एच्छि जनाजिबे? असामि चाहि ठा?मा लिये ? इन्ढोडहोड खो माहा चोबे? फुडसया ले:र?प?आ लेटे।

<sup>२६</sup> येसुडे? माहाजि लु:सुजि, “हेनिड फाडसिघेटानिडे, इन्ढोडहोड हेनिडे? धार्मिक साप्चिरामि खानुड निवाहाडमि सक्ति मेलेडि?टानुम। <sup>३०</sup> इन्ढोडहोड या?मिजि सिब?आबाड हिडबोकनुड फुडसया ले:रमिनि मोबा फुडसयासो ले:र?पे?टुजिनि, माहाजि थाडसिरिबे?हा पेडघुबा थाडसिरिदुतजिडो? लिम्मे। <sup>३१</sup> तर सिघे?प?आबाड हिडबोकखुबाजिमि टुम्बे? धार्मिक साप्चिराबे? निवाहाडडे? इडो? लु:टे हेनिडे? मेनेडानुमे ? <sup>३२</sup> “का अब्राहाममि, इसहाकनुड याकुबमि निवाहाड ले?डे’ खो सिब?आजिमि निवाहाड ने?नि, तर हिडग्रिकजिमि निवाहाड लेये।” <sup>३३</sup> येसुमि इडो? सिक्छे खेम्नुड मोबे? सुम्ब?आ या?मिजि खरि मिनामि।

### चोप्पाड बेण आग्या

(मर्कुस १२:२८-३४; लुका १०:२५-२८)

<sup>३४</sup> येसुडेण सदुकिजि योड उक्मेण्टुजि लु:मे खा फरिसिजिडेण खेम्सुजि मोबा सुम्नुड येसु टुढामबेण खोजि लेस्सामि। <sup>३५</sup> माहाजिबाड इक्को यहुदि धार्मिक नियम इःणखुबाडेण येसुमि जाच लेःणमामि खो सिप्सु, <sup>३६</sup> “गुरुज्यु, कानिडमि धार्मिक नियमबेणहा आग्याबेण बेण आग्या हाम्बेन्डे ?” <sup>३७</sup> येसुडेण लु:सु, “हेनेण परमप्रभु टाडबामि निवाहाड टाडबामि चोप जिबनडेण, टाडबामि चोप सोःकमाडेणनुड टाडबामि चोप निवाडेण नाम्नाम लेःणमे। <sup>३८</sup> चोप्पाड याणलोमानुड महान आग्या इगोनोण लेये। <sup>३९</sup> हाइकोसो मोडोक्मानोण लेये, ‘हेनेण आमि बेम्फा खिम टाडबाडोक्नोण नाम्नाम लेःणमे।’ <sup>४०</sup> मोसामि चोप यहुदि धार्मिक नियमनुड आगमबक्ताजिमि सिक्छेमि मुलनोण इगो निच्चि आग्या लेन्जे।

### ख्रिस्टमि टुम्बेण सडका

(मर्कुस १२:३५-३७; लुका २०:४१-४४)

<sup>४१</sup> येसुडेण मोबेण सुम्बणआ फरिसिजि इक्को खा सिप्सुजि, <sup>४२</sup> “ख्रिस्टमि टुम्बेण हेनिडेण इमाड मिण्डानुमे ? खो असामि पसाडे ? खोमि टुम्बेण इमाड मिण्डानुमे ?” माहा फरिसिजिडेण लु:सुजि, “दाउदमि पसा।” <sup>४३</sup> येसुडेण माहाजि लु:सुजि, “मोडोणहोड दाउदडेण होडनिवामि बोल चुप्नुड येसु ‘प्रभु’ लु:नुड इण्डोण्टे लु:हेण्डुए ? खोसेण लु:टुए, <sup>४४</sup> ‘परमप्रभुडेण काडमि प्रभु लु:सु, “हेड केण चुण्थिडलाम पेने, इण्डोणरो केण हेनेहा सत्रुजि हेनेण सराडफेक्मा होडबेण युक्सुडनि”।’ <sup>४५</sup> दाउद खोमदाडबेण ख्रिस्ट ‘प्रभु’ लु:ण्डुएहोड, ख्रिस्ट इण्डोण्टे दाउदमि पसा लिहेये ?” <sup>४६</sup> मोबा असेणसो इक्को खासो मेःलु:हेसुजि। मो याकबाड येसुनुड असेणसो इमाड खासो मेःसिम्हेसुजि।

<sup>१</sup> २२:३६ लेवि १६:१८

येसुडेह्र यहुदि धार्मिक नियम इःखुबानुड फरिसिजिमि बिरोध लेःनपःआ

(मर्कुस १२:३८-३९; लुका ११:४३, ४६; २०:४५-४६)

२३

<sup>१</sup>मोबा येसुडेह्र मोबेह्र सुम्बःआ बेह्रलो याःमिजिनुड खोमि चोडसाजि इडोह्र लुःसुजि, <sup>२</sup>“खाक्सानुमे, धार्मिक नियम इःखुबाजिनुड फरिसिजिडेह्र यहुदि धार्मिक नियम इःहमे हक चुप्पिटुजे। <sup>३</sup>मोडोगेह्र माहाजिडेह्र लुःबःआ चोप खा खेप्सानुमे मोबा लेःनटानुमे, तर खोजिडेह्र लेःनटिडोह्र चाहि एलेःटानुमे, इन्ढोडहोड खोजिडेह्र याःमिजि सिक्छे गो इःन्दुजे, तर खोजिडेह्र चाहि मोडोह्र लेःटुजिने। <sup>४</sup>खोजिडेह्र खिहेनिहानुड रिहा कोक याःमिजिमि आक्टाडबेह्र खिमेन्दुजे। तर खोजिडेह्र चाहि माहा कोक इक्को हुक्खेह्रवासिडेह्रसो केगुजिनिबा। <sup>५</sup>“तर खोजिडेह्र चोप योम्बोक हाइखा याःमिजि खाडमुममिरेह्र लेन्दुजे। इन्ढोडहोड आक्खाजिडेह्र यहुदि धार्मिक नियम साप्नुड रिडमे बेह्रहा बेह्रहा जन्तरडोह्रहा टोडनुड हुकनुड तुरुवाबेह्र हिःन्दुजे, मोबा टाडबा धर्मि खाडमुमामि चाडमाहा चेःपेह्र कियेन्हा फुरक टिन्दुजे। <sup>६</sup>माहाजि भत्तेरबेह्र आदर योःइम्मेनुड यहुदिजि सुम्ढाम खिम्बेह्र एप्पाजि पेन्ढामबेह्र पेम्मा मिडइम्मे। <sup>७</sup>हाटाराजि वाइमाबेह्र याःमिजिडेह्र खोजि आदरनुड सेवा मुबःआ मोबा गुरु लुःबःआ नेन्जोन्दुजे।

<sup>८</sup>“तर हेनिड असेह्रसो ‘गुरुज्यु’ एह्रलुःमिरो, इन्ढोडहोड हेनिडगो सानुडउजि लेन्डानिड। हेनिडमि गुरु इक्कोरेह्र टुये। <sup>९</sup>हेनिडेह्र इगो माक्खम्डेम्बेह्र असासो पाबा एह्रलुःमे, हेनिडमि पाबागो इक्कोरेह्र टुये, खो थाडसिरिह्रटु पेडइये। <sup>१०</sup>हेनिड असेह्रसो ‘मालिक’ एह्रलुःमिरो, इन्ढोडहोड हेनिडमि इक्कोरेह्र मालिक टुये, खो ख्रिस्ट लेये। <sup>११</sup>हेनिडजिबेह्र असा चोप्पाड एप्पा लेये, मोसेह्र चोपमि सेवा लेःनमा खेये। <sup>१२</sup>असेह्र खोमटाडबा एप्पा लिमा मिडइये, मो एडेह्रमा लिये, असेह्र टाडबा एडेह्रमा टोडइन्दुए, खो बेह्रए लिये।



## कपटिमि बिरोधबेह होसियार

(मर्कुस १२:४०; लुका ११:३६-४२, ४४, ५२; २०:४७)

<sup>१३</sup> “हेनिड इनामा, धार्मिक नियम इःखुबानुड फरिसि कप्टिजि! इन्ढोडहोड हेनिडेह थाडसिरि राज्यमि राम्देम सेइन्डुडम। ना हेनिडदाडबा पेखेन्डानिड, ना पेखेहमा मिडघुबाजिनोह पेखेहमेन्डानुम।

<sup>१४</sup> [“इनामा हेनिड, यहुदि धार्मिक नियम इःखुबानुड फरिसि कप्टिजि! इन्ढोडहोड हेनिड राडमिहमाजिमि खिम डाण्डन्डानुमे, हागोसो किहा किहा प्रार्थना लेःहमा निडइन्डानिडे। मोडोगेह हाइखाजिमिबाड बेहलो दन्डा चुण्डन्डानुमे।]’

<sup>१५</sup> “इनामा हेनिड, धार्मिक नियम इःखुबानुड फरिसिजि कप्टिजि! इन्ढोडहोड हेनिड इक्को याहमि हेनिडलाम लाःप्पामि लागि मक्खाम्डेमनुड वाबोक्ला वाइसेन्डानुम। मो हेनिडलाम लेडयेबाड मो हेनिडबाडसो दोब्बर नरक खेहमा लायक टोडइन्डानुमे।

<sup>१६</sup> “इनामा हेनिड, मिक मेएखुबा अगुवाजि, हेनिड कान्डनिडे, ‘असेहसो मन्दिर केक्नुड किरिया हेक्माबेह इमाडसो लिनिबा, तर मन्दिरमि सुना केक्नुड किरिया हेक्माबेह मो किरियाडेह खो हिहइन्डुए।’ <sup>१७</sup> हेनिड टेवाक्नुड मिक्सुरुम्बाजि, हाम्बे चाहि बेहएम्मा लेये ? सुना बेहए लेयेन्डे, सुना चोखो टोडखुबा मन्दिर बेहए लेये ? <sup>१८</sup> ‘हेनिडेह थानामि निडबेह किरिया हेक्माबेह इमाडसो लिनिबा, तर मो सोक्पेह चेहटिबहआ भेति केक्नुड किरिया हेक्पहआ किरियाडेह हिःइये।’ <sup>१९</sup> होउ मिक्सुरुम्बाजि, भेति बेहएम्माडे, भेति चोखो टोडखुबा थाना चाहि बेहएम्मा ? <sup>२०</sup> मोडोगेह असेह थानामि निडबेह किरिया हेहइन्डुए, मो थानासोक्पेह टुहा चोप थोकमि निडबेहनोह किरिया हेहइन्डुए। <sup>२१</sup> मन्दिरमि निडबेह किरिया हेक्खुबाडेह, मो मन्दिरबेह पेडखुबामि निडबेहसो किरिया हेहइन्डुए। <sup>२२</sup> थाडसिरिमि निडबेह

<sup>१</sup> २३:१४ इगो खा चोप्पाड याहलोए मुल बाइबलबेह माहआये

किरिया हेक्खुबेऱ् निवाहाडमि सिडहासनमिनुड मोसोकपेऱ् पेडखुबामि निडबेऱ् किरिया हेऱ्इन्दुए।

<sup>२३</sup>“इनामा हेनिड, धार्मिक नियम इऱ्ऱ्खुबानुड फरिसि, कण्टिजि! इन्ढोडहोड हेनिड पदिना, सोपनुड जिराडोऱ्हा थोकमि इक्पोड भागामि इक भागा पिन्डानुमे, तर धार्मिक नियममि बेऱ्हा खा न्याय, नाम्नावानुड बिस्वासमि चाहि लेऱ्खो लेऱ्ऱानुम्ने। हेनिडेऱ् दसांस पिमाहा इघा खानुड सोरि न्याय, नाम्नावानुड बिस्वाससो लेऱ्ऱमा खडे। <sup>२४</sup>होउ मिक्सुरुम्बा अगुवाजि, हेनिड एऱ्हेहा भुसुनाजि चाहि सेन्डानुमे, तर उट्ऱोऱ्हा बेऱ्हा चाहि रिम्बेन्डानुमे।

<sup>२५</sup>“इनामा हेनिड, धार्मिक नियम इऱ्ऱ्खुबानुड फरिसि कण्टिजि! इन्ढोडहोड हेनिडेऱ् थालानुड खोरियामि एडगुवालाम चाहि नुरोऱ् पेडइन्डानुमे, तर होडसिऱ्ऱुलाम चाहि खिक्टुबाडनुड टाडबामि लागिरेऱ् मिऱ्खु निवा खिन्डानुम। <sup>२६</sup>होउ मिक्सुरुम्बा फरिसिजि, याऱ्लो खोरियानुड थालामि होडसिऱ्ऱु वसोगानुमे, मोबा मोमि एडगुवालामसो वासोगानुमे।

<sup>२७</sup>“इनामा हेनिड, धार्मिक नियम इऱ्ऱ्खुबानुड फरिसि कण्टिजि! इन्ढोडहोड हेनिड खेवा खाम टिबऱ्आ येऱ्ऱमाडोऱ्हा लेऱ्ऱानिड, पाखेऱ्ऱु चाहि कम्नुबा खाडमुहा, तर होडसिऱ्ऱु चाहि सिबऱ्आ याऱ्मिमि किम्घेऱ्पऱ्आ सेऱ्कोऱ्वानुड चोप असुद्ध थोकरेऱ् टुहा। <sup>२८</sup>इडोऱ्नोऱ् हेनिडसो याऱ्मिजि पोम्बेऱ् चाहि धर्मि खाडमुन्डानिडे, तर हेनिड होडसिऱ्ऱु चाहि दुस्टनुड कण्टि निवारेऱ् खिन्डानिडे।

### दोसि दन्ड

(लुका ११:४७-५१)

<sup>२९</sup>“इनामा हेनिड, धार्मिक नियम इऱ्ऱ्खुबानुड फरिसिजि कण्टिजि! इन्ढोडहोड हेनिड अगमबक्ताजिमि नुबा नुबा येऱ्ऱमा टोडइन्डानुमेनुड धर्मि याऱ्मिजिमि येऱ्ऱमा चाऱ्इन्डानुमे। <sup>३०</sup>मोबा लुऱ्ऱानुमे, ‘कानिड याऱ्लो टुबाजिमि पालोबेऱ् टुसिडमाहोड कानिडेऱ् अगमबक्ताजि सेऱ्मा मेऱ्ण्डमे।

३१ इडोऱ हेनिड अगमबक्ताजि सेऱनेघुजिमि पसाजि लुःमे खामि परमान हेनिडदाडबेऱ पिन्डानुमे। ३२ हेनिडमि टुबाजिडेऱ तरिक्पऱआ पापि योम्बोक येडानुमे।

३३ “पुसेऱजि, सिक्चानुडमा पुसेऱमि पसाजि, हेनिड खेलाकमि दन्डाबाड इन्डोऱ लेक्खेन्डानिडे ? ३४ मोडोगेऱ नुरोऱ खेप्सानुमे, केऱ हेनिडमि रुम्बेऱ अगमबक्ताजि, चेन्दुबा याऱमिजि, धार्मिक नियम इऱऱखुबाजि पाडबेऱनिम्ने। माहाजिबेऱ इन्डोऱ जना हेनिडेऱ सेऱन्डानुमे, इन्डोऱ जनाजि काप्सिडबेऱ किडनेन्डानुमे, इन्डोऱ जनाजि चाहि यहुदिजि सुम्ढाम खिमबेऱ कोरराडेऱ साःप्डन्डानुमे, मोबा इन्डोऱ जना सहर सहरराजि हेनिडेऱ याऱमिजि चुडजान्डानुमे। ३५ मोडोगेऱ मक्खाम्डेमबेऱ सेऱनेबऱआ धर्मि याऱमिजिबेऱ हाबिलमि हरिबाड मन्दिरबिऱए भोग पिढाममि रुम्बेऱ सेऱनेबऱआ बेरेक्याहमि पसा जकरियामि हरिठोक् चोप दोस हेनिडमि निन्डावाबेऱ सिऱइहा। ३६ चैबानोऱ, केऱ हेनिड लुःनिम्ने, इघा चोप खामि दोस इगो पुस्ता सोक्पेऱ सिऱइहा।

येसुडेऱ यरुसलेम वोप्पऱआ

(लुका १३:३४-३५)

३७ “होउ यरुसलेमबेऱहा याऱमिजि, होउ यरुसलेमबेऱहा याऱमिजि, हेनिडेऱ अगमबक्ताजि सेऱनेन्डानुमेनुड हेनिडबेऱ पाडबऱआजि रुडगुवाडेऱ एऱनेन्डानुमे! वाब्रुमाडेऱ खोमि लाप्खेऱवाडेऱ वाःप्साजि कुप्पिडोऱनोऱ बेऱलो खेऱ केऱ हेनिडहा ओडेकजि सुम्नुड कुप्पा योगुड, तर हेनिडेऱ मेडखेप्सानुमे। ३८ खाक्सानुमे, हेनिडमि खिम निडबेमारोमा ठाउ लिये। ३९ इन्ढोडहोड केऱ हेनिड लुःनिम्ने, इन्डोऱलो हेनिडेऱ ‘परमप्रभुमि निडबेऱ लेडघुबा आसिसित लेये’ लुःसानुम्नि मोडोक्लो हेनिडेऱ का खाडडोक्टानुम्नि।”

मन्दिरमि नासनुडनोऱ खे याक तारिक्पुऱइये

(मर्कुस १३:१-१३; लुका २१:५-१६)

२४ <sup>१</sup> मोबा एक्साड येसु मन्दिरबाड खेऱनिडसिमाबेऱ खोमि चोडसाजि खो मन्दिर नुरोऱ खाडमेऱसिऱ खोमि केक्पेऱ लेस्सामि। <sup>२</sup> तर येसुडेऱ चोडसाजि लुःसुजि, ‘हेनिडेऱ इघा चोप खाडमेऱनिडसिन्डानुम, नेऱनेन्डे ? चैबानोऱ केऱ हेनिड लुःनिम्ने, ‘इक्को रुडगुवासोक्पेऱ हाइको रुडगुवासो एन्निहा, चोप योबेहा।”

<sup>३</sup> इऱछोऱ एक्साड येसु जैतुन डुडखुराबेऱ पेम्मेऱनिडसिडेम्बेऱ चोडसाजिडेऱ खुसिडमु लेन्नुड सिप्सुजि, “कानिड लुःबेऱमाना, इघा हेनेऱ लुःबऱआ इन्डोऱपेऱ लिये, फेरि हेड लेम्माबेऱ मोबा इगो माक्खाम्डेम रुक्खेऱमे बेलामि चिडगा इमाड लिये ?”

<sup>४</sup> मोबा येसुडेऱ खोजि लुःसुजि, “होसियार लेःटानुमे, असेऱसो हेनिड मेरेम्जाहेमिरो। <sup>५</sup> इन्ढोड बेऱलो याऱमिजि केए निडबेऱ ‘का ख्रिस्ट लेडे’ लुःनुड लेडइम्मे, बेऱलो याऱमिजि बिस्वासबाड फोसेन्डुजे।

<sup>६</sup> हेनिडेऱ हाम्बेऱको हाम्बेऱ डे लिसानुड लिये लुमे खा खेम्डन्डानुमे। मोडोक्पेऱ हेनिड एक्किसिसानिडे, इन्ढोडहोड इघागो लिमानोऱ खेये, तर इडोऱ लिमाबेऱनो चोप येऱखेऱनिबा। <sup>७</sup> जाति जातिजिमि रुम्बेऱ डे लियेनुड राज्यमि बिरोधबेऱ राज्य पेडिखेये, हाम्बेऱको हाम्बेऱ सकआडसानुड रुक्किम्मा लेडइये। <sup>८</sup> तर इघा चोप खागो खेमि याक तरिक्पुऱआरेऱनोऱ लेये।

<sup>९</sup> “मोबा माहाजिडेऱ हेनिड खे आडसिऱ लागि जिम्मा पिम्मेनुड हेनिड सेऱनेम्मे, काबेऱ बिस्वास लेःऱपुऱआसेऱ चोप जातिजिडेऱ हेनिड सिऱचाम्मे।

<sup>१०</sup> मो बेलाबेऱ बेऱलो याऱमिजि बिस्वासबाड टेघेम्मेनुड, इक्कोसेऱ हाइको धोका पिन्डुजेनुड सिऱचोन्डुजे। <sup>११</sup> बेऱलो रेम्सिड अगमबक्ताजि लेन्नुड बेऱलो याऱमिजि बिस्वासबाड फाडइन्डुजे।

<sup>१२</sup> याऱमिजिमि निवा दुस्टनुडरे लिबऱआसेऱ याऱमिजिमि रुम्बेऱ नाम्नाम येम्घेये। <sup>१३</sup> तर एक्साडठोक बिस्वासबेऱ पेडहेघुबाजि चाहि हिडडोक्इम्मे।

१४ मोबा राज्यमि इगो सुसमाचार मक्खाम्डेम्बेहा चोप जातिजिमि लागि साक्खि लियो लुःनुड प्रचार लिये, मोबा एक्साड चोप येऱमे याक लेडइये।

### किस्सिमारोहा बेलामि खा

(मर्कुस १३:१४-२३; लुका २१:२०-२४)

१५ “मोडोगेऱ इन्डोऱपेऱ हेनिडेऱ दानिएल अगमबक्ताडेऱ लुःबऱआ ‘मन्दिर होडसिऱयु चिक्चिमिऱमारोमा थोक”<sup>१४</sup> खाडडोइन्डानुमे। (इगो खा नेऱखुबाडेऱ लेसुमिरो) १६ मोबा यहुदियाबेऱ टुघुबाजि सुम्लखालाम चिःखेऱमिरो। १७ कौसिबेऱ टुघुबाजि टाडबामि कोक्नाम लासिऱ खिमहोडबेऱ एउडमिरो। १८ रोपाबेऱ टुघुबाजि टाडबामि ओप्ताड लासिऱ खिम्बेऱ मेडखेऱमिरो। १९ पापुरा! उक्खाइसुम्माजिनुड डुडु हिडमेऱखुबा पस्ताडमाजि मो याक इन्डोऱ बिजोक लिम्मे। २० तर हिउदोबेऱ अथबा नाजामे यिडेऱ हेनिडेऱ चिःऱमा मेन्सिऱलो लुःनुड प्रार्थना लेःटानिडे। २१ इन्ढोडहोड मोडोक्पेऱ लेडइये बेऱए सडकस्टगो, इगो मक्खाम्डेम्बेऱ आयुरो मेलिडिऱ, फेरि एक्साड इन्डोऱपेऱसो लिनिबा। २२ माहा कस्टामि याक चुक्लो मेन्टोडबऱआहोड असासो मेहिकसामे, तर सेम्बऱआजिमि लागि माहा याक चुक्लो टोडबेये।

२३ मोडोक्पेऱ याऱमिजिडेऱ हेनिड ‘खाक्सानुमे, ख्रिस्ट इगोबेऱ टुये, मोबेऱ टुये’ लुःमिहोड बिस्वास एलेऱऱमे। २४ इन्ढोडहोड रेम्सिड ख्रिस्टजि मोबा रेम्सिड अगमबक्ताजि लेडइम्मे, माहाजिडेऱ बेऱहा बेऱहा चिडगानुड खरिहा योम्बोक खाडमुनुड निवाहाडडेऱ सेम्बऱआ बिस्वासिजि रेम्इन्डुजे।

२५ मिऱयुक्सानुमे, इगो खा आयुनोऱ हेनिड लुःबेनिम्ने। २६ “माहाजिडेऱ हेनिड ‘ख्रिस्ट रेक्केऱमा ठाउबेऱ टुये’ लुःमिहोड हेनिड मोबेऱ एक्खडानिडे। मोबा ‘खाक्सानुमे, ख्रिस्टगो कोठा होडसिऱयु टुये’ लुःमिहोडसो बिस्वास एलेऱऱमे। २७ इन्ढोडहोड नामसेल्लेऱवा नाम्गेतलाम्बाड उसाहोड नाम्थालाम

<sup>१४</sup> २४:१५ दानियल ६: २७; ११:३१; १२:११

उज्यालो लिडिडोऱनोऱ याऱमिमि पसा लेम्माबेऱ लिये। <sup>२८</sup> हाम्बेऱ सिनु टुये मोबेऱ हौराम्बाजि सुम्डम्मे।

### याऱमिमि पसा खाडमुये याक

(मर्कुस १३:२४-२७; लुका २१:२५-२८)

<sup>२६</sup> “माहा खेमि याक लेम्मासोरोऱ, नाम सेन्जुगुप लियेनुड लाडेऱ उज्यालो पिनिबा मोबा साडगेजि नान्द्रुडमाबाड हेएम्मे, नन्द्रुडमाबेऱहा सक्ति योडइम्मे।

<sup>३०</sup> मोबा एक्साड याऱमिमि पसा लेडइये खामि चिडगा नन्द्रुडमाबेऱ खाडमुये। मोबा मक्खाम्डेमबेऱहा चोप जातिजि बिलौना इम्मेनुड माहाजिडेऱ याऱमिमि पसा नन्द्रुडमाबाड खिम्मिऱवाबेऱ बेऱए सक्तिनुड महिमानुड उडमेऱनिडसिबऱआ खाडडोकइन्डुजे। <sup>३१</sup> खोसेऱ खोमि थाडसिरिदुतजि तुराहिमि सेम्लानुड सोरि पाडइन्डुजे। मोबा माहाजिडेऱ मक्खाम्डेम्नुड नन्द्रुडमामि चोप ठाउबाड खोमि सेम्बऱआजि सुम्डइन्डुजे।

### वेऱलाभुमि डाडबाड सिक्छे

(मर्कुस १३:२८-३१; लुका २१:२६-३३)

<sup>३२</sup> “वेऱलाभुमि डाडबाड खा चिनानुमे। इन्डोऱपेऱ मो डाडमि हागाबेऱ चोड नोःक्वा केएहा, मोबा हुरुऱवा याम लेडइटा लुःनुड हेनिडेऱ लेन्डानुमे।

<sup>३३</sup> मोडोऱनोऱ हेनिडेऱसो केऱ लुःबऱआ इघा चोप खा लिबऱआ खाडडोकइन्डानुमे, मोबा खो केक्पेऱनोऱ राम्डेम्बेऱनोऱ लेम्बेऱ लुःनुड लेसानुमे। <sup>३४</sup> चैबानोऱ, केऱ हेनिड लुःबऱआ इघा चोप खा पुरा मेलिरो इगो पुस्ताबेऱहाजि रुक्खेऱनि। <sup>३५</sup> थाडसिरिनुड मक्खाक्डेम नासि लिघेये, तर केऱ लुःबऱआ बचन नासि लिघेऱनिबा।

## चडखो लिमे खा टुम्बे सिक्छे

(मर्कुस १३:३२-३७; लुका १७:२६-३०, ३४-३६)

३६ “तर मो याक, मो बेलामि टुम्बे पाबाबाड हाइखा असेरसो लेसुजिनिबा, ना थाडसिरिबेहा थाडसिरिदुतजिडे, ना पसाडे लेन्दुए।  
 ३७ यात्रमिमि पसा लेम्माबे नोआमि पालोबे लिडिडोनो लिये।  
 ३८ मोडोक्पे नोआ योडा जाहाजहोडसिरयु पेखेमा यात्रलो यात्रमिजि चामेनडिसिडामि, उडमेनडिसिडामि, फुडसया लेःमेनडिसिडामि।  
 ३९ मोबा योडा प्रलया लेन्नुड माहा यात्रमिजि चोप मेयिक्खेलो माहाजिडे इमाडसो मेलेसुजि। यात्रमिमि पसा लेम्माबेसो मोडोनो लिये।  
 ४० मोडोक्पे सोवाराबे निप्पाड योम्बोक लेःमेननिन्जे इक्को लाघेये, हाइको याःयाइये। ४१ लाघे यिमेनडिसिबआ निप्पाड मेरनामिजिबे, इक्को लाघेये, हाइको याःयाइये।

४२ “मोडोगे चडखो पेनानिडे, इन्ढोडहोड इन्डोपे हेनिडमि प्रभु लेडइये, मो हेनिडे लेसानुम्नि। ४३ तर इगो खा लेयुक्सानुमे, खिमदाडबाडे खुसुबाड सेन्डा इन्डोपे लेडइये लुःनुड यात्रलोनो लेडोक्पआ लेटाहोड, खो मेइमेर टाडबामि खिम हुडसाड पेने मोबा खुसुबाडडे खोमि खिम मेखुडोक्टुए। ४४ मोडोगे हेनिडसो सानिडनो पोरोकनुड पेनानिमे, इन्ढोडहोड यात्रमिमि पसा हेनिडे मेमिपआ बेलाबे लेडइये।

## बिस्वासिलोनुड बेइमान सेउतेजि

(लुका १२:४१-४८)

४५ “बिस्वासिलोनुड चेन्दुबा सेउते लुःबआ चाहि मो लेये, खोमि मालिकडे टाडबामि खिमबेहा यात्रमिजि, ठिक बेलाबे चामा पिसुरो लुःनुड युडइटुए। ४६ खोमि मालिक टेजामाबे खोसे मोडोनो लेःटिडबआ चुप्टुहोड, मो सेउतेडे इनाम चुप्टुन्दुए। ४७ चैबानो, के हेनिड लुःनिम्ने, मालिकडे मो सेउते खोमि चोप याडसरावा खाडमे जिम्मा पिन्दुए। ४८ तर बेइमान सेउतेडे ‘काडमि मालिक चान्डो लेन्निबा’ लुःनुड

खोमि निडाबेऱ मिइन्डुए। <sup>४६</sup> मोबा हाइखा सेउतेजि मोक्मानुड सेक्खेऱखुबाजिनुड चासिऱनुड उडसिऱ पेम्बोगाहोड, <sup>५०</sup> मो सेउतेडेऱ मेमिऱपऱआ याकनुड मेलेबऱआ बेलाबेऱ खोमि मालिक लेडइये। <sup>५१</sup> मोबा मालिकडेऱ खो सारोनोऱ माडेऱमा दन्डा पिनुड खो कप्पिजि टुढामबेऱ राप्हेडइन्डुए, मोबेऱ याऱमिजि हाःप्डऱमेनुड केड यिक्साड खे आडइम्मे।”

### इक्पोड कन्याजि

२५ <sup>१</sup> येसुडेऱ हागोसो लुःबेऱटुजि, “थाडसिरिमि राज्य चाहि नायोडबा चुप्पिऱ खेऱखु इक्पोड कन्याजिडोऱ लेये। माहाजिडेऱ टाडबा टाडबामि कुप्पि याडमानुड नायोडबा चुप्पिऱ खडामि। <sup>२</sup> माहाजिबेऱ डाबाड चेन्दुबानुड डाबाड चाहि निवा मेऱनिडहाजि लेटामि। <sup>३</sup> माहा निवामेऱनिडहा कन्याजिडेऱ खोजिनुड कुप्पिगो लाघेऱटुजि, तर खोजिडेऱ हाइखा केवा चाहि मायाडघेऱटुजि। <sup>४</sup> तर चेन्दुबा कन्याजिडेऱ चाहि कुप्पिनुड पाप्मिहा हाइखा केवासो याडघेऱटुजि। <sup>५</sup> नायोडबा ढिलो लेम्बऱआसेऱ माहा चोप कन्याजि इम्मेऱ तुम्मिक तुम्मिक लिनुड इम्दिघडामि।

<sup>६</sup> “तर सेन्डा ‘खाक्सानुमे नायोडबा, लेडसिपोरोगा, खो चुप्पिऱ पोरोगानिडे’ लुःबऱआ खेम्मुसा। <sup>७</sup> मोबा माहा चोप कन्याजि हुम्बोगामिनुड खोजि टाडबा टाडबामि कुप्पि पोरोगुजि। <sup>८</sup> माहा निडा मेऱनिडहा कन्याजिडेऱ चेन्दुबा कन्याजि लुःसुजि, ‘हेनिडमि केवा कानिडसो एद्रिऱवा पिःमाजिना, इन्ढोडहोड कानिडमि कुप्पिबेऱ केवा रुक्खेऱनुड कुप्पि सिघेऱसिऱ पोरोगा।’ <sup>९</sup> तर चेन्दुबा कन्याजिडेऱ इडोऱ लुःसुजि, ‘हेनिड पिमा केऱलो केवा कानिडनुड मऱआहा, बोरु पसलबेऱ खडानिडेनुड आम्निमि लागि केवा इडआप्टानुमे।’

<sup>१०</sup> “माहाजि केवा इडसिऱ खेऱमाबेऱ नायोडबा लेम्बेसा। पोरोकनुड पेम्बऱआ डाबाड कन्याजि खोनुड फुडःसयामि भत्तेरबेऱ होडसिऱयु पेऱनामि मोबा राम्डेम सेक्कुम्घडा।



११ “इहछोह एक्साड माहा केवा इडसिह खेहखुबा कन्याजि लेन्नुड काबोगामि, ‘हजुर, हजुर, कानिडमि लागि रामडेम हेम्बिहमाना!’ १२ तर होडसिहबाड नायोडबेह खोजि लुःसुजि, ‘चैबानोह केह हेनिड लुनिम्ने, केह हेनिड लेनिम्नानि।’

१३ “मोडोगेह हेनिड चनाखो पेनानिडे, इन्ढोडहोड मो याक्नुड मो बेला हेनिडेह लेसानुम्नि।

### सुम्बाड सेउतेजि

(लुका १६:११-२७)

१४ मोबा येसुडेह लुःसु, “याहमिमि पसा लेम्मा बेलाबेह चाहि इक्को याहमि हाइको देस खेहनुड टेजामा बेलाडोह्नोह लिये। मो मालिकडेह परदेस खेहमाबेह खोमि सेउतेजि केहनुड खोमि याडसरावा माहाजि जिम्मा पिओसुजि। १५ खोसेह माहाजि खोजिमि योम्बोक लेःहमे निडाडोह इक्को सेउते डाउम सुनामि मुन्डा, हाइको सेउते निच्चि मुन्डा, मोबा हाइको चाहि इक्को मुन्डा पिआनुड परदेस खेहपेसा। १६ मोबा डाउम सुनामि मुन्डा चुप्खुडेह लामासोरोह्नोह खेहनुड मो याडबाड बेपार लेःहनुड हाइखा डाउम मुन्डा याड टोकसु। १७ मोडोह्नोह निच्चि मुन्डा चुप्खुबेहसो हाइखा निच्चि मुन्डा टोकसु। १८ तर इक्को मुन्डा चुप्खुबेह चाहि लाघेहनुड भुइ टोःनुड खोमि मालिकमि याड मोबेह चुम्युकसु।

१९ “बेहलो निड एक्साड माहा सेउतेजिमि मालिक लेस्सा मोबा खोसेह माहा सेउतेजिनुड हिसाब डागु। २० मोबा डाउम सुनामि मुन्डा चुप्खुबेह मो मालिकमि पोम्बेह लेन्नुड लुःसु, ‘मालिक, हेनेह का पिबहआ डाउम सुनामि मुन्डाबाड हाइखा डाउम मुन्डा टोडइटुडहा। २१ मालिकडेह खो लुःसु, ‘हेड ओहाक, नुबानुड बिस्वासि सेउते! हेड एडेहवा खाबेह बिस्वासिलो लिसा, हागो हेड बेहलो खामि जिम्मा पिन्ने, हेड कानुड सोरि सापथाक्से। २२ निच्चि मुन्डा चुप्खुबेहसो आप्नुड लुःसु, ‘मालिक, हेनेह पिबहआ निच्चि मुन्डाबाड केह हाइखा निच्चि मुन्डा टोडइटुडहा।’ २३ मोमि मालिकडेह खो लुःसु, ‘हेड

ओहाक, नुबानुड बिस्वासि सेउते, हेड एडेऱ्वा खाबेऱ् बिस्वासिलो लिसा, हागो हेड बेऱ्लो खामि जिम्मा पिन्ने, हेडसो कानुड साप्थाक्से।’

<sup>२४</sup> “इक्को सुनामि मुन्डा चुप्खुबासो मोबेऱ् लेन्नुड लुःसु, ‘मालिक, हेड मेऱिऱ्पऱआ ठाउबाड अन्ना हेक्खुबानुड मेऱिकपऱआ ठाउबाड इःक्खुबा, निवा छाऱइये याऱमि लेये लुनुड केऱ् लेसुड। <sup>२५</sup> मोडोगेऱ् का किस्सिडिड, मोबा हेनेऱ् पिबऱआ सुनामि मुन्डा भुइ टोनुड मोबेऱ् चुम्नुड युक्सुड, हेनेऱ् पिबऱआ सुनामि मुन्डा इगोबेऱ् टुये टाबे। <sup>२६</sup> मोमि मालिकडेऱ् मो लुःसु, ‘होउ दुस्ट, पाडसुखुबा सेउते, का मेऱिऱ्पऱआ ठाउबाड हेक्खुबानुड मेन्टुप्पऱआ ठाउबाड सुम्इनुडहा लुःनुड हेनेऱ् लेसिडाहोड, <sup>२७</sup> हेनेऱ् काडमि याड ब्याजबेऱ् पिमा खडे। मोडोऱ् लेःपऱआ लेःटाहोड का लेम्माबेऱ् काडमि याड ब्याजनुड लाजोडोक्टुड। <sup>२८</sup> मोडोगेऱ् मोनुड टुहा इक्को मुन्डा डाप्नुड असानुड इक्पोड मुन्डा टुहा खो पिसानुमे। <sup>२९</sup> इन्ढोडहोड असानुड टुहा खोसेऱ् हाइखा चुप्पिन्डुएनुड मोनुड भना बेऱ्लो लिहा तर असानुड आडेऱ्वा टुहा मोसो डाप्खेहा। <sup>३०</sup> मो योम्बोक मेऱ्निडमा सेउते पाखेऱ्यु सेन्जुगुप्पेऱ् राप्हेक्सानुमे, मोबेऱ् याऱमिजि हाःपड्मेनुड केड यिड्मेमे।’

### एक्साडए न्याय

<sup>३१</sup> “इन्डोऱ्पेऱ् याऱमिमि पसा थाडसिरि दुतजिनुड बेऱ्ए महिमाबेऱ् उडइये, मोबा खो टाडबामि महिमानुडमा हाडपेन्ढामबेऱ् पेडइये। <sup>३२</sup> मोडोकपेऱ् मक्खाम्डेम्बेऱ्हा चोप जातिजि खोमि पोम्बेऱ् सुम्इम्मेनुड गोऱ्लाजिडेऱ् सामुनुड यासुबाजि खोरो खोरो फाक्टिडोऱ्, माहा याऱमिजिसो फाऱइन्डुजे। <sup>३३</sup> खोसेऱ् सामुजि खोमि चुप्थिलाम मोबा यासुबाजि एडसिडलाम युडइन्डुजे। <sup>३४</sup> मोबा हाडबाडेऱ् टाडबामि चुप्थिडलाम्बेऱ्हाजि लुःन्डुजे, ‘आबानिडे, केऱ् पाबाबाड आसिस चुप्खुबाजि! मक्खाम्डेम सिरिस्टि लिबऱआबाड हेनिडमि लागि पोरोक्नुड युडबऱआ राज्यबेऱ् अधिकार लेःऱ्तानुमे। <sup>३५</sup> इन्ढोडहोड का सगेऱ् सिबऱआ लेऱिटिड, हेनिडेऱ् का चामा पिसानिड। का वाइऱ्मेऱ्सिमाबेऱ् योडा पिसानिड, का परदेसि लेऱिटिडा

खिमबेऱ स्वागत लेःटानिड। <sup>३६</sup> का उक्चुडरेक लेटिड, हेनिडेऱ चेऱ चाडबेऱटानिड, का टुक्माबेऱ हेनिड खाडसिऱ लेस्सानिड, का तिरोडगा खिम्बेऱ सेक्सिघेऱमाबेऱ हेनिड चुप्सिऱ लेस्सानिड।’

<sup>३७</sup> “मोबा धर्मिजिडेऱ खो लुःन्दुजे, ‘हे प्रभु, इन्डोऱपेऱ कानिडेऱ हेड सगेऱ सिमाबेऱ चामा पिसुडमे ? अथबा वाइऱमेऱ सिमाबेऱ योडा पिसुडमे ? <sup>३८</sup> इन्डोऱपेऱ कानिडेऱ हेड परदेसि खाडनुड पोप्पा पिसुडमे, अथबा इन्डोऱपेऱ हेड उक्चुडरेऱ खाडडोक्नुड चेऱ चाबेऱटुडमे ? <sup>३९</sup> इन्डोऱपेऱ कानिडेऱ हेड टुक्पऱआ लेडोक्नुड खाडसिऱ अथबा सेक्सिघेऱमाबेऱ हेड चुप्सिऱ लेस्सिडमे ?’ <sup>४०</sup> मोबा हाडबाडेऱ हेनिड लुःये, ‘चैबानोऱ, केऱ हेनिड लुःनिम्ने, हेनिडेऱ इघा केहा निसाजिबेऱ चोप्पाड एडेऱमा निसारेऱनोऱ इन्डोऱ सेवा लेःटानुम, माहा चोप हेनिडेऱ कानोऱ लेःटानुम।’

<sup>४१</sup> “मोबा एकसाड खोसेऱ एडसिडलाम्बेऱहा याऱमिजि लुःन्दुजे, ‘होउ चापहिमा चुप्पऱआ याऱमिजि! काबाड ओः खेऱपेसानिडे, सैताननुड मोमि दुतजिमि लागि पोरोक्नुड युडबऱआ इन्डोऱपेऱसो सिघेऱनिये मिबेऱ खडानिडे। <sup>४२</sup> इन्डोडहोड का सगेऱ सिबऱआ लेटिड, हेनिडेऱ चामा मेम्पिसानिड, वाइऱमेऱ सिबऱआ लेटिड, हेनिडेऱ योडा उडमा मेम्पिसानिड। <sup>४३</sup> का परदेसि लेटिड, हेनिडेऱ बास मेम्पिसानिड, उक्चुडरेक लेटिड हेनिडेऱ चाडजिरा मेम्पिसानिड, तिरोडगा खिम्बेऱ सेक्सिघेऱपऱआ लेटिड चुप्सिऱ मेलेस्सानिड, टुक्पऱआ लेटिड का खाडसिऱ हेनिड मेलेस्सानिड।’

<sup>४४</sup> “मोबा खोजिडेऱसो इडोऱ लुःसाड सिम्इन्डुजे, ‘प्रभु, इन्डोऱपेऱ कानिडेऱ हेड सगेऱ सिबऱआ, वाइऱमेऱ सिबऱआनुड परदेसि लिबऱआ, उक्चुडरेक लेःऱपऱआ, तिरोडगा खिमबेऱ सेक्सिघेऱपऱआ खाडनुडसो हेनेए लेऱखो मेलेःटुडमे ?’ <sup>४५</sup> मोडोक्पेऱ खोसेऱ माहाजि लुःन्दुजे, ‘चैबानोऱ, केऱ हेनिड लुःनिम्ने, इघा चोप्पाड एडेऱमा निसाजिबेऱ इक्को इमाड इमाड मेलेःटानुम मो कानोऱ हेनिडेऱ मेलेःटानुम। <sup>४६</sup> मोबा इघाजि इन्डोऱपेऱसो सिघेऱनिबा मिबेऱ सिऱइम्मे, तर धर्मिजिडेऱ इन्डोऱपेऱसो सिघेऱनिये जिवन चुप्पिन्डुजे।”

येसु सेऱनेमे मोत्ता लेऱपऱआ

(मर्कुस १४:१-२; लुका २२:१-२; युहन्ना ११:४५-५३)

२६ <sup>१</sup>येसुडेऱ इघा चोप खा इःसेऱनुड खोमि चोडसाजि लुःसुजि,  
<sup>२</sup>“हेनिडेऱ लेन्डानुम, हागो नियाक एक्साड छुटकारामि चाड  
 लेडइये, मोबा याऱमिमि पसा काप्सिडबेऱ किडनेमामि लागि राःप्नुड  
 याऱमिजिमि हुक्पेऱ पिन्डुजे।”

<sup>३</sup>मोडोक्पेऱ कैयाफा निडमा चोप्पाड एप्पा याडाडबामि खिम्बेऱ एप्पा  
 याडाबाजिनुड यहुदि डायोडजि सुप्सामि। <sup>४</sup>माहाजिडेऱ येसु इन्डोक्टे  
 खुस्रिडमु राःप्नुड सेऱनेमे लुःनुड मोत्ता लेटुजि। <sup>५</sup>तर माहाजिडेऱ लुःसुजि,  
 “इगो चाडमि बेलाराजि कानिडेऱ इडोऱ लेऱमा फेन्निबा, इन्डोडहोड  
 याऱमिजिबेऱ हुलदुडगा पुक्इये।”

येसु नाम्जानुये केवा टिबेऱपऱआ

(मर्कुस १४:३-६; युहन्ना १२:१-८)

<sup>६</sup>येसु बेथानियामि सिमोनमि खिम्बेऱ खडा, खो याऱलो सुक्टुबाडडेऱ  
 सुक्पऱआ लेटे। <sup>७</sup>मोबेऱ इक्को मेऱनामि बेऱलो याड सिऱइये बतलबेऱ  
 नाम्जानुये केवा याडमानुड येसुबेऱ लेस्सा। मोबा येसु चासिऱ पेम्माबेऱ मो  
 मेऱनामिडेऱ येसुमि निन्डावाबेऱ माहा केवा टिबेऱटु। <sup>८</sup>इगो खाडनुड  
 चोडसाजि सुर्केऱनुड कासामि, “एद्रेऱवालो केवा केन्डिखडा, इन्डोड खेरो  
 एडइटुहा ? <sup>९</sup>बोरु इघा बेऱलो याडबेऱ इन्जानुड माहा याड इमाड मेऱनिडहा  
 याऱमिजि पिःबऱआहोड नुडे।”

<sup>१०</sup>इगो खा येसुडेऱ लेडोक्नुड माहाजि लुःसुजि, “हेनिडेऱ इगो मेऱनामि  
 इन्डोड दुःख पिन्डानुमे ? खोसेऱको काडमि लागि इक्को नुबा योम्बोक  
 लेऱटुये। <sup>११</sup>इन्डोडहोड इमाड मेडकाप्खुजिगो सानिडनोऱ हेनिडनुडनोऱ  
 पेडइम्मे, तर का हेनिडनुड सानिड पेन्डोक्डानि। <sup>१२</sup>खोसेऱ इगो नाम्जानुये  
 केवा काडमि हिडाबेऱ सिटिनुड येऱमाबेऱ युडमामि लागि पोरोडिटडे।

१३ चैबानोऱ, केऱ हेनिड लुःनिम्ने, माक्खाम्डेममि चोप ठाउबेऱ सुसमाचार प्रचार लिये, मोबेऱ इगो मेऱनामिडेऱ लेऱऱपऱआ खासो याऱमिजिडेऱ इःन्दुजे।”

येसु राःप्मेऱमामि यहुदा राजि लिबऱआ

(मर्कुस १४:१०-११; लुका २२:३-६)

१४ मोबा येसुमि बारो जना चोडसाजिबेऱ यहुदा इस्करियोत चाहि एप्पा याडाडबाजिबेऱ खेऱनुड लुःसुजि, १४ “केऱ हेनिड येसु राःप्मेऱनिम्ने, मोमि साटो का इमाड पिन्डानिडे ?” मोबा माहाजिडेऱ खो सिसेडमि सुम्बोड मुन्डा पिसुजि। १६ मो याकबाडनोऱ यहुदाडेऱ येसु राःप्मेऱमामि राम खाडबोगु।

छुटकारा चाडमि भत्तेर

(मर्कुस १४:१२-२६; लुका २२:७-२३; युहन्ना १३:२१-३०;

१ कोरिन्थि ११:२३-२५)

१७ हागो खमिर मेएम्बऱआ चारेपा चामे चाडमि<sup>१</sup> याऱलोए याक चोडसाजि येसुबेऱ लेन्नुड लुःसुजि, “छुटकारामि चाडमि भत्तेर हेनेए लागि कानिडेऱ हाम्बेऱ पोरोकमे ?” १८ येसुडेऱ माहाजि लुःसुजि, “सहरबेऱए इक्को एप्पा याऱमिमि खिमबेऱ खेऱनुड लुःसानुमे, “कानिडमि ‘गुरुडेऱ लुःटे, काडमि बेला लेम्बेदे। का काडमि चोडसाजिनुड हेनेए खिमबेऱ छुटकारामि चाड चामा मिडइटिडे’।” १९ मोबा येसुडेऱ लुःबऱआडोनोऱ चोडसाजि खेऱनुड लेःसुजि मोबा मोबेऱनोऱ मो चाडमि लागि भत्तेर पोरोगुजि।

<sup>१</sup> २६:१७ खमिर मेएम्बऱआ चारेपा चामे चाडमि यहुदिजिडेऱ चाहि इगो चाड साता इक्कोभर लेटुजे ॥ इगो चाडमि याऱलोए याक हाइको इक्को चाडसो सिऱटे ॥ मो चाड चाहि ‘छुटकारामि चाड’ लुसुजे, मो चाड चामाबेऱ याऱलोए याकमि युडाए चामाबेऱ चासामे

<sup>२०</sup>युडा येसु खोमि बारो चोडसाजिनुड चासिफ पेना। <sup>२१</sup>खोजि चामेनडिसिमाबेफ येसुडेफ लुःसुजि, “चैबानोफ, हेनिड लुःनिम्ने हेनिडमि रुम्बाड इक्कोसेफ का धोका पिये।” <sup>२२</sup>मो खा खेम्नुड चोडसामि निडा सारो टुकनुड इक्को इक्कोसेफ येसु सिप्सुजि, “प्रभु, इमा मो काडे?” <sup>२३</sup>मोबा येसुडेफ लुःसु, “कानुड सोरि थालबेफ चरेपा सोक्खुबेफ का धोका पिये। <sup>२४</sup>यात्रमिमि पसागो खोमि टुम्बेफ साप्पफआडोफनोफ लिनुड सिमानोफ खेये। तर इनामा, यात्रमिमि पसा धोका पिघुबा यात्रमि, मो यात्रमि गो मान्टोक्पफआहोडनोफ नुडे।” <sup>२५</sup>मोबा यहुदाडेफसो सिप्सु, “गुरु, इमा मो यात्रमि का नोफटे?” येसुडेफ मो लुःसु, “मो गो आम्दाडबा लुःमेनडिसिन्डुए।”

<sup>२६</sup>खोजि चामेनडिसिमाबेफ, येसुडेफ चरेपा याडमानुड निवाहाड ओहाक पिनुड एडु, मोबा चोडसाजि पिसाड लुःसुजि, “इगो लानुड चासानुमे, इगो काडमि हिडा लेये।”

<sup>२७</sup>मोबा एक्साड अडगुरमि खेवानुडमा खोरिया ठेफनुड निवाहाड ओहाक पिसु, मोबा खोम चोडसाजि पिसाड लुःसुजि, “इगो हेनिड चोबेफ उक्सानुमे। <sup>२८</sup>इन्ढोडहोड इगो चोड करारमि केए हरि लेये, इगो बेफलो यात्रमिजिमि पाप वासोक्मामि लागि यिफइये। <sup>२९</sup>तर हेनिड लुःनिम्ने, केए निवाहाड पाबामि राज्यबेफ चोड लिनुड फेरि हेनिडनुड चुप्नुड मेउडलो इगो अडगुरमि खेवा उक्सुडनि।”

<sup>३०</sup>मोबा इक्को भजन सेम्लनुड एक्साड येसु खोम चोडसाजिनुड जैतुन टोक्टोक्माराजि खडा।

पत्रुसडेफ लेडानि लुःमे टुम्बेफ अगमबानि

(मर्कुस १४:२७-३१; लुका २२:३१-३४; युहन्ना १३:३६-३८)

<sup>३१</sup>मोबा येसुडेफ चोडसाजि लुःसुजि, “आयु सेन्डा का याःत्रयानुड हेनिड चिःफखेन्डानिडे। इन्ढोडहोड इडोफ सप्पफआ लेये,  
‘केफ गोठला राःप्नुड सेफएनुडे,

मोबा सामु बगालजि हाम्बेको हाम्बे चिःखेम्मे।’

<sup>३२</sup> तर का हिडबोक्नुड हेनिडबाड याःलो गालिलबे खेएडे।” <sup>३३</sup> पत्रुसडेः माडेओक्पेः येसु लुःसु, “हेड राःप्माबे चोप चिखेःमिहोडःसो का चाहि इन्डोःपेःसो चिःखेःडानि।” <sup>३४</sup> येसुडेः पत्रुस लुःसु, “चैबानोः हेड लुन्ने, आयु सेन्डानोः भाल्या ओःक्मा याःलो हेनेः का सुम्खे लेडानि लुये।” <sup>३५</sup> पत्रुसडेः येसु लुःसु, “का सिमा सिःडाहोडःसो हेड लेडानि लुनुड लुनानि।” हाइखा चोप चोडसाजिडेःसो मोडोःनोः लुःसुजि।

गेतसमनि बगैचाबेः येसुमि प्रार्थना

(मर्कुस १४:३२-४२; लुका २२:२६-४६)

<sup>३६</sup> मोबा येसु गेतसमनि लुःमे बगैचाबेः खोमि चोडसिजिनुड खडा, मोबा लुःसुजि, “हेनिड इगोबेःनोः पेडगिगानिडे, का चाहि एडेः मेःयोड खेःनुड प्रार्थना लेडे।” <sup>३७</sup> येसुडेः जब्दियामि निप्पाड पसाजिनुड पत्रुस सोरि चिःखेःटुजि मोबा येसु चाहि बेःलो दुःखनुड कस्टबेः सिःटा। <sup>३८</sup> मोबा येसुडेः माहाजि लुःसुजि, “काडमि सोःक्मा सारोःनोः सोक्पेः सिःइटे, हेनिड इगोबेःनोः पेनानिडे, कानुड जागा पेनानिडे।”

<sup>३९</sup> मोबा येसु चाहि एडेः मेःयोड खेःनुड भुइबेः उःक्नुड प्रार्थना लेःःपुगा, “हे काडमि पाबा, नुयेहोड, इगो कस्टमि खोरिया काबाड सेम्बेःमा ना, तर केः मिप्पःआडोः नेःनि, हेनेः मिप्पःआ खा पुरा लिरो।”

<sup>४०</sup> मोबा येसु माहा सुम्बाड चोडसाजि टुढामबेः टेआप्माबेःको खोजि इम्दिघेःपःआ चुप्टुजि, खोसेः पत्रुस लुःसु, “इमा हेनिड काडमि लागि इक्बोडःसो जागा पेडहेसानिडने ?” <sup>४१</sup> जाचबेः सिःमाबेः पापडेः माहेजारो लुःनुड जागो पेन्नुड प्रार्थना लेःःतानुमे। चैबानोः इघा चोप लेःःमामि हेनिडमि होडनिवागो सानिडनोः जागो लेये तर हिडा चाहि जागो लेःःनिबा।”

<sup>४२</sup> हाइके खेःसो खो खेःनुड प्रार्थना लेटु, “केः पाबा, केः इगो खोरिया उडमानोः खेयेहोड, हेनेः मिप्पःआ खानोः पुरा लिरो।” <sup>४३</sup> मो खेःसो खो

चोडसिजिबेऱे टेजामाबेऱे खोजि इम्दिघेऱपऱआ चुप्टुजि, इन्ढोडहोड खोजि इम्मेऱे टुम्मिक टुम्मिक लेटामि।

<sup>४४</sup> मोबा येसुडेऱे माहाजि याःऱयानुड, फेरि खो याऱलोडोऱनोऱ खेऱनुड, मोडोऱमानोऱ प्रार्थना लेटु। <sup>४५</sup> मोबा फेरि येसु चोडसाजिबेऱे टेजानुड माहाजि लुःसुजि, “हेनिड हागोरोसो इम्नुड नाजामेऱनिडसिन्डानिडे ? खेप्सानुमे, याऱमिमि पसा पापिजिमि हुक्पेऱे सिऱमे बेला लेडटे। <sup>४६</sup> हागो पुकडानिडे, खडि! खाक्सानुमे का राःप्मेऱखुबा केक्पेऱनोऱ लेम्बेटे।”

### येसु राःप्पऱआ

(मर्कुस १४:४३-५०; लुका २२:४७-५३; युहन्ना १८:३-१२)

<sup>४७</sup> येसु यामुमारोनेऱे, खोमि बारो चोडसाबेऱेए यहुदा इस्करियोत लेस्सा। खोनुड एप्पा याडाडबाजिनुड यहुदि डायोडजिडेऱे पाडबऱआ याऱमिजिमि बेऱेए हुल तरवार, टोडइरा याडमानुड लेस्सामि। <sup>४८</sup> येसु राःप्मेऱखुबा यहुदाडेऱे इडोऱ खोनुड लेम्बऱआ याऱमिजि लुःबऱआ लेटे, “हाम्बे याऱमि केऱे म्वाइ चानुडे, मोनोऱ येसु लेये, हेनिडेऱे खो राःप्मे। <sup>४९</sup> मोबा यहुदा इस्करियोत, येसुबेऱे लेन्नुड लुःसु, “हे गुरु, सेवायो!” लुःसेऱनुड येसु म्वाइ चोसु। <sup>५०</sup> येसुडेऱे खो लुःसु, “काडमि लाडगाम, हेड इमाड लेःऱसिऱे लेडइटे, मो लेःऱपेसे।” मोबा माहाजि पोम्बेऱे आप्नुड येसु राःबुजि।

<sup>५१</sup> येसुनुड टुघुबा चोडसाजिबेऱेए इक्कोसेऱे तरवार रिक्नुड, चोप्पा एप्पा याडाडबामि सेउतेमि नेएक चेम्बेबेऱेटु। <sup>५२</sup> मोबा येसुडेऱे मो लुःसु, “हेनेऱे तरवार सिप्पेऱे एन्डे, इन्ढोडहोड तरवार फेऱखुबाजि, तरवारडेऱेनोऱ नासि लिम्मे। <sup>५३</sup> हेनेऱे इमाड मिइन्डुए, इमा केऱे काडमि पाबा लुहेसुडने, खोसेऱे का जोगबा लेःऱसिऱे हागोनोऱ बारो पल्टनबाडसो बेऱलो थाडसिऱि दुतजि पाडहेसुनिबा ? <sup>५४</sup> तर इडोऱ लिहोड गो, धार्मिक साप्चिराबेऱे इगो खा लिमानोऱ खेये लुःनुड साप्पऱआ खा इन्डोऱटे पुरा लिये ?”

<sup>५५</sup> मोडोक्पेऱेनोऱ येसुडेऱे खो राःप्सिऱे लेम्बऱआ याऱमिजि लुःसुजि, “इन्ढोड हेनिड तरवारनुड टोडइरा याडमानुड का राःप्सिऱे लेडइटानिडे,



इमा का डाकुडे मिऱटानुमे ? केऱ सानिडनोऱ मन्दिरबेऱ सिक्छे इऱमाबेऱ हेनिडेऱ मेऱाःबानिड। <sup>५६</sup> तर अगमबक्ताजिडेऱ धार्मिक साप्चिराबेऱ साप्पऱआ खा पुरा लिरो लुःनुड इघा चोप लिटहा।”

मोबा मोडोकपेऱनोऱ खोमि चोप चोडसाजि येसु याःऱयानुड चिखडामि।

यहुदिजिमि बेऱए सभामि पोम्बेऱ येसु

(मर्कुस १४:५३-६५; लुका २२:५४-५५, ६३-७१; युहन्ना १८:१३-१४, १९-२४)

<sup>५७</sup> येसु राःप्खुबाजिडेऱ खो चोप्पा एप्पा याडाडबा कैयाफामि खिमबेऱ चिऱखेऱटुजि। मोबेऱ यहुदि धार्मिक नियम इऱऱखुबाजिनुड यहुदि डायोडजि सुम्बऱआ लेटामे। <sup>५८</sup> तर पत्रुस ओबाड मो चोप्पा एप्पा याडाडबामि खिममि पाडलुमठोक येसुमि एडगुवा एडगुवा टिडघेऱटु, हागो इमाड लेन्डुजे मिऱनुड खाडसिऱ होडसिऱयु खेऱनुड मो मन्दिर हुडखुबाजिनुड पेना। <sup>५९</sup> हागो एप्पा याडाडबाजिनुड यहुदिजिमि बेऱए सभाबेऱहा याऱमिजिडेऱ येसु सेऱनेमामि खोमि बिरोधबेऱ मेऱनोकहा साक्छि योकपोगुजि। <sup>६०</sup> मेऱनोकहा साक्छि पिघुबाजि बेऱलो लेस्सामि, तर माहाजिडेऱ इक्को प्रमानसो मेन्चुऱटुजि। एक्साड निप्पाड याऱमिजि पोम्बेऱ आप्नुड इडोऱ लुःसाजु, <sup>६१</sup> “इगो याऱमिडेऱ इडोऱ लुःटुए, ‘केऱ निवाहाडमि मन्दिर योबेनुड सुम याकपेऱ आडसेनुडे’।”

<sup>६२</sup> मोबा चोप्पा एप्पा याडाडबाडेऱ येःप्पोक्नुड येसु लुःसु, “हेनेऱ इमासो लुःसुनिहा ? इघा याऱजिडेऱ हेनेऱ बिरोधबेऱ टिबऱआ दोस इमा चैबानोऱटे ?” <sup>६३</sup> तर येसु योड उगा, चोप्पा एप्पा याडाडबाडेऱ येसु लुःसु, “हिडगरिक निवाहाडमि निडबेऱ किरिया हेक्नुड लुसे, इमा हेड निवाहाडमि पसा खिस्टडे ?” <sup>६४</sup> येसुडेऱ मो लुःसु, “इहिऱ हेनेऱनोऱ लुःबेसु। तरसो हेनिड लुःनिम्ने, हागोएम्बाड एक्साड हेनिडेऱ याऱमिमि पसा चोप्पा एप्पा सक्तिदाडबा निवाहाडमि चुप्पिथडलाम पेम्बऱआनुड नान्द्रुडमामि खिमिऱवाबेऱ उडमेऱनिडसिबऱआ खाडडोइन्डानुमे।”

६५ मोबा चोप्पा एप्पा याडाडबाडेऱ टाडबामि चेऱ नाःक्नुड लुःसु, “इगोसेऱको निवाहाड सिःक्चोसु। हागो हाइखा बेऱलो दोस टिघुबाजि कानिड पाप्पिये ? हागोनोऱ इगोसेऱ निवाहाड सिःक्चाबऱआ हेनिडेऱ खेम्बेसानुम। ६६ हागो हेनिड इमाड कान्डानिडे ?” माहाजिडेऱ लुःसुजि, “इगो सेऱमारोमा लेये। ६७ मोबा माहाजिडेऱ येसुमि डाजिक्पेऱ चेडुजिज, उबुजि मोबा आढाजिडेऱ फेःक्साड इडोऱ लुःसुजि, ६८ “होउ ख्रिस्ट, लो अगमबानि लेटे, हेड असेऱटे मोगे ?”

### पत्रुसडेऱ येसु लेसुडनि लुःबऱआ

(मर्कुस १४:६६-७२; लुका २२:५६-६२; युहन्ना १८:१५-१८, २५-२७)

६६ मोडोक्पेऱ पत्रुस पाखेऱयु पाडलुमबेऱ पेम्मेऱनिडसिडे। इक्को सेउतेनि लेन्नुड पत्रुस लुःसु, “हेडसो गालिलि येसुनुड टुसे।” ७० तर पत्रुसडेऱ मोबेऱहा चोप याऱमिजिमि पोम्बेऱ नेऱनि कासाड मो लुःसु, “हेनेऱ इमाड इःन्दुए, केऱ मेलेसुड।” ७१ मोबा पत्रुस पाखेऱयु गेटबेऱ लेम्माबेऱ हाइको सेउतेनिडेऱ खो खाडडोक्टु, मोबा मोसेऱ मोबेऱहा याऱमिजि इडोऱ लुःबेऱटुजि, “इगो याऱमिसो येसु नासरिनुड सोरि टुसा।”

७२ पत्रुसडेऱ मोबेऱसाे किरिया हेक्साड लुःसु, “केऱ आक्को याऱमि लेनोऱ लेसुडनिबा।”

७३ एडेऱ एक्साड मोबेऱ टुघुबा याऱमिजिडेऱसो पत्रुसमि केक्पे लेन्नुड लुःसुजि, “चैबानोऱ, हेडसो येसुनुड राम्घुबाजिबेऱ इक्को लेये, इन्ढोडहोड हेड यामुमाबेऱनोऱ गालिलिडोऱ यामुये।” ७४ मोबा पत्रुसडेऱ त्यो चापहिमा का सोक्पेऱनोऱ सिऱलो लुसाड किरिया हेक्पोगु, “केऱ मो याऱमि लेनोऱ लेसुडनि।” मोडोऱ कामासोरोक्नोऱ वामि पाजोऱवा ओगा।

७५ मोडोक्पेऱरे याऱलो येसुडेऱ खो लुःबऱआ इगो खा मिऱटोक्टु, “वामि पाजोऱवा ओक्मा याऱलो हेनेऱ का सुम खेऱ लेडानि लुये।” मोबा खो पाखेऱयु खेऱनुड सारोनोऱ हेक हेक मिन्साड हाबा।

### येसु पिलातसबे चिक्खेत्तपत्ता

(मर्कुस १५:१; लुका २३:१-२; युहन्ना १८:२८-३२)

## २७

<sup>१</sup> माक्किमसेल्लाम, चोप एप्पा याडाडबाजिनुड यहुदि डायोडजिडेत्त येसु सेत्तनेमा खेये लुःनुड मोत्ता इःसुजि। <sup>२</sup> मोबा खोजिडेत्त येसु हिःक्नुड चिक्खेत्तुजि मोबा बेत्तए एप्पा हाकिम पिलातसबेत्त जिम्मा पिसुजि।

### यहुदा सिधेत्तपत्ता

(प्रेरित १:१८-१९)

<sup>३</sup> मोबा येसु सेत्तनेमे दन्डा पिमे खा पक्का लिटे लुःमे खा खेम्नुड खो धोका पिघुबा यहुदा हेक हेक मिना मोबा खो सिसेडमि सुमबोड मुन्डा याडमानुड एप्पा याडाडबाजिनुड यहुदि डायोडजि टेबेत्तसि माहाजिबेत्त खेत्तनुड लुःसु, <sup>४</sup> “केत्त दोस मेत्तनिडमा यात्तमि सेत्तनेमामि राःप्पाराप्पुडे ले।” तर माहाजिडेत्त लुःसुजि, “आक्को खा कानिड इमाड लेमा ? आक्को गो हेनेत्तनोत्त लेःत्तपत्ता।” <sup>५</sup> मोबा माहा सिसेडमि मुन्डा मन्दिरबेत्त वेःओसु मोबा खेत्तनुड खेमेत्ताडबा सिस्सिघडा।

<sup>६</sup> माेबा एप्पा याडाडबाजि माहा सिसेडमि मुन्डा कुःप्पुड कासामि, “इघा याड गो यात्तमि सेत्तमामि पिबत्ता लेये, मोडोगेत्त इघा याड मन्दिरबेत्त युडमा कानिडमि धार्मिक नियमडेत्त पिनिबा।” <sup>७</sup> माहाजिडेत्त माहा याडडेत्त परदेसिजिमि येःत्तमाघा टोडमामि लागि कुमालेमि जग्गा इम्मामि मोत्ता इःसुजि। <sup>८</sup> मोडोगेत्तनोत्त आयुरोसो मो जग्गा ‘हरिमि जग्गा’ लुन्डुजे।

<sup>९</sup> मोबा यर्मिया अगमबक्ताडेत्त लुःबत्ता इगो खा पुरा लिजाटहा, “इस्त्राएलि यात्तमिजिडेत्त खोमि लागि युडबत्ता मोल चाहि सुमबोड सिसेडमि मुन्डा लेटा। मो माहाजिडेत्त लासुजि। <sup>१०</sup> परमप्रभुडेत्त का लुःडिडोत्तनोत्त माहाजिडेत्त माहा याड कुमालेमि जग्गामि दाम पिसुजि।”

## येसु पिलातसमि पांम्बे

(मर्कुस १५:२-१५; लुका २३:३-५, १३-२५; युहन्ना १८:२६-१६:१६)

<sup>११</sup> येसु बेण्ण हाकिम पिलातसमि पोम्बेण येबा, मोबा हाकिमडेण सिप्सु, “इमा हेड यहुदिजिमि हाडबाडे ?” येसुडेण लु:सु, “मो गो हेनेणनोण लु:मेणनिडसिन्डु।” <sup>१२</sup> मोबा एप्पा याडाडबाजिनुड यहुदि डायोडजिडेण येसु बेण्लो दोस टिसुजि, तर खोसेण इमाडसो मेणु:सुजि। <sup>१३</sup> मोडोगेण पिलातसडेण येसु लु:सु, “हेनेण्ण बिरोधबेण इघाजिडेण खाल खालहा दोस टिमेणनिडसिन्डुजे, इमा हेनेण खेप्सुनिबा ?” <sup>१४</sup> तर येसुडेण पिलातस इक्को खासो मेण्डेसु। बेण्ण हाकिमसो इगो खाडनुड सारो खरि मिना।

<sup>१५</sup> मो छुटकारामि चाडमि यिडेण बेण्ण हाकिमडेण याणमिजिडेण लु:बण्ण आ इक्को कैदि लेप्पेणमे चलन टुसे। <sup>१६</sup> मोडोक्पेण बारब्बा लु:मे इक्को सारोणोण माडेणमा याणमि तिरोडगा खिमबेण सेक्सिघेणण्ण आ लेटे। <sup>१७</sup> मोबा पिलातसडेण मोबेण सुम्बण्ण आ याणमिजि सिप्सुजि, “केण हेनिडमि लागि असा चाहि लेप्पेणमे ? बारब्बा डे, ख्रिस्ट लुमे येसु ?” <sup>१८</sup> इण्णोडहोड माहाजिडेण येसु चेजेवेणनोण खोबेण लाजेणटुजे लु:मे खा पिलातसडेण लेसुए।

<sup>१९</sup> पिलातस न्याय लेण्णामबेण पेण्णिसिमाबेण खोमबनिमाडेण इडोण्णमा लाम्बवा पाक्सु, “आक्को दोस मेण्णनिडमा याणमि इमाडसो एले:णमे, इण्णोडहोड आयु सेण्डा आक्को याणमिमि टुम्बेण्ण सेण्णमाडडेण बेण्लो दु:ख आडइण्डुडे।”

<sup>२०</sup> तर एप्पा याडाडबाजिनुड यहुदि डायोडजिडेण बारब्बा चाहि लेप्पिण्णमा, येसु चाहि सेण्णनेमे दण्डा पिमे खा डाक्मे लु:नुड याणमिजि चोप्सुजि। <sup>२१</sup> एप्पा हाकिमडेण फेरि सिप्सुजि, “चैबानोण लु:सानुमे, इगो निण्णपाडबेण असाडे लेप्पेमे ?” माहाजिडेण लु:सुजि, “बारब्बा।”

<sup>२२</sup> पिलातसडेण माहाजि लु:सुजि, “मोबा ख्रिस्ट लु:मे येसु चाहि इमाडडे ले:णमे ?” माहा चोबेण लु:सुजि, “आक्को चाहि काप्सिडबेण किडनेमे!” <sup>२३</sup> पिलातसडेण सिप्सुजि, “इण्णोड किडनेमे, आक्कोसेण इमाडडे बिरोड लेण्णटुए ?” तर माहाजि भुना बेण्लो वोसाड कासामि, “आक्को काप्सिडबेणनोण किडनेमा खेये।”

२४ मोबा पिलातसडेऱ माहाजि इमाड मेलेऱहेबऱ आसेऱ, इगो खाडेऱ लेऱमेऱ बेऱलो हाइखा खा पुऱइहा मिऱटु मोबा पिलातसडेऱ योडा लाप्नुड माहा बेऱलो याऱमिजिमि पोम्बेऱनोऱ खोमि हुक वासोक्साड लुःसुजि, “हेनिडेऱ लेसानुमे इगो दोस मेऱनिडमा याऱमि सेऱनेबऱआ दोस काबेऱ मेऱन्सिऱलो, इघा चोप दोस हेनिडबेऱ नोऱ सिऱलो।” २५ मोबेऱहा चोप याऱमिजिडेऱ लुःसुजि, “नुये इगो याऱमि सेऱनेबऱआ दोस कानिडनुड कानिडहा पसाजि सोक्पेऱ सिऱलो।”

२६ मोबा पिलातसडेऱ माहाजिडेऱ डाःक्पऱआ बारब्बा लेपेट्टुजि, तर येसु चाहि कोराडेऱ मोःक्नुड काप्सिडबेऱ किडनेमामि खोजिनोऱ जिम्मा पिहाक्सुजि।

येरिडजिडेऱ येसु सिःक्चाबऱआ

(मर्कुस १५:१६-२०; युहन्ना १६:२-३)

२७ मोबा एक्साड पिलातसमि येरिडजिडेऱ येसु हाडखिम होडसिऱयु लाघेऱनुड हाइखा येरिडजि मोबेऱ सुप्सुजि। २८ माहाजिडेऱ येसुमि चेऱ हेम्बेऱनुड हाडबामिडोऱमा हारररामा चेऱ चाडडिबेऱटुजि। २९ खोजिडेऱ चिजिडमि मुकुट टोडनुड येसुमि निन्डावाबेऱ ओम्डिबेऱटुजि, खोमि चुप्थिड हुकपेऱ इडभु खिमेटुजि। मोबा खोमि पोम्बेऱ चोप येरिडजि टुम्रुक ठोःक्नुड इडोऱ लुःसाड सिःक्चोसुजि, “हे यहुदिजिमि हाडबा, सेवायो।” ३० मोबा माहा येरिडजिडेऱ येसु चेऱनुड मो इडभुडेऱ खोमि निन्डावाबेऱ मोगुजि। ३१ येसु इडोऱ लुःसाड सिःक्चानुड एक्साड माहाजिडेऱ मो चेऱ हेम्बेऱनुड याऱलोमा खोमिनोऱ चेऱ चाडडिबेऱटुजि मोबा काप्सिडबेऱ किडनेमामि चिक्खेऱटुजि।

### येसु काप्सिडबे कडिनेबरा

(मर्कुस १५:२१-३२; लुका २३:२६-४३; युहन्ना १६:१७-२७)

<sup>३२</sup> खोजि खेमेरनिडसिमाबे रामबे सिमोन निड लेःखुबा कुरेनि ठाउबे पेडखुबा इक्को यात्रमि चुप्टुजि, माहा येरिडजिडे खो येरये येसुमि काप्सिड खिमेरटुजि। <sup>३३</sup> इडो खोजि गलगथा ठाउबे लेस्सामि, गलगथा लुःबरा चाहि खप्परे लुबरा लेये। <sup>३४</sup> मोबा माहाजिडे येसु खिवाइड तुबरा अडगुरमि खेडा उडमा पिसुजि, खोसे सेप्खाक्सु तर उडमा मेडखसिडा।

<sup>३५</sup> माहा येरिडजिडे येसु काप्सिडबे कडिडिनुड एक्साड, खोमि चे चिट्ठा एन्नुड खोजिदाडबे हासुजि। <sup>३६</sup> मोबा खोजि मोबेनो पेन्नुड येसु हुक्सुजि। <sup>३७</sup> “येसु यहुदिजिमि हाडबा” लुःमे खोमि बिरोधि दोस पत्र साप्नुड येसुमि निन्डावा मेरटोड माहाजिडे रेप्टिसुजि। <sup>३८</sup> मोबे निप्पाड डाकुजि इक्को येसुमि चुप्थिडलामनुड हाइके एडसिडलाम काप्सिडबे कडिएन्डुजि।

<sup>३९</sup> मो राम लिसाड राम्खुबा चोप यात्रमिजिडे निन्डावा हिःसाड येसु खाडनुड सिःक्चासाड लुःसुजि, <sup>४०</sup> “मन्दिर योबेनुड सुम याकपे टोडखुबा, आम्दाडबा हिडजायेन्डि, निवाहाडमि पसा लेयेहोड, काप्सिडबाड मिम्मु उक्से।

<sup>४१</sup> मोडोको एप्पा याडाडबाजि, यहुदि धार्मिक नियम इःखुबाजिनुड यहुदि डायोडजिनुड सोरि येःप्नुड येसु सिःक्चासाड लुःसुजि, <sup>४२</sup> “इगोसे हाइखाजिगो हिडबोगुजि तर साक्सानुमे, खोम टाडबा चाहि मेहिडहेसु। चैबानो इगो इस्राएलमि हाडबा लेयेहोड हागोनो काप्सिडबाड किरुमु उडरो मोबाडरे कानिडे बिस्वास लेन्डुडमे। <sup>४३</sup> इगोसेको निवाहाडबे भरोसा युक्सुएनुड ‘का निवाहाडमि पसा’ कामानिसे। निवाहाडडे इगो हिडमेःमा मिड्नुएहोड हागोनो इगोबाड छुटकारा लेःदुरो।”

<sup>४४</sup> मोबा येसुनुड सोरि किरुयु मिरुयु काप्सिडबे कडिएम्बरा निप्पाड डाकुजिडेसो मोडोको सिःक्चोसुजि।

## येसु सिधेऱपऱआ

(मर्कुस १५:३३-४१; लुका २३:४४-४६; युहन्ना १६:२८-३०)

४५ मोबा मो देशबेऱ लेन्डा बारोबोडबाड सुमबोडठोक चोप देसबेऱ सेन्जुगुप लिसा। ४६ सुम्बोडराजि येसु इडोऱ लुःनुड बेऱए सेम्लाडेऱ कासा, “इलोइ, इलोइ, लामा सबखथनि?” इगो लुःबऱआ चाहि, “हे काडमि निवाहाड, हे काडमि निवाहाड, हेनेऱ का इन्ढोड लेप्पेटिडे?” ४७ मोबेऱ टुघुबाजिबेऱ इन्डोऱ जनाडेऱ इगो खा खेम्नुड लुःसुजि, “इगो याऱमिडेऱ एलिया केःऱमेऱनिडसिन्डुए।”

४८ माहाजिबेऱ इक्को याऱमि सुवाक्टोऱ येःपोक्नुड इक्को चेऱमि टुक्रा इडभुमि टुप्पाबेऱ युडनुड खिऱवेइड टुबऱआ अडगुरमि खेवाबेऱ सोक्नुड येसु याबुकपेऱ टिबेऱटुजि। ४९ तर आढाजिडेऱ लुःसुजि, “लखे, लखे, इऱछोऱ खाडमा, कतै एलिया लेन्नुड इगो हिडमेन्डुवेन्डे!” ५० मोबा फेरि येसु बेऱए सेम्लाडेऱ कानुड खोमि सोःकमा खडा।

५१ मोडोक्पेऱनोऱ मन्दिरमि पर्दा मिट्टुबाड मिम्मुठोक नि फेड लिनुड नाःक्खडा, रुऱमि खडा, पहरा पोक्खडा। ५२ येःऱमा हेम्बोगा, बेऱलो धर्मि याऱमिजि सिधेऱपऱआबाड पुकडामि। ५३ माहाजि येःऱमाबाड पेऱआबामि मोबा येसु सिबऱआबाड हिडबोक्नुड एक्साड खोजि खेऱनुड पबित्र सहरबेऱ खेऱनुड बेऱलो याऱमिजिनुड खाडमुसामि।

५४ येसु हुडखुबा येरिडजिनुड खोजिमि एप्पाडेऱ रुऱमि खेऱपऱआनुड मोडोक्पेऱ लिमेऱनिडसिबऱआ खा खाडनुड माहाजि बेऱलो किस्सिसाड इडोऱ कासामि, “चैबानोऱ, इगो गो निवाहाडमि पसानोऱ लेटे लेः।”

५५ मोबेऱ गालिलबाड लेम्बऱआ बेऱलो मेऱनारमिजिसो टुसामि, माहाजिडेऱ मेऱयोड येःऱनुड मोबेऱ लिबऱआ चोप खा खामेऱनिडसिडुजे। खोजि येसुमि सेवा लेःऱसाड गालिलबाड येसु टिडसाड टिडसाड लेम्बऱआ लेःऱटामे। ५६ माहाजिबेऱ मरियम मग्दलिनि, याकुबनुड योसेफमि मामा मरियम, मोबा जब्दियामि पसाजिमि मामा टुसामे।

### येसुमि सिगुयाक येःऱमाबेऱ युडबऱआ

(मर्कुस १५:४२-४७; लुका २३:५०-५६; युहन्ना १६:३८-४२)

<sup>५७</sup>युडा अरिमथियाबेऱए योसेफ निड लेःऱखुबा इक्को टाडायोडबा याऱमि लेऱसा खोसो येसुमि चोडसानोऱ लेटे। <sup>५८</sup>खोसेऱ पिलातसबेऱ खेऱनुड येसुमि सिगुयाक डागु, मोबा पिलातसडेऱ खो लाघेऱमे हुकुम पिसु। <sup>५९</sup>योसेफडेऱ येसुमि सिगुयाक लाघेऱनुड मलमलमि चोड चेऱडेऱ यिबु, <sup>६०</sup>मोबा खोसेऱ भरखरि खोम टाडबामि लागि रुडगुवाबेऱ टोडयुडबऱआ चोड येःऱमाबेऱ येसु युक्सु, येःऱमामि याबुकपेऱ इक्को बेऱएम्मा रुडगुवाडेऱ टेक्आनुड खो खडा। <sup>६१</sup>मोबेऱ येःऱमामि केक्पेऱ मरियम मग्दलिनिनुड हाइको मरियमसो टुसाजे।

### येरिडजिडेऱ येसुमि येःऱमा हुडबऱआ

<sup>६२</sup>वागियाराम अथबा नाजामे याकपेऱ, एप्पा याडाडबाजिनुड फरिसिजि पिलातसबेऱ सुम्जानुड लुःसुजि, <sup>६३</sup>“एप्पा हाकिम, कानिडेऱ खेम्डटुडमे, मो रेम्देऱवाडेऱ हिडगरिक लेःऱमाबेऱ, ‘सुम याकपेऱ का फेरि हिडबोऱइडे’ लुःबऱआ लेटे। <sup>६४</sup>मोडोगेऱ सुम याकठोक आक्कोमि येःऱमा नुरोऱ हुडमामि हुकुम लेःऱपेऱमा। आक्टोऱ लेःऱमाहोडरेऱ खोमि चोडसाजिडेऱ खोमि सिगुयाक खुघेऱनुड ‘खो सिबऱआबाड हिडबोगा’ लुःनुड याऱमिजि रेम्डोक्टुजिनि। नेऱनिहोड मो खा याऱलोएबाडसो चुरोऱ माडेऱमा लिये।” <sup>६५</sup>पिलातसडेऱ माहाजि लुःसुजि, “हेनिड टाडबामिनोऱ येरिडजि टुम्मे। खडानिडे, हेनिडेऱ हेरो नुरोऱ हुडमेऱटानुमे। <sup>६६</sup>मोबा खोजि खेऱनुड येःऱमामि याबुकपेऱ युडबऱआ रुडगुवाबेऱ छाप टिनुड मो येःऱमा येरिडजि हुडमेऱटुजि।



### येसु हिडबोकपनआ

(मर्कुस १६:१-११; लुका २४:१-१२; युहन्ना २०:१-१८)

२८ <sup>१</sup>नाजामे याक एकसाड, सातामि यातलोमा याक माक्मिसेल्लाम मरियम मगदलिनिनुड हाइको मरियम येसुमि येःनमा खाडसिः खडाजि। <sup>२</sup>मोडोकपेःनोः बेःएम्मा रुःमि लेस्सा, इन्ढोडहोड निवाहाडमि इक्को थाडसिरिदुत मोबेः उक्सा, मोबा खोसेः येःनमा टेक्पनआ रुडगुवा सेन्नुड मोसोकपेः पेना। <sup>३</sup>खोमि नरिड नाम सेल्लेक्डोःनुड चेः चाहि नाडडोः उश्चिःनमा लेटा। <sup>४</sup>खो खाडनुड येःनमा हुडघुबा येरिडजि चाहि किस्सिमैः थुर थुर योडमानुड भुइबेः काक्सामि, खोजि सिडिडोकनोः लिसामि।

<sup>५</sup>तर थाडसिरि दुतडेः माहा मेःनमामिजि लुःसुजि, “एक्सिडानिडे, केः लुःनिम्ने हेनिड काप्सिडबेः सेःनेबःनआ येसु योक्सिः लेडइटानिडे। <sup>६</sup>खोगो इगोबेः माःआये, खोसेः लुःडिडोः हिडबोइटे। आप्नुड खोमि सिगुयाक युडबःनआ ठाउ खाक्सानुमे! <sup>७</sup>हागो चान्डो खेःनुड खोमि चोडसाजि लुःबेःटाजे ‘प्रभुगो हिडबोइटे, खो हेनिडबाड पोम्बेः गालिल खेःमेःनिडसिये। मोबेः हेनिडेः खो चुप्डन्डानुमे’ लो केः हेन्जिड इगो खा लुःबेःनिम, हागो खडाजे।”

<sup>८</sup>माहा मेःनमामिजि किस्सिमानुड मोबा साप्थाडमानुड मो येःनमाबाड येसुमि चोडसाजि टुढामबेः मो लाम्बवा लुःसिः पिडघडाजि।

<sup>९</sup>हाजोक्टोः येसुडेः माहा मेःनमामिजि चुप्नुड लुःसुजि, “सान्ति!” मोजि खोमि सराडबेःमु ओप्युनुड सेवा मुसाजु। <sup>१०</sup>मोबा येसुडेः माहा मेःनमामिजि लुःसुजि, “एक्किसिडाजे, खेःनुड काडमि निसाजि गालिलबेः खेःमेल्लो लुःबेःटाजे, मोबेः खोजिडेः का चुप्पिम्मे।”

येःऱमा हुडघुबाजिडेऱ लाजेऱपऱआ लाम्बवा

११ माहा मेऱनाऱमिजि मोबाड खेऱनुड एक्साड येःऱमा हुडघुबा आढा येरिडजि सहरबेऱ खेऱनुड एप्पा याडाडबाजि मोबेऱ लिबऱआ खा इःबेऱटुजि। १२ मोबा एप्पा याडाडबाजिनुड यहुदि धार्मिक नियम इःऱखुबाजि सुम्नुड हागो इमाड लेःऱमे लुःनुड खोजि सल्लाह इःसामि। मोबा येःऱमा हुडघुबा येरिडजि बेऱलो याड पिनुड इडोऱ लुःसुजि, १३ “कानिड इम्घेऱपऱआ बेलाबेऱ येसुमि चोडसाजि लेन्नुड खोमि सिगुयाक खुघेऱटुजि” लुःमे यौ। १४ इगो खा एप्पा हाकिमडेऱ खेम्डोक्हुडहोडसो कानिडेऱ खो लुःनुड हेनिड जोगा लेनिम्ने सुर्ता एलेःऱटानुमे।” १५ मोबा येरिडजिडेऱ याड लानुड माहा एप्पा याडाडबाजिडेऱ इःऱपऱआडोऱनोऱ लुःसुजि। मोडोगेऱ इगो खानोऱ यहुदिजिमि रुक्हु मोबा आयुरोसो खोजिडेऱ मोडोऱनोऱ लुन्डुजे।

येसु चोडसाजिबेऱ खाडमुबऱआ

(मर्कुस १६:१४-१८; लुका २४:३६-४६; युहन्ना २०:१६-२३; प्रेरित १:६-८)

१६ मोबा इक्पोड इक जना चोडसाजि येसुडेऱ खेऱमा लुःबऱआ ठाड गालिलमि गोडलुबेऱ खडामि। १७ मोबेऱ माहा चोडसाजिडेऱ येसु चुप्नुड सोरोक ओप्युनुड सेवा मुसुजि, तर माहाजिबेऱ इन्डोगेऱ चाहि सडका लेःऱटुजि। १८ मोबा येसु खोजिमि केक्पेऱ खेऱनुड लुःसुजि, “खेप्सानुमे, थाडसिरिनुड माक्खम्डेममि चोप अधिकार केऱ चुप्डटुडे। १९ मोडोगेऱ खडानिडे चोप जातिहा याऱमिजि चोडसा टोक्सानुमे। माहाजि पाबा निवाहाड, पसा येसुनुड पबित्र होडनिवामि निडबेऱ बप्तिस्मा पिसानुमे। २० केऱ पिबऱआ चोप आग्या पालन लेःऱमामि इःडानुमे। खेप्सानुमे, का मक्खाम्डेममि एक्साडठोक सानिड हेनिडनुड सोरि टुडे।”